

*image  
not  
available*

heek Universiteit van Amsterdam



01 3396 3215









G. J. 's GRA

INTRO

PHILOS

METAP

ET L

CON

Edi



L E

Apud JOH. ET H

M D C C

G. J. 's GRAVESANDE,  
**INTRODUCTIO**

AD 1680-823


**PHILOSOPHIAM;**

METAPHYSICAM

ET LOGICAM

**CONTINENS.**

Editio Altera.



**L E I D A E,**

Apud JOH. ET HERM. VERBEEK.

**M D C C X X X V I I.**

DE

num  
eger  
magn

Lib

meam

quam

bendo

quæ i

expli

magi

que


qui,

string

Leic



# L. S.

lementorum Philosophiæ  
explicationes multipli-  
care, sine dubio, inuti-  
le videbitur illi, qui ad  
numerum Auctorum, qui de his  
egerunt, inter quos Philosophi  
magni nominis, attendet.

Libenter fateor, hanc quoque  
meam esse sententiam; & nun-  
quam de hocce libello conscri-  
bendo cogitassem, si non mihi,  
quæ in ipso continentur, aliis  
explicanda fuissent. Nihil autem  
magis naturale est, quàm unicui-  
que sua placere; & propriam se-  
qui, quàm aliûs methodo me ad-  
stringere, malui. Vale!

Leidæ, ipsis Nonis Martii,  
MDCCXXXVI.

# MONITUM

*De hac Secundâ Editione.*

**P**auca admodum in hac Editione mutata fuere; in solo Capite XII. Lib. I., in quo diversæ Sententiæ de Libertate conferuntur, additamentum quod tres paginas replet, reperietur. Reliqua quæ in hac cum primâ Editione differunt, potius verba quàm res spectant. Ubi credidi, aliis verbis, aut additis paucis, illa, quæ in mente habebam clariùs exprimi posse, verba mutavi, aut pauca addidi. Vale.

Leidæ, ipfis Idibus Novembris,  
MDCCXXXVI.

# I N D E X

## CAPITUM.

### LIBER I. *Metaphyfica.*

#### PARS I. De Ente.

<b>C</b> APUT I.	<i>De Ente in genere, &amp; Rerum Essentiis.</i>	Pag. 3.
CAP. II.	<i>De Substantiis &amp; Modis.</i>	7.
CAP. III.	<i>De Relationibus, ubi de non En- te &amp; Nibilo.</i>	10.
CAP. IV.	<i>De Possibili &amp; Impossibili.</i>	14.
CAP. V.	<i>De Necessario, &amp; Contingenti.</i>	17.
CAP. VI.	<i>De Rerum Duratione &amp; Tempo- re.</i>	20.
CAP. VII.	<i>De Identitate.</i>	23.
CAP. VIII.	<i>De Causâ &amp; Effectu.</i>	29.

#### PARS II. De Mente Humanâ.

CAP. IX.	<i>De Intelligentiâ in genere.</i>	38.
CAP. X.	<i>De Libertate.</i>	42.
CAP. XI.	<i>De Fato.</i>	49.
CAP. XII.	<i>Examen diversarum sententia- rum de Libertate.</i>	56.
	* 3	
	CAP. XIII.	

## INDEX CAPITUM.

CAP. XIII.	<i>De Immaterialitate Mentis.</i>	67.
CAP. XIV.	<i>Mentem non esse ipsam Cogitationem.</i>	69.
CAP. XV.	<i>Examen Quæstionis an Mens semper cogitet.</i>	71.
CAP. XVI.	<i>De Coniunctione Mentis cum Corpore, &amp; iis quæ ex hac sequuntur.</i>	76.
CAP. XVII.	<i>De Modo quo Mens cum Corpore conjungitur.</i>	79.
CAP. XVIII.	<i>Diversarum sententiarum de Coniunctione Mentis cum Corpore comparatio.</i>	87.
CAP. XIX.	<i>De Origine Idearum.</i>	96.

### LIBER II. Lógica.

#### PARS I. De Ideis & Judiciis.

CAP. I.	<i>De Idearum divisione.</i>	106.
CAP. II.	<i>De Ideis Simplicibus, &amp; Compositis.</i>	108.
CAP. III.	<i>De Ideis Claris &amp; Obscuris; Adequatis &amp; Inadequatis; Distinctis &amp; Confusis.</i>	112.
CAP. IV.	<i>De Ideis Abstractis &amp; Concretis; ubi de Ideis Universalibus, Particularibus, &amp; Singularibus.</i>	115.
		CAP. V.



# INDEX CAPITUM.

<u>CAP. V.</u>	<i>De Ideis Absolutis &amp; Relativis.</i>	
<u>CAP. VI.</u>	<i>De Ideis illorum quæ in Mente</i>	<u>121.</u>
<u>CAP. VII.</u>	<i>peraguntur.</i>	<u>124.</u>
<u>CAP. VIII.</u>	<i>Generalia de Judiciis.</i>	<u>128.</u>
<u>CAP. IX.</u>	<i>De Propositionibus Universalibus</i>	
	<i>&amp; Particularibus.</i>	<u>131.</u>
<u>CAP. X.</u>	<i>De Propositionibus simplicibus;</i>	
	<i>Ubi de complexis &amp; incidenti-</i>	
	<i>bus.</i>	<u>134.</u>
<u>CAP. XI.</u>	<i>De Propositionibus Compositis.</i>	<u>138.</u>
<u>CAP. XII.</u>	<i>De Vero &amp; Falso.</i>	<u>140.</u>
<u>CAP. XIII.</u>	<i>De Evidentiâ.</i>	<u>142.</u>
<u>CAP. XIV.</u>	<i>De Veritate Idearum quas non im-</i>	
	<i>mediate acquirimus; ubi de E-</i>	
	<i>videntiâ Morali.</i>	<u>148.</u>
<u>CAP. XV.</u>	<i>De Sensibus, primo Evidentiæ</i>	
	<i>Moralis Fundamento.</i>	<u>154.</u>
<u>CAP. XVI.</u>	<i>De Evidentiæ Moralis Funda-</i>	
	<i>mento secundo, Testimonio.</i>	<u>170.</u>
<u>CAP. XVII.</u>	<i>De Evidentiæ Moralis Funda-</i>	
	<i>mento tertio, Analogiâ.</i>	<u>177.</u>
<u>CAP. XVIII.</u>	<i>De Probabilitate.</i>	<u>182.</u>
<u>CAP. XIX.</u>	<i>De Probabilitate compositâ.</i>	<u>196.</u>
	<i>De Objectionibus &amp; Probabilita-</i>	
	<i>tibus oppositis.</i>	<u>209.</u>
	<u>CAP. XX.</u>	

# INDEX CAPITUM.

<u>CAP. XX.</u>	<u>De Judicio Composito seu Ratiocinio.</u>	<u>219.</u>
-----------------	---	-------------

## PARS II. De Causis Errorum.

<u>CAP. XXI.</u>	<u>De Causis Errorum in genere.</u>	<u>231.</u>
<u>CAP. XXII.</u>	<u>De Erroribus ex Auctoritate.</u>	<u>234.</u>
<u>CAP. XXIII.</u>	<u>De Erroribus ex Inclinationibus &amp; Animi Affectibus.</u>	<u>241.</u>
<u>CAP. XXIV.</u>	<u>De Erroribus ex Superbiâ.</u>	<u>245.</u>
<u>CAP. XXV.</u>	<u>De Erroribus ex Ignaviâ.</u>	<u>248.</u>
<u>CAP. XXVI.</u>	<u>De Erroribus ex Idearum confusione.</u>	<u>251.</u>
<u>CAP. XXVII.</u>	<u>De Erroribus ex Necessitate eligendi inter sententias.</u>	<u>258.</u>
<u>CAP. XXVIII.</u>	<u>De Sophismatibus.</u>	<u>261.</u>

## PARS III. De Methodo.

<u>CAP. XXIX.</u>	<u>De Diversis Methodis.</u>	<u>267.</u>
<u>CAP. XXX.</u>	<u>De augendâ Intelligendi Facultate.</u>	<u>270.</u>
<u>CAP. XXXI.</u>	<u>De Attentione augendâ.</u>	<u>277.</u>
<u>CAP. XXXII.</u>	<u>De Memorîâ.</u>	<u>281.</u>
<u>CAP. XXXIII.</u>	<u>De Methodo Analyticâ.</u>	<u>287.</u>

CAP.

## INDEX CAPITUM.

CAP. XXXIV.	<i>De usu Hypothesium.</i>	300
CAP. XXXV.	<i>De occultis Literarum Notis enodandis.</i>	308.
CAP. XXXVI.	<i>De Methodo Synthetica.</i>	322.
CAP. XXXVII.	<i>De Methodo discendi.</i>	335.

### APPENDIX De Arte Argumentandi.

CAP. I.	<i>Generalia de Syllogismo, hujusque Propositionibus &amp; Terminis.</i>	345.
CAP. II.	<i>De Syllogismorum Regulis.</i>	349.
CAP. III.	<i>De Syllogismorum Modis &amp; Figuris.</i>	353.
CAP. IV.	<i>De Figurâ primâ.</i>	358.
CAP. V.	<i>De Figurâ secundâ.</i>	360.
CAP. VI.	<i>De Figurâ tertiâ.</i>	362.
CAP. VII.	<i>De Figurarum comparatione, &amp; Reductione Argumentorum ad Figuras.</i>	364.
CAP. VIII.	<i>De Syllogismis Hypotheticis &amp; Disjunctivis.</i>	370.
CAP. IX.	<i>De reliquis Syllogismis imperfectis.</i>	372.

IN

PH

can

L

MET

can

can

can

can

can

can

can

can

can


can

can

# INTRODUCTIO

A D


## PHILOSOPHIAM.



LIBER PRIMUS

METAPHYSICAM CONTINENS.

Pars I. De Ente.



**P**ropositum nostrum in hisce est  
illa indicare, quæ majori  
curâ perpensa, in dirigendâ  
Mente, dum rebus cogno-  
scendis, & inquisitioni Veri sese tradit,  
necessaria aut utilia esse possunt.

Ante omnia autem observandum nos re-  
rum acquirere notitiam quia has percipi-  
mus; remotâ Perceptione, omnis tollitur  
rerum cognitio.

A. Fa-

## 2 I N T R O D U C T I O


*Facultati percipiendi nomen Intelligentiæ datur, & Intelligens vocatur qui hac ipsâ gaudet.*

*Perceptio autem ipsa, quam etiam Ideam vocamus, illud est quod immediate Menti est præsens. Non res ipsas, sed harum Ideas, Mens nostra considerat, de hisce judicat, de hisce ratiocinatur, & circa has tota versatur ratiocinandi Ars.*

*Antequam autem hanc ipsam Artem explicare suscipiamus, cum rerum cognitionem pro objecto habeat, operæ pretium esse nobis videtur quædam præmittere de Rebus generalissime consideratis; & quia agitur de dirigenda Mente, hujus affectiones perpendere utile etiam erit. Hicce ergo tractationis ordo erit.*

*Primum de Rebus generalissimè consideratis; postea de Mente; & tandem de hac ipsa dirigenda, in acquirenda rerum cognitione, agam. Duo prima ad Metaphysicam, ultimum ad Logicam pertinent.*

C A



## CAPUT I.

*De Ente in genere & Rerum Essentiis.*

**R**es omnes, siue nobis cognitæ fuerint, 1.  
siue ignotæ, hoc commune habent,  
ipsas *esse*. *Existentiæ* hoc ipsum recen-  
tiores vocant Philosophi, & *Entis* nomi-  
ne designant illud quod est.

Entis acquirimus ideam *Abstractione*, 2.  
ut loquuntur Philosophi. De *Abstractione*  
in *Logicis* nobis agendum erit, sed quæ  
ibi traduntur ad præsens propositum non  
pertinent.

*Abstractionem* vocamus, quando dum 3.  
de re cogitamus, non ad omnia, quæ ne-  
cessario ad hanc pertinent, attendimus.  
*Rotunditatis* ideam acquirō ad solam fi-  
guram globi, non ad materiam aut ma-  
gnitudinem, attendendo.

Eodem modo hoc solum considerando 4.  
quod commune est omnibus rebus quæ

A 2 sunt,

#### 4. I N T R O D U C T I O

sunt, non ad singularum affectiones animum applicando, acquirō ideam *Entis* in genere.

5. Sed & magis extendunt Philosophi huius vocis significationem, dum hac ipsa non tantum quæ revera sunt, sed & quæ esse possunt, exprimunt.

Entis abstractam ideam non inutiliter à Philosophis fuisse examinatum, ex iis, quæ in hac primâ parte tractantur, patebit; multum tamen illam inutilibus quaestionibus ansam præbuisse quis inficias ibit?

6. Ubi res perlustramus, videmus has distinctas esse inter se, & unam quamque quid peculiare habere, quo ab aliis diversa est; vocant hoc rei *Essentiam*, quam describunt *illud per quod res est id quod est*. Circuli Essentia est habere singula circumferentiæ puncta æqualiter à centro remota: Figura enim hac solâ de causâ pro Circulo habetur.

7. Essentiam rei ab ipsa re, nisi abstractione, separari non posse, quis non videt? Tolle indicatam Circuli naturam, & ipsum.



ipsum Circulum evanescere percipies. Habere singula peripheriæ puncta à centro æqualiter remota, & esse Circulum, sunt unum & idem.

Hoc ipsum & aliter Philosophi exprimunt, dum dicunt *æternas*, id est, *sua naturâ immutabiles*, esse rerum *Essentias*.

Contraria sententia apud multos invaluit, qui dicunt, rerum *Essentias* à Dei voluntate pendere; & quasi ab ipsis, qui has *æternas* ponunt, potestati Divinæ quid detraheretur, opinionem suam proponunt.

De hac controversiâ hoc unicum observabo, vix credibile esse, illos qui affirmant *Essentias* esse immutabiles, & hos qui hoc ipsum negant, idem hac voce *Essentia* exprimere.

Quid illi dicant clare concipio, quid autem sibi hi ultimi velint, hoc me assequi non posse, libenter fateor.

Quando Triangulum considero, hanc esse figuræ hujus naturam video, habere tres angulos & tres angulos tantum; adde

## 6 I N T R O D U C T I O

angulum, tolle angulum, Trianguli tollitur figura. Dum hoc affirmo, claram & distinctam asserti habeo notionem. Si quis hoc ipsum neget, & dicat, Deum posse Triangulo quatuor angulos dare, non destructo Triangulo, ita ut tres anguli essent quatuor anguli; tunc ego hujus effati ullum conceptum, ne quidem effingere, possum.

12. Qui ita ratiocinantur addunt intelligentiam nostram ad præsentem rerum constitutionem adaptatam esse, in qua Triangulum habet tres angulos, mutatis rerum Essentiis intelligentiam etiam mutandam esse. Quid velint iterum non concipio, nisi ita rem intelligant, ideas meas mutari posse; hoc non nego, possum figuram quadrilateram concipere & hanc vocare Triangulum: sed quæstio mutata est; hoc enim unicum affirmavi, figuram non posse mutari, dum manet illud quod est, id est, dum non mutatur.

Esse, & eodem tempore non esse, se ipsum destruit, & ad talia extendere  
Di-

Divinam potestatem est asserere, Deum illa creare, quæ non producit, & omnia posse, aut nihil posse, esse unum & idem.

## CAPUT II.

*De Substantiis & Modis.*

**R**edeamus ad generale rerum examen. 13. Dum ad hoc attendimus, res omnes esse, statim percipimus non esse omnes eodem modo.

Quædam in se habent omnia, quæ ad 14. existentiam necessaria sunt, ut Arbor, Lapidis, &c. vocantur hæc *Substantiæ*.

Res aliæ non tali gaudent existentia; 15. ut sint, aliud quid desideratur, sine quo esse non possunt. Figura sphaerica non dabitur sine eo quod sphaericum est; Motus sine Mobili ubi est? Res tales vocamus Modos, Attributa, Accidentia.

Substantia in se habet, quæ ut sit requi- 16. runtur; Modus hæc ipsa habet non in se,

A 4                      sed

## 8- I N T R O D U C T I O

sed in Substantia, sine qua esse non potest.

17. Corpus est Substantia, quamvis Loco indigeat, & non est attributum Loci, quia ad ipsum Corpus proprie non pertinet; Corpus enim non mutatur, dum Locum deserit; neque hac translatione Locus ipse ullam subit mutationem. Attributum autem à Substantia separari non potest, neque hæc sine mutatione Attributum amittere.
18. Ideas ipsarum Substantiarum non habemus, has tantum per Attributa novimus. Nunquam nisi per abstractionem Substantiam concipere possumus, quæ Attributis non certo modo determinatur; & tunc hæc Attributa cuidam subjecto inhærere concipimus, quod ipsa est Substantia, quam ideis assequi non possumus.
19. Substantiæ sunt aut cogitantes, aut non cogitantes; Cogitantes duas novimus, Deum & Mentem nostram: præter has & alias dari in dubium non revocamus. Duæ etiam Substantiæ, quæ non  
cogi-

cogitant, nobis notæ sunt, Spatium & Corpus.

Attributa diversimode considerantur: 20. quædam essentialia dicuntur, quæ à sub-jecto removeri non possunt, nisi hoc ipso destructo. Accidentalibus Attributa, aut simpliciter Accidentia, vocantur illi modi, qui, salvâ ipsâ re, ab hac separantur.

Attributa essentialia differunt in eodem 21. sub-jecto prout diversimode consideratur, id est, pro diversa hujus determinatione, ita ut in sub-jecto bene determinato omnia attributa sint essentialia.

Si Globum considerem aureum, & tantum ad corpoream ipsius attendam naturam, essentialia erunt Attributa, Extensio, Impenetrabilitas, aliaque omnibus corporibus communia; & reliqua quæ figuram & auri virtutes spectant Accidentia erunt.

Si de Corpore agatur sphærico, tum etiam figura sphærica essentialis est Attributum, quo remoto Globus aureus non amplius esset corpus sphæricum.

## IO I N T R O D U C T I O

22. Si res quæ examinatur, omni respectu determinata sit, nihil poterit removeri nisi tollatur determinatio quædam, & ita res ipsa mutetur; quare in hoc casu omne Attributum essentiale est.

## C A P U T I I I.

*De Relationibus, ubi de Non Ente  
& Nihilo.*

23. **P**ræter Substantias & Modos dantur Relationes, quarum ideas acquirimus comparatione duarum idearum.
24. Ad Relationes referimus Modos externos dictos; hac voce designant illud quod in subjecto concipimus, quando ad actionem aliûs attendimus, ut amari, desiderari; duorum comparatio in his datur, non potest quid amari nisi detur amans.
25. Huc etiam pertinent Intentiones Secundæ dictæ; verba tunc exprimunt rem ipsam certo modo ad aliam relatam; majus esse, duplum esse, dimidium esse, &c.
- Non

AD PHILOSOPHIAM. II

Non etiam à Relationibus separare debemus Negationes & Privationes.

Negationem vocant absentiam *Attributi*, quod non solet neque potest subiecto inesse: sic de lapide negamus cogitationem; quod fieri non potest, nisi conferendo lapidem cum cogitante substantia; non enim aliter percipere possumus cogitationis attributum lapidi competere non posse.

*Privatio est absentia Attributi*, quod non tantum potest, sed & solet adesse. Surdus privatur auditu; quam ideam acquirimus conferendo ideam surdi cum idea hominis qui audiendi facultate gaudet.

Relationes innumeræ aliæ dantur. Ad has pertinent *Judicia*, & *Ratiocinia* omnia, & de Relationibus plura in *Logicis* observanda erunt.

In hoc autem loco satis erit unicam examinasse quæstionem. Ad quam classem rerum debemus Relationes referre?

Hæ non sunt *Nihil*; harum tamen idæ,

æ, non nobis aliquid extra Mentem ipsam & ab ideâ diversum repræsentant; id est, ideæ hæ, eodem modo ut ideæ abstractæ, non habent Prototypa extra Mentem, qualia ideæ Substantiarum & Modorum habent. Non ergo Relationes ut Substantiæ & Modi existunt. Quæri ergo potest an ad Entia referri debeant? Solutio quæstionis à Definitione Entis pendet.

30. Si Ens dicatur omne quod est, quomocunque hoc sit, id est, si Ens Nihilo opponatur, Relationes omnes erunt Entia.
31. Si vero ad Entia tantum referamus Substantias & Modos, tunc Medium quid datur inter Ens & Nihil; *Non Entis* nomen huic Medio dant, qui hoc admittunt, & ab ipso Nihilo distinguunt.
32. In his nulla dabitur difficultas, si Relationes omnes ad Non Entia referamus; sunt enim omnes ejusdem Naturæ respectu existentiae, & distinctio, qua quædam ad Entia, aliæ ad Non Entia referuntur, fundamentum habere non potest, nisi



nisi talem quis Entis dederit Definitionem, quæ quasdam Relationes, & non omnes exprimat.

De verbis non disputandum, arbitrariæ sunt horum significationes; sed cavendum ne ad res ipsas transferamus distinctionem, quæ in arbitraria verborum significatione originem habet.

Diximus Relationes non esse *Nihil* 33. (29); hæc voce exprimimus illud, quod plerumque vocatur *Merum Nihil*. Hujus nullæ sunt affectiones, & tale non est omne, de quo aliquid affirmari, aut negari potest. •

Circa *Nihil* duo vitanda sunt.

1. Ne *Nihil* habeatur pro aliquo; ut 34. fit quando quis affirmat contradictoria simul esse posse.

2. Ne aliquid habeatur pro *Nihilo*; 35. ut illi faciunt qui, dum Vacuum admittunt, hoc tamen nihil esse affirmant.

## CAPUT IV.

*De Possibili & Impossibili.*

36. **V**idimus Ens vocari non tantum illud quod est, sed etiam illud *quod non est, sed esse potest* (5): hoc *Possibile* vocatur.
37. *Illud autem quod esse non potest impossibile dicitur.*
38. Illa quæ fingimus conjungendo, aut separando Ideas, dicuntur *Entia Rationis*, sive *possibilia*, sive *impossibilia* sint, si modo non existant.
- Impossibilitas non semper ex eodem fonte fluit.
39. Absolute impossibile dicitur, quod in se consideratum propriam impedit existentiam. Hoc revera nihil est, quamvis verbis exprimatur quasi esset aliquid. Mons sine Valle impossibilis est, & proprie loquendo nihil est. Nam, ut in Arithmeticis, si ponam tria, & dein-

deinde tollam tria, nihil superest; sic in hisce, ubi pono Montem, pono Vallem; deinde removendo Vallem, tollo Montem: & omnia evanescunt.

Dantur variæ Impossibilitates ab hac 40.<sup>a</sup> ipsa diversæ. Aliquando res in se considerata quidem possibilis est, sed extraneum quid impedit, quo minus esse possit. Carcere inclusus, quamvis ipsi, si hunc solum consideremus, nihil ad exeundum deficiat, exire non potest, quia janua clausa est.

Impossibilitas sæpe tantum tribui debet 41.<sup>a</sup> relationi inter duas res; Cylindrus foramen crassitie superans non potest intrudi propter relationem inter has magnitudines. Vas ad sextarium amplum, fluido repletum, ejecto hoc, non semper continere poterit aliud fluidum, æquali aut minori quantitate, relatio enim, à peculiari fluidi constitutione, & vasis materiâ, pendens, hoc impedire poterit; ut si de Spiritu Nitri & vase Ferreo agatur.

Præter hasce Impossibilitates, quas 42.<sup>a</sup> mnes

## 16 I N T R O D U C T I O

mnes Physicas dicimus, aliam non debemus negligere, quam Moralem vocabimus. Impossibilitas sæpe Moralis dicitur, quando oppositum exiguum, sed quandam tamen, habet probabilitatem. De tali Impossibilitate nunc non agitur: ad materiam Probabilitatis pertinet hæc, & in Logicis examinanda erit.

43. *Moralem in hisce vocamus Impossibilitatem, ubi hujus causa in Intelligentiâ querenda est. Ex. gr. Homo sanâ mente præditus, sponte Balneum aquæ bullicentis non intrabit; & impossibile hoc est, si intraret, non esset sanâ mente præditus; sed Impossibilitas non ad ullam ex ante explicatis, præter ultimam, referri potest: non Physica est, sed Intelligentiæ soli tribui debet.*
44. *Antequam ergo aliquid omnino possibile pronunciemus, constare debet, nullam ex diversis hisce Impossibilitatibus existentiam impedire.*

C A-

## CAPUT V.

*De Necessario & Contingenti.*

Uterius res generaliter considerando, 45.  
videmus quasdam esse *Necessario*,  
alias *Contingenter*.

Sed non omnes hisce vocibus idem exprimunt.

Inter omnes quidem convenit, illud *Necessarium esse, cujus contrarium impossibile est*; sed non intelligunt omnes impossibilitates de quibus egimus: sæpe ad solam primam, id est, absolutam, attendunt; aliquando solam ultimam excludunt, illam nempe quam moralem diximus; non etiam semper easdem iidem excludunt, unde confusio magna.

*Hypotheticam* quidam vocant *Necessi-* 46.  
*tatem*, quando contrarium impossibile est, non suâ naturâ, sed aliunde.

Ut omnis confusio vitetur, iisdem vo- 47.  
cibus, semper eadem idem exprimendæ

B sunt.

sunt. Generaliter ergo *Neceffe* vocabimus *cujus contrarium impossibile est*, quæcunque sit impossibilitatis causa.

48. *Absolutam* vocabimus *Neceffitatem* *cujus contrarium absolute impossibile est*; id est, *ubi non datur contrarium* (39). Ita neceffe est *Triangulum* habere tria latera.
49. Hanc etiam *Physicam* dicemus *Neceffitatem*, ut in omni alio casu, ubi impossibilitas contrarii *Physica* est (42.). Omnemque *Physicam Neceffitatem* etiam *Fatalem* vocabimus; sed si impossibilitas *Moralis* sit (43.) *Moralis* etiam erit *Neceffitas*.
50. Talis est quâ homo sanâ mente præditus, inter venenum & cibum salubrem eligens, illud rejicit, hunc sumit: si aliter ageret, non esset sanâ mente præditus.
51. *Contingens* dicitur, *quod potest esse, aut non esse*; id est, quod ex propriâ naturâ non determinatur. Confusionem autem non exiguam detegimus in usu hujus vocis; nam multi *Contingentiam* ita in-

intelligunt, quasi omni Necessitati opponeretur; sed minus vulgaris est hæc significatio: quotidie Contingens vocatur quod Morali Necessitate adstringitur, quod cum Contingentiæ definitione congruit; hæc enim spectat rem, & Moralis Necessitas personam quæ rem agit.

Inter illos qui dicunt nullum Contingens esse Necessarium, quidam distinguunt inter Necessarium & Certum aut Determinatum; sed illud quod Certum & Determinatum est; aliter esse non potest, & quod aliter esse non potest, hoc ipsum quotidie Necessarium dicitur, & hoc cum ipsâ hujus vocis definitione congruit (44. 47); à quâ si recedamus, confusio difficulter vitari poterit; sed distinguendum inter Necessitates suâ naturâ diversas.

Hac de causâ Necessariam dicimus rem Contingentem à Deo prævisam; contrarium enim illius quod ita prævisum est, impossibile est; sed cum res contingens sit, non agitur de Necessitate Absolutâ, aut aliâ quacunque Fatali.

## CAPUT VI.

*De Rerum Duratione, & Tempore.*

53. **P**rimum omnium in examine rerum acquirimus, ut superius vidimus, ideam existentiae harum; sed & simul acquirimus ideam *Durationis*.
54. In *Duratione* Initium & Finem concipimus; si has removeamus ideas, *Durationis* dicitur *Æterna*. Quando sola idea Initii removetur, dicitur *Æterna* à parte ante. Ubi cum Initio, sed sine Fine, concipitur, *Perpetua* vocatur, aut *Æterna* à parte post.
- Duas de *Duratione* tantum examinabo quæstiones; primam de *Divisibilitate*, secundam de *SucceSSIONe*.
55. 1. Quæritur utrum momenta dentur indivisibilia, aut omnium minima? Hæc quæstio eadem est cum illâ, quæ de *Quantitatis Divisibilitate* agitur, & eodem modo solvitur.

Qui *Momentum* quantumvis exiguum con-



concipit, ad Initium & Finem attendit; & minus Momentum dari posse eo ipso percipit: omne ergo Momentum in minora resolutum concipere possumus; & in Duratione nihil indivisibile dari, præter duorum successivorum Momentorum separationem, quæ est Finis primi & Initium secundi, manifestum est:

2. Secunda quæstio, quam prætermittit 56. tere non debemus, est hæc: An detur Duratio sine successione? Vix credo illos qui affirmant, & ipsos qui negant, diversas ideas habere; solutio enim pendet à significatione vocis *Successio*. Si hac ipsâ intelligamus, ut vulgo fit, unum quod alterum sequitur, nulla datur difficultas; & Durationem sine Successione dari nemo in dubium vocare poterit, qui Attributa Divina, eâ quam requirunt attentione, examinaverit.

Æternum illum esse, sed sine Successione 57. durare, qui nulli mutationi obnoxius est, quis negabit?

Deus omnes præsentis habet ideas quæ in Infinitâ Intelligentiâ dari possunt; nul-

## 22 I N T R O D U C T I O

lam novam acquirere potest; idearum omnium percipit comparationes omnes, & comparationum comparationes, in Infinitum. Hæc omnia, eodem modo, ipsi ab Æterno præsentia fuere, in Æternum ipsi, eodem modo, præsentia erunt; nihil acquirere, nihil amittere, potest; omnis, quam in Deo concipimus mutationem, se ipsam destruit. Quis ergo in hujus Duratione ullam poterit concipere Successionem?

58. Si autem hujus vocis mutemus significationem, & ipsam Successionem confundamus cum simplici & uniformi Duratione, tunc Duratio sine Successione, est Duratio sine Duratione; & absurdum esset hanc tueri: sed hæc non est Successio.
59. Idea abstracta Durationis vocatur *Tempus*.
60. Si Durationem sine Successione consideremus, *Tempus* dicitur *verum*.
61. Si ad Successionem attendamus, *Tempus* est *relativum*; & Successione ipsa mensurari potest. Partes ita mensuratæ dicuntur *Momenta*.

C A.

## CAPUT VII.

*De Identitate.*

**D**um ad res quæ durant attendimus, sæpe has mutari percipimus, aliquando has, in se consideratas, immutatas manere. Quamdiu res non mutatur, eandem hanc dicimus, ab omni aliâ distinctam. *Unitatem & Identitatem* ipsius rei hoc vocant.

Res dicitur eadem variis respectibus; 62.  
generaliter pro eâdem habetur, cujus nulla Attributa essentialia fuere mutata; sed in memoriam debemus revocare, quæ de istis attributis superius fuere explicata (21.). Patebit tunc Identitatem pendere ab iis, quæ nos de re in Mente habemus; & rem ab uno pro eâdem haberi, quam alter mutatam concipit: quod etiam ad unum quemque hominem possumus referre, si diversa consideremus tempora: Cadaver non est Homo; sæpe tamen, ubi de determinato Homine agitur, hunc tali

tumulo contineri dicimus, quasi reliquæ quædam corporis Identitatem Hominis constituerent.

Quamvis magnam ex his fluere debere confusionem videatur, non tamen talis hæc est: ex usu verborum quid sibi, in hisce occasionibus, velint Homines, satis intelligimus. Ubi autem Philosophice Identitatem consideramus, exactius ipsam determinare debemus.

64. Ubi de Substantiis agitur, unamquamque ab omnibus aliis distinctam concipimus; & in hoc solo, quærenda est hujus Identitas. Quamdiu hoc ipsum servat, quo nunc ab omnibus aliis distinguitur, eadem manet; loquimur de ipsâ Substantiâ, de subjecto cui Modi inhærent, & à quo quidam Modi separari non possunt.
65. Si vero agatur de Substantiâ aliis quibusdam Modis determinatâ, tunc ut Identitas servetur, iidem Modi, in eâdem Substantiâ, continuari debent.
66. Generaliter quoque Modi Identitas ponit substantiæ Identitatem; idem enim  
Mo-

Modus non Substantiis diversis inhærere potest; & improprie loquimur quando dicimus corpora duœ eandem habere figuram.

Non etiam ex unâ Substantiâ in a-67. liam transire potest Modus; hinc enim non diversus est à Substantiâ modificatâ.

Eodem modo Relatio eadem tantum 68, manet, quamdiu res, quæ Relationem habent, illa non mutata servant, à quibus hæc pendet. Et ne nos in errorem inducat vulgaris loquendi modus, quo de similibus Relationibus loquimur, quasi essent eadem. Improprie admodum dicimus eandem dari Relationem inter 15. & 10, & inter 6. & 4; quia, in utroque casu, numerus primus est sesquialter secundi; ex quo tantum sequitur Relationes esse similes.

Idea Identitatis Substantiæ continet 69. Ideam continuationis Existentiæ. Si concipiam Substantiam destrui, id est, à rerum Conditor in nihilum reduci, omnis Identitatis perit conceptus: si quis dicat de novo creari posse; respondeo,

B 5 . hanc

hanc esse aliam, quàm à priori clare distinctam percipio, cum diversum habeat initium.

70. Hoc ipsum ad plures Modos & Relationes, non tamen ad omnes, referri debet; in quibusdam enim Identitas instaurari potest: eadem erit ejusdem corporis figura, si eadem particulæ minimæ eodem modo sint dispositæ, quamvis, per aliquod tempus, interruptam concipiamus dispositionem hanc.

In quibusdam Modis nullam Identitatem, nisi in singulis instantibus, quærere debemus, ut in Translatione & Duratione.

71. Datur alia Identitas, quæ à solis Modificationibus pendet, non ab ipsâ Substantiâ. Locum hæc habet in Machinis, & aliis corporibus, ex diversis partibus, ad determinatum usum, certo modo, dispositis. Corpora hæc, quamdiu Ordo partium servatur, licet nunc una, tunc altera, mutetur, ita ut tandem nihil ex priori Substantiâ supersit, pro iisdem tamen habentur.

Iden-

Identitas, in hoc casu, in solo partium Ordine quærenda est, non in ipsâ Substantiâ, quam mutari posse diximus; sed si, dum hæc mutatur, simul Ordo turbetur, Identitas perit; servatâ autem Substantiâ Ordo pro tempore turbari potest.

Domus eadem manet cujus successive omnes partes renovantur, ita ut nulla ex primis superfit. Horologium idem manet, solutis partibus, si iterum jungantur. Sed si mutatio in domo fiat, minori tempore, & opere non interrupto, domus nova dicitur; non enim Ordo turbari, & Substantia mutari, eodem tempore debent. Similem successivam, servatâ Identitate, mutationem in corporibus Hominum, & Animalium, ut & in Plantis, observamus.

Quidam dicunt Identitatem talis corporis in Stamine quodam à Deo formato, quod interpositis partibus fuit expansum, dari; hæcque tantum mutari partes interpositas; ipsius vero Staminis partes nunquam tolli, aut harum Ordinem turbari, quamdiu corpus idem manet. Sed ad hoc  
nos

nos non attendimus: idem dicimus corpus, quamdiu Ordo partium sensibilibus non interruptitur; & hunc solum consideramus.

73. Quando cogitantium Substantiarum Identitatem examinamus, iis quæ superius (64.) de Substantiarum Identitate observavimus, quædam addenda sunt de Identitate Personæ.
74. Personam Metaphysici vocant determinatam Intelligentem Substantiam: sed Intelligentiam concipiunt, in quâ præter præsentem, quæ inter se conferuntur, Ideas, datur recordatio talis præteritarum perceptionum, ut cum conscientiâ præsentis existentie conjungatur memoria existentie præteritæ.
75. Hæc memoria proprie constituit Identitatem Personæ: positâ illâ, Persona eadem est; si tollatur memoria, mutatur Persona, quamvis de eadem Substantiâ agatur.
- Morbo, aut casu quocumque, Sempronius præteritorum memoriam amisit; quas nunc habet ideas, non majorem cum illis,



illis, quæ ipse olim cogitavit relationem habent, quàm cum iis quæ cogitavit Mævius; quare, in præfenti Sempronii Intelligentiâ, nullam cum præteritâ Identitatem detegimus; Substantia tamen mutata non fuit, sed Persona.

## CAPUT VIII.

*De Causa & Effectu.*

**U**bi res quotidie mutari videmus, & 76.  
has initium habuisse consideramus,  
acquirimus ideam Causæ & Effectus.

*Causam* vocamus, illud omne cujus vi 77.  
*res est. Illud autem, quod vi Causæ est,*  
vocamus *Effectum.*

Omne quod est, quomodocumque hoc 78.  
sit, five Substantia, five Modus, five Re-  
latio, in genere, quod non est Nihil, aut  
habet initium, aut initium non habuit.

Quod non habuit initium est à se, aut 79.  
ab alio est effectum: sed ab alio effici, est ab  
alio habere initium; nam effici, est transi-  
re à non esse ad esse: ergo quod non habet  
ini-

## 30 I N T R O D U C T I O

*initium est à se; ideoque in se propriæ existentiae principium habet, & est, quia non potest non esse.*

80. Inversa propositio etiam vera est. *Omne quod in se suæ existentiae principium habet, est sine initio: si tale haberet, proprii initii causa esset, & ageret antequam esset; ergo Nihil produceret Effectum; id est, Nihil esset Aliquid.*

81. Ex hisce deducimus, *omne, quod non est à se, initium habere; & omne quod initium habet, à causâ extraneâ originem accepisse.*

Causarum classes varias ponunt Metaphysici.

82. Causas distinguunt Materiales, Formales; Principales, Instrumentales; Efficientes, Impulsivas, Finales. Causa etiam est Proxima vel Remota; Prima vel Secunda; Interna vel Externa; Inimans vel Transiens; Per se vel Per Accidens; Univoca vel Æquivoca; Creans vel Conservans; Libera vel Coacta; &c. &c.

Inutile plures distinctiones memorare;  
&

& magis inutile mihi videtur illa explicare, quæ de his omnibus traduntur. Pauca generalia tantum exponam, quæ in solvendis quæstionibus majoris momenti usum habent.

Causam distinguunt à Conditione : 83.  
Causa illud est, in quo concipitur Efficacia, quæ effectum producit. Conditio autem, aut Conditio sine quâ non, est illud sine quo Causa Effectum præstare non potest; quamvis in ipsâ conditione nulla detur Efficacia proprie dicta. Ex. gr. Lapis Gravitate cadit; Gravitatis est causa descensus: descendere tamen non potest, nisi sibi permittatur; & hæc est Conditio.

Hac distinctione magis intricatus fit 84.  
Causæ conceptus; non semper ita facile quid sit Causa, quid Conditio, determinari potest. Etiam, hæc admissâ distinctione, Causa deficiente Conditione invalida est, & nisi improprie pro Causa haberi non potest.

Idco, ubi clare distingui poterit Condi- 85.  
tio,

tio, ab eo in quo efficacia hæret, hoc ultimum vocabo *Agens*.

86. *Patiens* vocatur quod à *Causâ* mutatur, dum *Effectus* producitur; aut circa quod occupatur *Agentis* *Efficacia*.
87. *Potens* dicitur *Agens* quando, ut *Effectus* ab *Agente* producat, *Conditio* tantum deficit.
88. Ad *Causam* autem proprie dictam referimus, omne quod requiritur ad *Effectum* præstandum; quare illa necessario hunc producit: nam, si non produceret, aliquid supplendum foret, ut *Effectus* produceretur, id est, requisitum quoddam deficeret; sed vocamus *Causam* omnia requisita conjunctim.
89. *Effectum* etiam non dari, nisi positus, omnibus, ad hunc producendum, requisitis, manifestum est. Nihil enim clarius, quàm ipse *Effectus*, demonstrare potest hæc omnia adesse.
90. Omnis ergo *Effectus* habet *Causam*, a quo necessario pendet; sed *Necessitas* diversa est, pro diversa naturâ *Subiecti*.

Hæc

Hæc demonstratio clara est, & sim-91.  
plex; & inde sequitur, non dari Causam  
indifferentem, quæ potest, aut non po-  
test, effectum præstare; nam præstare,  
& non præstare Effectum, differunt; &  
Causa desideratur, quare potius unum,  
quàm alterum obtineat (88.).

Causam liberam talem tamen esse mul-92.  
ti contendunt; sed Causam non distin-  
guunt à Potentiâ: in Causâ autem con-  
tinentur omnia requisita, quibus positus  
Effectus datur (88.).

Quæ in specie, circa Causam liberam 93.  
dictam, observanda sunt, alibi tractanda  
erunt: nunc illa memoramus, quæ de o-  
mni Causâ affirmari possunt.

Neque ex iis quæ fortuita, aut à Sorte  
pendere, dicuntur, objectio deduci po-  
test. Nihil enim est fortuitum, nulla da-  
tur Sors, nisi relativè ad ignorantiam no-  
stram.

Non etiam ex iis quæ diximus univer-94.  
saliter concludendum est, Causam esse  
illud, quo posito ponitur Effectus. Si

C

duo

### 34 I N T R O D U C T I O

duo Effectus ab eâdem Causâ pendeant; ubi ponitur unus ponitur alter: unus tamen non est Causâ alius; ut in sclopeto pulverem pyrium cum globo plumbeo continente, accenso pulvere, violenter globus movetur, & strepitus auditur; datoque uno datur & alterum.

In tali casu tamen aliquando unum pro Causâ alius habetur, sed minus propriè; ut in agitatione libræ, descensus unius brachii pro Causâ adscensus alius habetur; quod in casu æquilibrii non semper verum est.

95. Ex iis, quæ diximus, sequitur, Causam Causæ esse Causam ipsius Effectus. A est Causa, B Effectus; B iterum est Causa, & Effectus C; Dico A Causam esse ipsius C.

Posito A, hoc necessariò producit B (88.), B etiam necessariò producit C; ergo posito A, ponuntur illa, quæ requiruntur, ut C necessariò producat; & est hujus Causa (88.).

96. Vulgo nota de Causis Regula est, *Non dari*

*dari Causarum progressum in Infinitum:* verissima hæc est, quamvis innumeras norint Mathematici series Infinitas, ex terminis constantes, quorum sequens, juxta certam regulam, ex præcedenti deducitur. Sed non eodem modo Infinitum describunt Mathematici & Metaphysici; his enim hoc unicum Infinitum dicitur, quo non datur majus, id est, quod augeri non potest; talem autem non posse dari Causarum seriem manifestum est; ultima enim Causa, Effectum præstando, seriem augeret. Mathematici autem Infinitum vocant omne quod Finitum, id est, quod mensurari, aut numeris exprimi potest, superat.

Sed qui Canonem hunc propugnant, 97. & qui contrariam tuentur sententiam, ad initium seriei attendunt, & eo respectu, sensu Metaphysico, progressum in Infinitum non dari, est verus sensus Regulæ propositæ. Id est, ita hæc exprimi potest; *Nullam dari Causarum seriem, sine initio*; sed in unaquaque primum dari

## 36 I N T R O D U C T I O

terminum; & hoc ex naturâ ipsius serici deducimus.

98. Omne quod est, in momento quocunque consideretur, est definitivè illud quod est (6.): non est unum aut alterum; ergo illud quod est à se, determinato modo est à se; & hoc determinatum quid est, quia non potest non esse (79.); si mutetur, non ampliùs est idem determinatum quid: hoc autem non potest non esse; & mutatio est impossibilis.
99. *Id, ergo, quod est à se, est immutabile;* si hoc mutatum concipiamus, statim mutatio evanescit; illud enim perit, quod mutatur, & aliud quid substituitur: sed perire non potest, quod non potest non esse.
100. In omni Causarum progressu continua datur mutatio; ergo ipsa series non est à se, & initium habet (79.).
101. Canon alter, non minùs notus, hic est, *Nihil dari in Effectu, quod non fuerit in Causâ;* quod non ita intelligendum est, illa semper, quæ in Effectu habentur, eodem



dem modo in Causâ contenta fuisse, quod vocant Formaliter contineri ; sed satis est, si in Causâ detur illud quod, ad Effectum producendum, requiritur. Hoc solo sensu Regula hæc universaliter vera est ; sed nihil nos docet : quis enim ignorat Causam esse Causam ? & non magnum Canon hicce habet usum.



38 I N T R O D U C T I O

L I B E R I.

M E T A P H Y S I C A.



Pars II. De Mente Humana.



C A P U T I X.

*De Intelligentiâ in Genere.*

102. **E**xplicatis generalioribus quæ res quascumque spectant, Mentem ipsam examinandam esse jam observavimus, antequam transeamus ad illa, quæ ad hujus directionem, in cognoscendis rebus, pertinent.
103. Mens nostra intelligit, id est, Perceptiones habet, & has confert; quæ ex hoc Attributo sequuntur, ad omnes Substantias Intelligentes applicari poterunt.
104. Multæ dantur ideæ, quæ sine Memoriâ conferri inter se non possunt; &, sine hac, nul-

nullum ratiocinium datur. Concipe Intelligentes quod nullas ideas pro lubitu præsentes servare potest, quas antea habuit revocare, & habebis perfectæ Insaniæ conceptum.

A Perceptione quacunque inseparabilis est conscientia ipsius Perceptionis. Qui percipit conscius sibi est se percipere; & eo ipso propriæ existentiae conscientiam habet.

Percipit autem se certo modo esse; hunc vocamus Existendi statum.

Status duos, quorum Ideas habet, inter se potest conferre, & unum alteri antepondere; id est, si in eo daretur, quem anteposit, hunc servaret, quamvis, in alium transire, ipsi concederetur; aut in alterum transiret, si hunc ultimum anteponeret.

Velle est actus Intelligentiæ, quo status quidam alteri anteponitur. In determinatione voluntatis nihil præterea dari, qui attentè rem considerabit, statim percipiet.

Volo rem extra me certo modo esse, sive hæc majoris, sive minoris, momenti

fit; manifestum est hoc ita posse exprimi: me statum illum existendi, in quo habeo Ideam rem istam ita sese habere, anteferre præsenti statui, in quo Ideam habeo rem aliter esse.

- 110. Hoc ipso, quo statum unum alteri anteponit Intelligens, Felicitatis & Infelicitatis capax est.
- 111. De hisce homines plerumque tantum relativè loquuntur; & statum vocant Infelicem, qui Felix diceretur, si non conferretur cum magis Felici.
- 112. Si quid absolutè de hisce determinare velimus, Felix vocandus status erit, qui non existentiae præfertur, & Infelix cui non existentia anteponitur.

Sæpe quidem homines se Infelices clamant, quamvis existentiam in hoc ipso statu, non existentiae præponant. Sed tunc, aut Infelicem vocant statum minùs Felicem, quod sæpius fieri jam diximus, aut cum ideâ præsentis status conjungunt spem futuri; in quo casu, quamvis pro Infelici habeant statum præsentem,  
non

non ita hunc intuentur, ubi cum hojus  
Ideâ spes futuri conjungitur. Quis, præ-  
senti infelicitate dum premitur, non somno  
fallere curam cupit: altior tamen somnus  
cum non existentia æquiparari potest.

Ex his sequitur, amorem Felicitatis cau- 113.  
sam esse omnium determinationum volun-  
tatis. Nam Intelligens, ut vidimus (105),  
propriæ existentiae conscientiam habet; &  
duorum statuum existendi, quos inter se  
confert, unum alteri antepondere potest  
(107); id est, pro Feliciori habere (110.);  
sed antepondere est voluntatem ad quid de-  
terminare, & nulla alia datur voluntatis de-  
terminatio (108.); ergo *voluntatem ad quid*  
*determinare, & statum existendi, qui pro Fe-*  
*liciori habetur, eligere, sunt unum & idem.*

Sæpe autem circa ipsam Felicitatem 114.  
homines in errores cadunt, quibus solis  
mala omnia, quæ homines sibi confi-  
ciunt, tribui debent.

Hæc omnia ex ipsâ naturâ Intelligen-  
tiæ sequuntur; & in Intelligente, nisi In-  
telligentia destruat, mutari non possunt.

## C A P U T X.

*De Libertate.*

**D**e Intelligentiâ solâ egimus; nunc Intelligenti facultati Libertatem superadditam ponimus.

115. *Libertatem vocamus facultatem faciendi quod libuerit, quæcunque fuerit voluntatis determinatio.*

Jam aliquid de hac facultate indicavi; sed Hypotheticè si concederetur, nunc de hac ipsâ concessâ agitur.

116. Libertas ponit agendi Potentiam, sed talem quæ, sine determinatione voluntatis, nullum producit effectum. Hanc Entis Intelligentis Potentiam vocamus Potestatem Physicam; in usu Libertatis datur præterea electio inter duo aut plura.

117. In solo Deo Libertas absoluta & perfecta est. In Ente creato limitata semper est, cum relatione ad casus peculiare; Potestas enim non ad omnia extenditur.

In-

Integra est Libertas, si Potestas Physica 118.  
 detur pro omnibus, inter quæ electio fit.  
 Si deliberem utrum velim exire an manere, dum janua loci aperta est, & mihi de cætero nihil ad exeundum deficiat, integra mea Libertas est. Si maneam, facio quod libet & liber sum; nam exire potui, si voluissem.

Sed si, in hac deliberatione, janua, quam 119.  
 ego apertam credidi, clausa fuisset, non ego Libertatem habuissem; sponte quidem mansi, feci quod libuit, sed Potestas exeundi, si exire voluissem, denegata mihi fuisset: & eo ipso perit Libertatis idea; quare Spontaneitatem solam non sufficere clarum est.

Medius quidam casus datur inter hosce 120.  
 duos, in quo Libertas quædam datur, sed non est integra; hic casus locum habet, ubi, dum inter plura quis eligit, Potestas Physica pro quibusdam deficit. Si inter tria eligam, & duo tantum possim, non integra Libertas est, quamvis voluntas mea ad unum ex iis quæ possum determine-

#### 44 I N T R O D U C T I O

minetur; talis illa fuisset, si in deliberatione, ad hæc duo, quæ possum, tantum attendissem.

121. Quando Intelligens impeditur agere, juxta determinationem voluntatis, Coactionem dari dicimus; & Coactus est qui non potest facere quod vult.

122. Coactio directè Spontaneitati opponitur; illa, & quidem sola, hanc excludit ex actionibus, quæ à determinatione voluntatis pendent.

123. Non eodem modo Coactio Libertati opponitur: tollit quidem Libertatem; sed hanc sine illâ abesse posse, manente Spontaneitate, vidimus (119).

124. Sæpe contingit, dum inter tria aut plura eligimus, voluntatem determinari ad illud quod non possumus; si postea ex reliquis unum feligamus, facimus quidem quod volumus, sed Libertas tantum respectiva est: absoluta datur Coactio; nam Mens nostra determinata est ad illud quod non possumus. Casus hic semper extat, ubi ex duobus malis minimum eligi-

gi-



gimus; semper enim ad ambo vitanda determinatur voluntas.

Necessitatem etiam Libertati opponi, 125. multi contendunt, quod de Necessitate Physicâ, aut Fatali, verissimum est; sed minimè ad Necessitatem Moralem applicari potest; quæ, si sola adsit, in res contingentes tantum cadere potest, & nullo modo integerrimam minuit Libertatem.

In exemplo superiùs (50.) de Morali 126. Necessitate proposito, Libertas integra datur; & contrarium impossibile est. Quis etiam negabit Sapientem, dum liberè agit, necessariò tamen sapienter agere?

Generaliter etiam facilè patet, determinationem nullam dari, sine Causâ (90). Ratio desideratur quare voluntas se ad unum potiùs, quàm ad aliud, vertat. Non potest se non determinare ad illud, quod optimum apparet (113); si contingat aliquem aliter se determinare, eâ mente, ut demonstret, huic legi, non sem-

## 46 I N T R O D U C T I O

semper Intelligens submitti; hoc ipsum ei optimum videtur, tali exemplo alios refellere, ita ut argumentum hocce se ipsum destruat.

128. Quamdiu Mens deliberat, nulla datur determinatio; ubi unum eligit & alterum rejicit, non sine causa illud præfert: nam quod electile apparet, non eodem tempore apparere potest non electile. Si quis respondeat, hoc electile apparere, tantum quia Mens hoc vult, redimus ad primam quæstionem, quare vult? id est, quare ita sese determinat, & non aliter? Nihil non est Causa Effectus.

129. Sunt qui concedunt, in ipso momento Determinationis, hanc necessario dirigi ad illud quod eligitur; id est, ad illud quod in ipso hoc momento optimum apparet; sed in hoc solo Libertatem sitam esse addunt, Mentem posse in suspenso hærrere, deliberationem continuare, aut huic finem Determinatione imponere.

130. Sed non eo tollunt, quam sibi fingunt difficultatem; nam continuare delibera-  
tio-

tionem, & hanc abrumpere, non sunt idem: si continuetur, continuationis causa desideratur; si terminetur, non sine causa hoc fit præcisè eo momento. Fini-  
tur semper eo instanti, in quo Menti apparet melius esse illam abrumpere, quàm continuare; & continuatur quamdiu hoc non apparet.

In hisce omnibus non agitur de Causâ 131  
Physicâ, sed de Causâ Morali, cujus Effectus tamen Necessarius est (88. 50.).

Necessitas, quæ in voluntatis determinatione locum habet, semper Moralis est; si Physica esset, Libertas nulla daretur, ut in Capite sequenti videbimus. In Coactione verò, quæ etiam Libertatem tollit (123). utraque Necessitas locum habere potest; impedire hæc tantum debet quo minus quis faciat quod vult, & utriusque Necessitatis effectus æque certus est. Concipiamus hominem, sanâ Mente præditum, in loco, ab omni parte clauso, retineri; exire vult, non potest: Coactio datur, sed Physica hæc est. Fenestra nunc aperitur, sed præci-

præcipitium adjacet; ut ante adhucdum retinetur: Coactio non est sublata, sed mutata; Moralis hæc nunc est, posset exire, si vellet se per fenestram præcipitem dare: sed non potest hoc velle; si vellet non sanâ Mente præditus esset, ut posuimus; nondum ergo potest facere quod vult.

132. Tandem, eò confugiunt, ut dicant, saltem in casu perfecti æquilibrii, determinationem causam nullam habere, præter ipsam Mentem.

133. Dum durat æquilibrium, & omnia æqualia sunt ad utramque partem, determinatio dari non potest; in ipso momento, in quo hæc datur, unum alteri anteponitur, & causa desideratur, quare hoc & non oppositum anteponatur? Sine tali causâ æquilibrium in perpetuum duraret; sed vix per tempus exiguum durare perfectum potest æquilibrium: minimum quid hoc turbat; attentione auctâ, aut turbatâ, facillimè tollitur. Mens ipsa, dicunt, tollit æquilibrium; hoc persuasum habeo; sed quare potius hoc modo, quàm aliter?

CA-

## CAPUT XI.

*De Fato.*

**M**ulti omnem Necessitatem Fatalem 134.  
 esse sibi persuadent; & Intelligens  
 quod necessariò sese determinat, eodem  
 modo sese habere ut Horologium, quod  
 pondere movetur, & juxta leges mecha-  
 nicas necessariò agitur.

De verbis non contendendum, sed ho-  
 rum abusu ideas, maximè distinctas, con-  
 fundere possumus.

Ponamus Hominem in dubio hæren- 135.  
 tem, utrum velit eligere A, an B: hicce  
 cum Balance in æquilibrio conferri po-  
 test. Concipiamus Hominem hunc ra-  
 tionibus persuaderi A ipsi utile esse, B  
 noxium. Posset eligere B, si vellet; sed  
 hoc velle nunc non potest, qui persua-  
 sum habet, B ipsi nocere necessariò, si  
 hoc eligat; ergò, non potest se non ad  
 A convertere (113.); ponimus enim re-  
 jectionem unius esse electionem alterius.

D

Hæc

## 50 I N T R O D U C T I O

136. Hæc determinatio, cujus causa est persuasio, rationibus nixa, potest comparari cum motu, qui Libræ communicatur, pondere alterutri lancium imposito: in utroque casu Necessitas datur.

Sed, quia uti possumus exemplo Libræ, an ideò hæ duæ Necessitates non sunt distinguendæ? An rationibus persuaderi, & pondere moveri, sunt unum & idem? An non miserè verbis abutuntur, qui hæc duo confundunt?

137. Sunt qui dicunt, in hoc casu, inter Necessarium & Certum distinguendum esse; sed de hac distinctione superius egimus (52.).

138. Quamdiu, quæ nos ad agendum movent, in ipsam Intelligentiam, quâ Intelligentiam, agunt; ita ut tantum agamus, quia volumus, & determinatio voluntatis persuasionem, ex judicio, aut ratirocini-  
nio, deductam, pro fundamento habeat, nulla Mechanica, aut Physica, Necessitas concipi potest, & non Fato regimur.

139. Qui Fatum admittunt, non ideis nostris,

tris, in quibus solis persuasio quærenda est, actiones nostras tribuunt, sed Causæ Mechanicæ, quæ eadem Causa etiam nostræ voluntatis determinationem secum trahit: ita ut non agamus, quia volumus; sed velimus, quia agimus: hæcque est distinctio inter Libertatem & Fatum.

Talem de Fato Stoicorum fuisse opinionem, & hodie Turcarum esse sententiam, facile ex ipsorum ratiociniis deducitur. Hanc enim Fati consequentiam admittunt, malum, quod est sequela actionis liberæ, vitari non posse, etsi prævisum esset.

Illi autem qui, quam superius explicavimus, de Libertate ideam habent, facile percipiunt, hæc duo esse pugnantia; malum prævidere, & hoc non evitare, quando hoc à voluntate, cui soli tribui debet actio, pendet.

Spinozam simile admisisse Fatum, ex multis scriptorum locis satis constat; sed solo Exemplo, quod ad Libertatem illustrat.

trandum proponit, hoc manifestum est. Hæc sunt ejus verba.

„Concipe jam, si placet, Lapidem, dum  
 „ moveri pergit, cogitare, & scire, se  
 „ quantum potest conari ut moveri per-  
 „ gat. Hic sanè Lapis, quandoquidem  
 „ sui tantum conatus est conscius, & mi-  
 „ nimè indifferens, se liberrimum esse,  
 „ & nullâ aliâ de Causâ in motu perseve-  
 „ rare credet, quàm quia vult. Atque  
 „ hæc humana illa Libertas est, quam  
 „ omnes se habere jactant; & quæ in hoc  
 „ solo consistit, quòd homines sui appe-  
 „ titus sint conscii, & causarum à qui-  
 „ bus determinantur, ignari. „ *Spinoza*  
*in Epist. p. 584. 585.*

143. Non talem certè esse Hominum Liber-  
 tatem, quotidiana docet experientia. Ad-  
 missâ hac, ratiocinia inutilia sunt, ab a-  
 gente extraneo pendet actio; & idem  
 hoc agens flectit voluntatem, ut in Ex-  
 emplo Lapidis patet; vult quia movetur,  
 non movetur quia vult; quod idem sem-  
 per locum haberet, si Causa Physica vo-  
 luntatem flecteret. Si



Si autem ad Hominum actiones, libe- 144.  
 ras dictas, attendamus; ipsi determina-  
 tioni voluntatis tribui has debere clarè  
 percipimus, & hanc determinationem nul-  
 lam aliam, præter Mentis persuasionem,  
 Causam habere; quæ ipsa persuasio, non  
 Causis Mechanicis, sed propositis ratio-  
 nibus, generatur.

Qui ratione regitur, non Fato sub- 145.  
 mittitur; sed de hoc ipso quæri potest,  
 an talis submissio non naturæ Intelligen-  
 tiæ repugnet?

Non satis quæ Spiritus, ab omni ma- 146.  
 teriâ sejunctos, spectant novimus, ut  
 quid de his determinemus.

De Hominibus autem responsio facilis 147.  
 est; quotidie enim videmus Homines,  
 quorum actiones omnino fatales sunt.  
 Furiosos, Febri violentiori laborantes,  
 Affectu quodam extra modum agitados,  
 multosque alios Mente captos, ad hanc  
 classẽ referimus; & examen determina-  
 tionis voluntatis, in his omnibus, ma-  
 gnum lumen affundere poterit distinctio-

## 44 I N T R O D U C T I O

ni inter Fatum & Libertatem.

148. In Homine, Anima cum Corpore est conjuncta, intimumque inter hæc duo datur commercium, cujus hicce est effectus; Certas cogitationes cum determinatis quibusdam motibus in Corpore conjungi ita, ut separari non possint. Nullamque unquam in Mente cogitationem dari, quæ non alicui motui in Corpore respondeat, ex eo patet; quòd corpus defatigetur meditatione de rebus. minimè corporeis, & maximè abstractis. Omnes etiam cogitationes, nullâ exceptâ, turbantur, ubi certo modo Corpus afficitur.
149. Ita autem motus in Corpore, cum cogitationibus, reciprocantur; ut dato motu, detur perceptio; positâ cogitatione, detur motus.
150. In Homine bene constituto, quidam motus in Corpore, & quæ inde sequuntur perceptiones, nunquam obtinent, nisi interveniente Causâ extraneâ determinata: sic sonus nunquam auditur, nisi aër agitatus motum nervo peculiari communicet.

Alii

Alii quidam motus in Corpore nunquam 151.  
dantur, nisi præcedat determinatio voluntatis, quæ ipsa ratione regitur, quamvis judicia sæpe ideas admodum obscuras spectent.

Hæc ita sese habent, quamdiu Men- 152.  
tem sanam in Corpore sano Homo possidet. Tunc hicce verè liber est: ut agat, Mens rationibus persuaderi debet, ut velit; & eo sensu, ipse actionum suarum auctor est.

Si verò hi motus in Corpore, qui de- 153.  
terminatione voluntatis generari debent, à causâ extrinsecâ, turbatâ nempe sanâ corporis constitutione, producantur, Fatalis voluntatis determinatio statim sequitur.

Si quis ægrotantem ratiocinio eò per- 154.  
ducatur, ut nolit ex lecto exire, dum videt quantum hoc ipsi noxium foret; manet ille liberè. Sed Febris nunc accedit violentior, ex lecto surgit ægrotus, ratiocinia omnia supervacanea sunt; à motu corporeo determinatur voluntas, non

D + - - - hæc

## 56 I N T R O D U C T I O

hæc Corpus ipsum regit; sed hoc Fato movetur: & quamvis cum voluntate actiones conveniant, verissimum nihilominus est, quod vulgò dicitur, talem Hominem, neque Libertatem, neque voluntatem, habere; quod & de ipso Spinozâ affirmari potuisset, si non aliam, quàm quæ Lapidî, in suo Exemplo tribuit, Libertatem habuisset.

## C A P U T X I I.

### *Examen diversarum Sententiarum de Libertate.*

155. **Q**uamvis, quæ hucusque diximus, sufficiant, ad illa quæ Libertatem spectant, illustranda; cum tamen maximi momenti quæstiones de hac agitentur, quædam, quæ pleniori explicatione inservire poterunt, addam; ne illa, quæ dixi, difficultatibus ansam præbeant: nullæ fortè in Philosophicis quæstiones agitantur, in quibus distinctæ sententiæ magis confundantur.

156. De Dei Libertate hîc non agitur; toto  
cœ-

Cœlo à Libertate humanâ differt. Summa in Deo datur independentia : Limitibus non terminatur hujus Intelligentia ; & solus possidet Libertatem absolutam & perfectam (117.).

Ad tres Sententias diversas commodè 157. referimus, quæ de Libertate humanâ fuerunt disputata.

I. Quidam Homini Libertatem, Indifferentiæ dictam, competere affirmant. Ita hanc intelligunt. Homini à Deo talem fuisse concessam facultatem eligendi inter duo, aut plura, quorum potestatem physicam habet, ut sepositis omnibus causis externis, & rationibus, quæ ipsum ad unum aut alterum anteponendum impellunt, voluntatem determinare possit.

Hoc autem impossibile videtur. In-159. ter A & B tibi eligendum est ; dicis te, sepositis omnibus, posse eligere unum aut alterum. Eligis A ; quare ? Quia volo, refers. Sed quare vis A, & non vis B ? Iterum respondes, quia volo ; Deus mihi dedit facultatem hanc. Sed

D 5                      quid

quid hoc significat, volo me velle, aut volo quia volo? nihil præter hoc, volo A. Sed quæstioni nondum satis factum est; quare non vis B? Quia habeo facultatem me determinandi ut libet. Sed facultas indeterminata est; quare tibi placet hanc determinare ad A, non ad B? an sine ullâ ratione rejicis B? si dicas mihi placet A, quia placet; aut omnino hoc nihil significat, aut ita intelligi debet, mihi placet, quia datur ratio me ita determinandi; aliter *Nihil* esset Causa effectûs. Ad quam conclusionem reducuntur ii, qui hanc primam sententiam defendunt. vid. N. 90. 91. 113. 127. 128.

160. Iterum insurgunt, sentio me liberum esse. Quis hoc unquam negavit? sed an quis unquam distinctè percepit effectum sine causâ?

161. Ulteriùs adjiciunt, nisi admittâ hâc Indifferentiâ, nos in Necessitatem actionum humanarum cadere; Leges inutiles fieri; Pœnas & Præmia absurda esse; nihil jure laudari, aut culpari; Virtutis fun-

fundamentum omne everti. &c.

In Logicis, videbimus consequentiam 162.  
absurdam, pro sententiâ contrariâ validum quidem esse argumentum; sed si prima sententia aliunde probata sit, non tali argumento hanc everti; sed ambas oppositas incertas fieri.

Non autem hoc ad præsentem casum 163.  
applicatum volumus; non concedimus, Patronos Indifferentiæ in Libertate humanâ, omnem ab eâ arcere Necessitatem; & negamus ex omni Necessitate illas, quas timent, sequi consequentias.

1. Admissâ de quâ agitur Indifferentiâ, 164.  
Necessitatem tamen, in determinationibus voluntatis humanæ dari, affirmo; non quidem absolutam aut Fatalem, sed talem, ut in singulis determinationibus contrarium impossibile sit; patet hoc, si ad Dei Prævisionem attendamus (52.).

Respondent, Præscientiam hanc non co- 165.  
gere voluntatem, neque esse causam Determinationis. De his autem non agitur,  
vo.

## 62 I N T R O D U C T I O

nes Actionis Humanæ, ut ad Virtutem referatur.

1. Desideratur ut Actio ab intelligendi facultate procedat, id est, ut Homo agat, quia vult agere.

2. Requiritur ut Homo, dum agit, sciat quid sit officium suum, in circumstantiis in quibus versatur; & ut constans habeat propositum componendi Actiones ad Normam à supremo Numine ipsi præscriptam.

3. Tandem, hæc ipsa Mentis affectio, ubi concurrat cum notitiâ officii, debet voluntatem flectere, & Hominem ad agendum determinare.

His tribus conditionibus, illi de quibus nunc agimus quartam addunt; & Actionem ad Virtutem referri non posse contendunt, nisi Homo, eo momento quo voluntatem ad agendum determinavit, quoque potuerit hanc in contrariam partem flectere. Quam quartam conditionem unicum Virtutis esse fundamentum tuerentur.

Sed



Sed illos, qui ita ratiocinantur, rogo; 171.  
 an non amor Virtutis eò usque possit au-  
 geri, ut hic, in quibusdam circumstan-  
 tiis. determinationem tantâ vi secum tra-  
 hat, ut determinatio contraria impossibi-  
 lis fiat. An ille, qui in ipso momento  
 in quo agendum est, ante oculos habet  
 quid Deo debet; qui, à solo benevolo  
 & potente illo rerum Conditor omnino  
 bonum se posse expectare, videt; an ille,  
 inquam, non ita vividè ab his affici po-  
 test, ut contrariæ affectiones quasi eva-  
 nescant? An ille tunc poterit aliter quàm  
 ad Virtutem voluntatem suam determina-  
 re? An non æquè facilè propriam natu-  
 ram everteret, quàm contra Virtutem a-  
 geret? Necessitas tunc moralis adest; &  
 Virtus non excluditur.

Nonne quoque laude dignus est qui  
 in hisce circumstantiis versatur?

Quis nunc negabit, in hoc saltem casu,  
 in quo tamen eminens Virtus est, quartam  
 memoratam conditionem deesse? Unde  
 se-

## 64 I N T R O D U C T I O

sequitur, hanc ad fundamenta Virtutis non pertinere.

172. Illi qui, ubi quarta conditio deest, Actionem ad Virtutem referri posse negant, concedunt Virtutis amorem, & legis cognitionem, conferre quidem ad voluntatem determinandam; Virtutem autem ipsam quærendam esse in efficaciam, quam Mens illis adminiculis communicat, & quam posset ipsis non concedere: sed hisce jam responsum dedimus; concedere efficaciam, & hanc non concedere, non sunt idem; & ratiocinium, quod superius (159.) proposuimus, hinc revocari debet; tunc videbimus, illos, quorum sententiam examinamus, Virtutem ad nihilum reducere.
173. III. Tertia tandem sententia de Libertate est illorum, qui Fatum admittunt (139.).
174. Huic sententiæ directè opponuntur difficultates superius memoratæ (161.); & cùm aliunde nullo argumento fulciatur,

tur, his solis objectionibus penitus evertitur; quod quomodo etiam directis argumentis fiat, superiùs vidimus (144.).

Determinatio voluntatis, ubi Fatum 175. datur, est effectus causæ Physicæ; & persuasio præcedens non potest determinationem contrariam impedire, quippe quæ, à Causâ Mechanicâ, effecta fuit persuasio, à Causâ Mechanicâ mutari potest; non Homo est auctor actionum, Leges sunt inutiles, &c.

Solam mediam sententiam veram esse, 176. satis clarè probatum credimus: idem autem error in ambas, inter se directè oppositas sententias, primam & tertiam, Homines induxit.

Error hic est, confusio Necessitatis Moralis cum Absolutâ.

Ubi in genere demonstratur contrarium alicujus rei esse impossibile, omnes dicunt hoc esse Necessarium. Ubi percipiunt quid esse Necessarium, statim plerique negligunt omnem distinctionem;

E ad

## 66 I N T R O D U C T I O

ad modum Impossibilitatis contrarii non attendunt; sed agi de Fatali Necessitate sibi persuadent.

177. Qui Fatum admittunt, probant in determinatione voluntatis dari Necessitatem Moralem, concludunt hanc esse Fatalem. Consequentias non curant; has admittendas esse contendunt, si principium verum sit.
178. Alii, qui vident consequentias has veras esse non posse, principium falsum esse concludunt, & Fatum rejiciunt; sed cum ambas confundant Necessitates, ne Moralem quidem esse admittendam credidere, & Indifferentiam solum tutum esse refugium sibi persuaferunt; sed in aliam, quam, quo nomine designari possit, nescio, incauti incidere Necessitatem (164.).

## CAPUT XIII.

*De Immaterialitate Mentis.*

**D**iximus Mentem cum Corpore conjungi (148.). Hæc conjunctio multos in errorem, admodum noxium, induxit. Crediderunt Animam nostram esse corpoream, & cogitationes nihil esse præter agitationem partium minimarum Corporis.

Alii percipientes motum & cogitationem nihil commune habere, & Corpus solo motu cogitandi facultatem acquirere non posse, credidere tamen facultatem hanc à Deo Corporibus concedi potuisse; & ideò à nobis determinari non posse, utrum Mens corporca sit, nec ne.

Paucis autem quæstionem solvi pos-  
se persuasum habemus, simplici argu-  
mento, quo constabit, cogitandi fa-

## 68. I N T R O D U C T I O

cultatem nullius extensi esse attributum.

182. Omne extensum habet partes extensas extra partes extensas; & nihil extenso tribui potest, quod non diversis partibus tribuatur. Ponamus nunc extensum cogitare. Aut cogitatio in singulis punctis integra concipitur, quod est absurdum; aut per totum extensum ita dispergitur, ut cum ipsa extensione divisibilis hæc sit; quod naturæ perceptionum contrarium est.

183. Si tamen quis dicat, ideas esse divisibiles; & se concipere ideam extensionis talem esse: Respondeo, rem cum ideâ confundi; sed qui habet ideam, se habere hanc ideam, sibi conscius est (105.); & nemo affirmabit conscientiam hanc divisibilem esse, & extensam; hæc tamen ab ipsa ideâ separari non potest, & cum hac dividi deberet, si cogitatio extensa esset. Non ergo ejusdem subjecti attributa sunt cogitare, & extensum esse.

C A-

## CAPUT XIV.

*Mentem non esse ipsam Cogitationem.*

**V**idimus Substantiarum nos ideas 184. nullas habere (18.); Attributa tantum novimus: qui contrariam tuerentur sententiam, dicunt Substantias ab ipsis Attributis essentialibus non distinguere debere, id est, ab illis, quibus sublati, Substantiæ ipsæ tolluntur.

Corpus esse ipsam Extensionem, Mentem esse ipsam Cogitationem, docent; sublatâ extensione tollitur Corpus; remotâ Cogitatione, nihil de Mente superesse, persuasum habent.

Sed, ut Extensio sine Extenso dari non 186. potest, sic etiam Cogitatio sine Cogitante nihil est.

Non dicunt Mentem esse Cogitationem 187. peculiarem, sed hanc esse modificationem Cogitationis ipsius, quam pro

E 3      Men-

## 70 I N T R O D U C T I O

Mente habent, & quæ infinitas potest subire modificationes diversas.

188. Cogitatio tamen nihil est præter ideas quas Mens percipit. Non ita rem intelligunt, non dicunt has ideas esse Mentem, hanc tamen esse Cogitationem.
189. Si Mens mutat ideas, non ipsa mutatur; Cogitatio tamen mutatur; hoc negant; modum quendam Cogitationis mutari dicunt.
190. Ex his sequi mihi videtur, hos, præter Cogitationem præsentem, aliquod concipere subiectum, ipsis non distinctè notum, cui præsens Cogitatio inhæret, & quod pro Substantiâ Mentis habent: hoc vocant Cogitationem ipsam.
191. Si ita rem intelligant, de verbis tantum contendimus; sed impropriè admodum loquuntur, dum vocis Cogitationis significationem mutant.
192. Memoriae consideratio confirmat, Mentis Substantiam à Cogitatione distinctam esse. Mens nostra innumeras habet ideas,



eas, quæ ipsi peculiari modo inhærent, & præsentem non sunt, sed has revocare potest. Aliter hæc se in Mente habent quàm ideæ, quas nunquam præsentem habuit Mens.

An quis nunc concipere potest, tales ideas ipsi Cogitationi inesse?

Si quis dicat, Memoriam non ad Mem- 193.  
tem, sed ad Corpus, debere referri, & in totum à cerebri constitutione pendere; hicce certè majoribus difficultatibus se involvit; non enim poterit Memoriam ullam concedere, Spiritibus à Corporibus separatis; & quæ tunc erit talium Spirituum Intelligentia (104.)?

## CAPUT XV.

*Examen Quæstionis, an Mens  
semper Cogitet.*

Qui dicunt Mentem esse Cogita- 194.  
tionem, quomodocunque rem intelligant, Mentem semper cogitare af-

E 4

fir.

## 72 I N T R O D U C T I O

firmant ; & sublatâ cogitatione Mentem destrui , ex ideis nostris probare conantur.

195. Si quis enim ab ideâ Mentis separaret , aut potiùs ex hac ideâ removeat , ideam cogitationis , nullam habebit ideam superstitem , eodem modo , ut idea Corporis perit remotâ ideâ extensionis ; non magis ergò Mens sine cogitatione , quàm Corpus sine extensione , existere potest. Responsio autem difficilis non est.
196. Corpus vocamus rem , quæ est extensa , & alias habet affectiones ; sublatâ extensione hæc certè tollitur.
197. Mentem vocamus rem , quæ habet cogitandi facultatem ; sublatâ hac facultate , tollitur Mens : sed indè non sequitur , semper actu Mentem cogitare : hoc non necessariò natura facultatis exigit.
198. Si quis dicat , se vocare Mentem rem , quæ semper cogitat , hoc poterit ; sed tunc hæc erit quæstio. An Mens Humana talis sit ?

Con-

Concedimus quidem, remotâ cogita- 199.  
tione nullam superesse ideam Mentis:  
sed ratio hæc est; unicam hanc proprie-  
tatem Mentis nobis notam esse; non ta-  
men indè sequitur, non alias dari, in  
ipsâ Substantiâ ignotâ Mentis, proprie-  
tates, quæ sine præfenti cogitatione sub-  
sistere possunt.

Per foramen video aliquid, quod ru- 200.  
brum est, & de quo nihil præterea de-  
terminare possum, an indè sequitur, ef-  
fentiam hujus rei esse rubrum colorem,  
quia, remotâ hac ideâ, nihil de objecto  
in Mente superest? Distinguere enim de-  
bemus inter objectum ideale, id est, il-  
lud quod nos de objecto in Mente habe-  
mus, & objectum extra nos existens,  
cujus nunquam in omnibus ideale obje-  
ctum est repræsentatio, nisi exactissimè  
nobis notum sit illud, quod repræsen-  
tatur.

Ut clariùs pateret, invalidum esse ar- 201.  
gumentum, quod examinavimus, à no-  
bis fuit concessum, nihil nobis de Mente

E s

no-

## 74 I N T R O D U C T I O

notum esse præter cogitationem; sed & aliam novimus proprietatem, circa quam non etiam apparet, hanc sine actuali cogitatione subsistere non posse.

202. Proprietas hæc spectat Memoriam, quæ nos docet, quasdam ideas, peculiari quodam modo, Menti inhærere; quamvis præsentibus non sint (192.). Quis nunc affirmare poterit, sublatâ omni ideâ præfenti, tales ideas, quæ revocari possunt, aut sæpe sponte iterum præsentibus fiunt, non superesse?
203. Concludimus ergo, temerè determinari, Mentem semper cogitare.
204. Sed non minùs temeraria est assertio illorum qui affirmant, Mentem aliquando non cogitare. Experientiâ hoc constare dicunt; sed hac non tale quid posse probari, facillè evincimus.
205. Constat Homines sæpe ad illum statum reduci, & hunc aliquando per tempus satis longum durare, qui ubi cessavit, nullum omnino in Mente vestigium re-

relinquit cogitationum, quas, durante hoc statu, Mens præsentes habuit, si quasdam habuerit; ita ut primum & ultimum momentum hujus statûs, respectu Mentis, confundantur.

In somno profundiore aliquando, & cerebro certo modo compressio, aut vulnerato, semper, hæc contingunt.

Sed non indè sequitur, Mentem non 206. cogitasse; nam sæpe ex signis indubitatis constat; Mentem ideas præsentes habuisse durante somno, in iis ipsis occasionibus in quibus, hoc finito, nihil omnino de hisce cogitationibus superest; ita ut quis facillè credat, se, in hisce circumstantiis, non cogitasse.

Videmus ergo, nihil esse determinan- 207. dum, & *inter incerta relinquendum, utrum Mens semper cogitet nec ne.*

## CAPUT XVI.

*De Conjunctiōe Mentis cum Corpore,  
& iis quæ ex hac sequuntur.*

208. **V**idimus inextensum esse omne quod cogitat (181.); quotidiana nihilominus experientia extra dubium ponit, intimum illud, quod superiùs indicavimus (151.), inter Mentem Humanam & Corpus Organicum, cum quo jungitur, dari commercium.
209. Hujus primùm præcipuas indicabo consequentias; deinde de modo ipsius Unionis agam.
210. Conjunctiōis Mentis cum Corpore effectus primus, quem superiùs (148.) jam indicavimus, & ex quo reliqui deducuntur, est, cogitationes determinatas determinatis motibus respondere, exercitiumque facultatum Mentis à sanâ Corporis constitutione pendere; ita ut, turbato quarundam partium ordine, Mentis voluntas non ampliùs ratione regatur, &  
Homo

Homo libertatem omnem amittat, dum  
 ipsius Intelligentia omnino turbatur  
 (154.).

Huic Unioni ideò tribuimus diversas 211.  
 Hominum inclinationes, & diversos gra-  
 dus perspicacitatis. Non tamen affirma-  
 mus, Unionem cum Corpore solam esse  
 causam harum diversitatum in Mente :  
 non satis hujus naturam nobis notam esse  
 vidimus, ut soli Corpori ingeniorum di-  
 versitatem tribuamus; sed nemo negare  
 poterit, plurima in hisce à Corporis con-  
 stitutione pendere: quoties enim vidi-  
 mus, mutatâ hac, ingenia fuisse mutata?

Animi affectuum, quos *Passiones* vo- 212.  
 cant, principium, etiam in conjunctione  
 Mentis cum Corpore, detegimus. Ubi  
 Mens vividius afficitur, in Corpore respon-  
 dens motus etiam violentior est, quo ipso  
 Mentis affectio magis excitatur, & mutuâ  
 actione eò usque agitatio qualibet auge-  
 tur, ut Mens amittat imperium, quod  
 respectu illorum motuum in Corpus ha-  
 bere solet, & ideas hisce motibus respon-  
 den-

respondentes remove non possit; & sic motus ipsos compescere.

213. Non ad Animi affectus, propriè dictos, omnem vividiorē Mentis affectionem referimus; non huc pertinet, si motui in Corpore originem debeat, ut in Furiosis & Febri violentiori laborantibus; sed tantum si initium agitationis in Mente detur, quæ primum motum Corpori communicavit.
214. Memoria quoque in hisce consideranda est; Facultatem hanc superius indicavimus (192), & observavimus non in totum hanc Corpori tribui posse; quis enim, in Spiritibus, à materiâ separatis, Memoriam dari, in dubium vocabit (193.)?
215. In Homine autem, cum omnes cogitationes respondeant motibus in Corpore, motus hi considerandi sunt ubi agitur de revocandis ideis; idem enim motus iterandus est, quando idea redit; nam eo ipso quo Mens ideam de novo præsentem sistit, motus repetitur; quo  
fix-



sæpiùs hoc contigit, eo faciliùs motus iteratur, & idea revocatur; tunc etiam facilè in somno aut morbo, à causâ physicâ motus idem excitatur, & eo ipso in Mentem idea redit.

Ex his deducimus, Corpori tribui debere quod quotidie experimur, antiquas opiniones difficulter mutari, quamvis percipiamus has falso niti fundamento. Etiam facilè explicamus quare Homines sæpe, ad antiquos, sed validis rationibus rejectos, redeant errores.

## CAPUT XVII.

*De Modo quo Mens cum Corpore conjungitur.*

Hucusque de iis, quæ ex conjunctione duarum Substantiarum, in quibus nihil commune detegere possumus, sequuntur, egimus. De ipsâ Conjunctione nunc agendum.

Difficultatem magnam in hisce dari pri-

## 30 I N T R O D U C T I O

primo patet intuitu; sed quo majori cum curâ rem perpendimus, eo difficultatem magis ac magis augeri videmus.

218. De hac Unione magis recepta opinio illorum est, qui credunt, Mentem habere potestatem agendi immediatè in Corpus, & reciprocè Corpus agere posse in Mentem. Potestatem hanc *Influxum* vocant.

219. Hujus sententiæ fundamentum unicum est Experientia.

220. Qui in contrariâ sunt opinione, hanc Experientiam negant, & ipsam sententiam multis argumentis oppugnant, quæ hocce habent fundamentum; nihil nos commune percipere posse inter cogitationem, & ullas Corporis nobis notas proprietates.

221. Negant, ut dixi, Experientiâ constare, Mentem immediatè imperium habere in Corpus. Volo brachium movere, & brachium movetur; hoc, dicunt, non probat Mentem ipsam motum quemdam Corpori communicare; sed tantùm voluntatem de motu, & motum ipsum, concurrere;  
&

& minimè concludi debere, unum esse causam propriè dictam alterius: sed hæc duo ita regi, aut saltem unum ita dirigi, ut necessariò ambo concurrant.

Nihil præterea ex Experienciâ dedu- 222.  
ci posse dicunt, quia *Influxus* impossibilis est; quod ut demonstrent, sequentia proponunt argumenta.

Aëris agitatione motus nervo peculia- 223.  
ri communicatur, Soni sensatio statim in Mentem transit. Radii solares, in oculum penetrantes, alium movent nervum, Mens mea videt Lumen.

Si motu suo Nervus agit in Mentem, nervus hac actione, aut amittit ex motu, aut, si non amittat, datur aliquid, quod, resistantiâ suâ, impedit, quo minùs ex motu amittat; id est, quod instaurat motum, dum amittitur: &, in utroque casu, resistentia requiritur. Quis enim potest concipere Corpus, motu agens, sine resistente?

Mens ergò resistit, ut motum nervi 224.  
destruat, aut minuat, aut saltem si non

F mi-

minuatur, diminutionem, quæ actionem Corporis necessariò sequitur, suppleat. Sed, an, quod materiale non est, resistere potest corpori? quis hoc affirmare audebit?

225. Eodem modo, si Mens corpus moveat, hoc resistit; id est, agit in illud à quo movetur, scilicet in Mentem; sed ab actionis ideâ resistantiæ ideâ separari non potest; sequitur ergò, iterum Mentem resistere, quod hujus immateriali naturæ repugnat.
226. Plura alia adduntur de motibus omnibus in Universo, saltem in Systemate nostro Planetario, qui motus, ex legibus physicis, inter se respondent; quo certus inter Corpora servatur ordo, qui singulis momentis turbaretur, si ab Entibus incorporeis motus mutarentur.
227. Ex his argumentis concludunt, rejiciendum esse *Influxum* Mentis in Corpus, & Corporis in Mentem.
228. Rejecto influxu, in duo alia Systemata inciderunt Philosophi; primum *Assi-*  
*sten-*

*sentia*, aut *Causarum occasionalium* Malebranchii; secundum *Harmonie præstabilitæ* Leibnitii.

In utroque Systemate, nulla, propriè dicta, & vera, communicatio datur inter Mentem & Corpus.

Qui Causas, quas occasionales vocant, admittunt, concipiunt Deum ipsum immediatè esse auctorem commercii mutui, quod inter Mentem & Corpus observamus.

Mens vult, Deus movet. Volo globum projicere, Deus extendit brachium meum, manum globo applicat, digitos claudit, ut globum apprehendam, &c. Hi omnes motus exactè fiunt, dum ego hos volo; & idcò ego credo, me ipsum hæc agere.

Eodem modo, ubi corpora extranea in nervos agunt, Deus perceptionum indè oriundarum immediatus auctor est. Dum manus globo applicatur, non globum sentio, sed Deus mihi dat perceptionem

F 2            ipsius

## 84 I N T R O D U C T I O

ipſius contactûs. Aër percutit tympanum auris , ſonum ego percipio ; ſed ſenſatio hæc non ab aëris agitatione , & indè ſecuto nervi motu , propriè pendet , ſed Deus perceptionem hanc immediatè Menti imprimi.

232. Hanc autem immediatam Dei actionem etiam extendunt ad communicationem motûs , quando Corpus in Corpus impingitur.
233. Inter illos qui rejiciunt Syſtema influxûs , multi & hocce ſecundum rejiciendum putant. Non cum Divinâ Sapientiâ conſentaneum eſſe dicunt , Deum continuò agere. Non ſatis Philoſophicum eſſe addunt , refugere ad continuum Dei concurſum , ubi peculiare Phænomenon explicandum eſt. Etiam Unionem Mentis & Corporis , in hocce Syſtemate , eſſe Miraculum nunquam interruptum.
234. Addunt ulteriùs , Hominum voluntate , ſingulis momentis , rerum ordinem turbare ,

bari, novorum motuum generatione, quamvis hoc fiat interveniente ipso rerum Conditor.

Difficultates hæ deduxere ad tertium 235.  
Systema *Harmoniæ præstabilitæ* dictæ.

Juxta hocce, Mens in se habet facultatem formandi perceptiones quascunque; etiam sensationes ipsas: ita ut status, in quo Mens sese habet momento quocunque, sequatur ex eo, in quo fuit momento præcedenti; & hoc quidem juxta determinatas leges, non physicas, sed quæ cum naturâ Intelligentiæ conveniunt.

Propter hanc Mentis facultatem, Leib-237.  
nitius ipsam vocat Automaton spirituale; quod sano sensu intellectum, ut à Leibnitio, & hujus sectatoribus, explicatur, neque libertatem, neque contingentiam Actionum Humanarum, tollit.

Nulla ergò actio extranea desideratur, 238.  
ad sensationes, aut perceptiones, quascunque in Mente excitandas. Video lumen, audio sonum; Mens ipsa has gene-

## 86 I N T R O D U C T I O

rat perceptiones; saltem in mente dantur, eo tempore, ex naturali Mentis constitutione.

239. Corpus Humanum est Machina, à Deo ita effecta, ut per se, agitata nempe juxta determinatas leges motûs, præstet omnia quæ in corpore alicujus Hominis observantur.
240. Cùm Homines construere possint machinas, quæ quasdam humanas actiones æmulantur, Deum posse construere machinam, quæ mechanicè peragat omnia, quæ ab Homine, durante integrâ vitâ, peraguntur, & in quâ omnia, illa contingant, quæ in Corpore Humano locum habent, hujus Systematis defensores affirmant; quia numerus motuum est finitus.
241. Concipe nunc Mentem & Corpus, quæ convenient inter se ita, ut hujus motus cum perceptionibus, & determinationibus illius, respondeant; & habebis integrum Unionis Mentis cum Corpore arcanum. Convenientiam hanc vocant Harmoniam præstabilitam.
242. Deus ita res disposuit, ut unaquæque  
Mens



Mens Humana suum habeat Corpus, cu-  
jus motus cum illis, quæ in Mente con-  
tingunt, mutationibus respondeant.

C A P U T XVIII.

*Diversarum Sententiarum de Conjunctione  
Mentis cum Corpore Comparatio.*

**B**reviter sententias de Unione Mentis 243.  
cum Corpore exposui; quid de his-  
ce mihi videatur nunc dicam, dum de  
ipsâ quæstione libenter fateor, hanc mi-  
hi admodum obscuram, & inextricabi-  
lem, apparere.

Non concipio, quomodo Mens in 244.  
Corpus agere possit; non etiam video,  
quomodo ex motu nervi perceptio seque-  
tur; non tamen indè sequi mihi apparet,  
omnem *influxum* esse rejiciendum.

Substantiæ incognitæ sunt. Jam vidi- 245.  
mus naturam Mentis nos latere; scimus  
hanc esse aliquid, quod ideas habet, has  
confert, &c. sed ignoramus quid sit sub-  
jectum,

jectum, cui hæ proprietates convenient.

246. Hoc idem de Corpore dicimus; est extensum, impenetrabile, &c. sed quid est quod habet hæce proprietates? Nulla nobis via aperta est, quâ ad hanc cognitionem pervenire possimus.
247. Indè concludimus, multa nos latere, quæ proprietates Mentis & Corporis spectant.
248. Inviçtâ demonstratione constat, non Mentem in Corpus, neque hoc in illam, agere, ut Corpus in Corpus agit (223. & seq.); sed mihi non videtur indè concludi posse, omnem *influxum* esse impossibilem.
249. Motu suo Corpus non agit in aliud corpus, sine resistente; sed an non actio, omnino diversa, & cujus ideam non habemus, in aliam substantiam dari possit, & ita tamen, ut causa effectui respondeat, in re adeò obscurâ, determinare non auserim. Difficile certè est influxum negare, quando exactè perpendimus, quomodò in minimis, quæ Mens percipit, relatio detur cum agitationibus in  
Cor-

Corpore, & quomodò hujus motus cum  
Mentis determinationibus convenient.  
Attendo ad illa quæ Medici, & Anato-  
mici, nos de his docent.

Nihil, ergò, de primo Systemate de-250.  
termino, præter hoc; mihi nondum, hu-  
jus impossibilitatem, satis clarè, demon-  
stratam esse, videri.

Transco nunc ad collationem trium 251.  
Systematum inter se.

Deus ab Æterno determinavit illi re-  
rum successioni, cujus partem quotidie  
observamus, existentiam dare. Ipse ab  
Æterno, unico intuitu, vidit integram  
successionem; & quidem eodem modo,  
quæ simul, & quæ successivè essent.  
Deus voluit hanc successionem esse; ideò  
est. Hæc Dei voluntas, quæ non gene-  
ralia tantùm spectat, sed ad singula, &  
quidem minima, sese extendit, nunquam  
alterata fuit. Ex immutabili voluntate  
rerum mutationes sequuntur. Et non Dei  
actio, qua quid efficitur, ab hac ipsâ vo-  
luntate distingui debet.

F 5

Ideò

90 I N T R O D U C T I O

252. Ideò in ipsis Miraculis, in quibus rerum ordo turbatur, non nova respectu Dei intercedit actio. Ab Æterno ibi turbari seriem voluit.
253. Unicus fuit, est, & semper erit, actus Divinæ voluntatis, qui spectat omnia, & singula, quæ unquam fuere, quæ sunt, & quæ erunt: hæc omnia Deo, immutabili modo, præsentia sunt.
254. Videmus, Res regulariter sibi mutuò succedere, id est, ita, ut connexio detur inter illa quorum unum alterum sequitur; hoc cum Sapientiâ convenire judicavit Omnipotens.
255. Deus tamen ideas habet omnium successuum possibilium, id est, quarum idea se ipsam non destruit; omnes tales successiones ipsi simul præsentia sunt. Si talem creare voluisset, in quâ nulla connexio daretur, potuisset; solaque, unica, & simplex, voluntas hoc præstitisset.
256. Ne quis credat, quia sequens non deduceretur ex præcedenti, successivos ideò, & diversos, actus voluntatis, & potentia  
Divinæ

Divinæ desiderari, quibus singulis momentis illa producerentur, quæ à præcedentibus non penderent. Cùm Deus ideam habeat totius successionis, minima, quæ ad hanc pertinent, percipit; & quomodò unum alteri succedat, videt: si hæc esse velit, hæc omnia erunt; unusquisque & immutabilis voluntatis actus, qui ad omnia, & singula, se extendit, sufficit.

Respectu Dei, non interest, utrum inter illa, quorum unum alteri succedit, connexio detur, an non; omne quod vult est.

Perpetua successio, cum connexione inter illa quæ sese mutuò sequuntur, & alia sine tali connexione, eodem modo, totæ, simul & semel, Supremo Enti præsentis sunt. Ut unam aut alteram producat, non aliter agit Deus; vult successionem, & erit.

In utroque casu, voluntas hæc sese extendit ad singula, quæ vult dari in determinato puncto successionis.

Hæc omnia immediatè deducuntur ex

Dei

## 92 I N T R O D U C T I O

Dei immutabilitate, quæ separari non potest ab existentia, quam habet à se (99).

261. Non de Operibus Divinis, ut de Machinis, ab Hominibus constructis, judicare debemus.

262. Artifex qui, ad certum finem Machinam construxisset, & qui ipse continuo manibus, separatim, singulas rotas promoveret, in immensum ab alio superaretur, qui pondere, aut conatu laminæ elasticæ involutæ, eundem præstaret effectum, rotis ita inter se respondentibus, ut una alteram protruderet.

263. Sed simile ratiocinium, respectu Dei, locum habere non potest.

Quantum ad constitutionem rerum, quantum etiam nos de Sipientiâ Divinâ judicare possumus, non interest, utrum rerum Moderator agat immediatè, an mediantibus causis secundis; in utroque casu eadem leges, idem ordo, locum habere possunt.

264. Si Deus agendi vim dederit ipsis rebus creatis, id est, si, mediantibus causis secundis,

cundis, agere voluerit, hoc quidem fit unico actû voluntatis; sed hic se extendit, in specie, ad singulas actiones causarum secundarum: ita ut, huic voluntati, efficaciam causarum secundarum, in singulis actionibus, tribuere debeamus. Nostri respectu, idè, non interest; eodemque modo, & de rebus ipsis, & de Sapientiâ Divinâ in rebus creatis, judicare, & ratiocinari debemus; sive Divina voluntas, in singulis quæ contingunt, versetur circa efficaciam causarum secundarum, sive circa ipsos effectus.

Quæ nunc generaliter observamus, non 265. tantum ad leges Physicas applicari possunt, sed etiam iis legibus, quibus Corporum actiones ad Mentem transferuntur; ut & quoque ipsis illis, quibus, ad nutum Mentis, motus Corpori communicatur.

Ex hisce concludimus, sine fundamen- 266. to, defensoribus Causarum Occasionalium objici, non satis cum Sapientiâ Divinâ, convenire Systema hocce.

Cum etiam in hoc ipso fixis legibus re- 267. gatur

gatur rerum congeries, quæ de Miraculo continuato dicuntur, sponte cadunt.

268. Ubi ad hæc omnia attendo, nulla ratio me movere potest, ut ad Harmoniam præstabilitam confugiam; miror magni viri, qui hanc excogitavit, ingenium; sed conclusio mihi non valida apparet, quâ, ex comparatione superius memoratâ (262), infert, non Sapientiâ Divinâ dignum esse Assistentiæ Systema. Cadente autem hoc fundamento, hypothetica mihi videtur Harmonia præstabilita.
269. Alia duo Systemata æqualiter rem explicant; & quamdiu impossibilitas primi non clarè demonstrata erit, difficulter quodnam eligendum sit, determinari poterit.
270. Difficultas datur, superius indicata (226. 234.) quæ ambo Systemata premere videtur. Motibus, qui à liberis Hominum determinationibus pendent, turbare legem, quâ omnium corporum motus inter se respondent.
271. Dicunt, ex gr. Centrum gravitatis corporum



porum omnium, simul sumptorum, in Systemate Planetario, non mutari, ex actionibus quibuscunque mutuis corporum; & hanc regulam turbari, ubi motus novus, non à Causâ Physicâ, sed à voluntate Intelligentiæ, pendens, producitur.

Concedo objectionem; sed rogo unde 272.  
constet, Deum noluisse hanc regulam turbari? Respondent, Mundum, si hoc contingeret, minùs fore perfectum. Rogo iterum, unde hoc constet?

Non à corporibus, juxta leges physici- 273.  
cas agitis, leges physicas posse turbari concedimus; si hoc contingeret, scopo, cui destinatas has esse satis evidenter apparet, non satisfacerent. Sed mutationes, de quibus agitur, hujus generis non sunt; & harum effectus vix unquam sensibiles erunt.

C A P U T X I X.

*De Origine Idearum.*

274. **U**nicum superest examinandum circa Mentem : Unde habeamus Ideas.
275. Cogitandi facultatem à Deo , rerum Conditor, Menti fuisse concessam, evidentissimum est : ad Deum etiam primam Idearum originem referendam esse, quis in dubium vocare poterit?
276. Sed quærimus, quomodo Mens acquirit Ideas, id est, quibus mediis rerum Conditor Menti Ideas imprimat?
277. Ideas ad tres classes referimus. 1. Ideas habemus illorum quæ Mens, in se ipsâ, percipit.
2. Ideas acquirimus, conferendo inter se alias Ideas, id est, judicando, & ratiocinando.
3. Tandem, sensibus innumeras acquirimus Ideas, quarum plurimæ nobis exhibent res extra nos.

Mul-

Multi Dei Ideam ita considerant, ut 273.  
ad nullas ex his indicatis referri possit; de  
hac statim dicam (284. 286.).

Circa Ideas illorum, quæ Mens in se, 279.  
percipit, nulla datur difficultas.

Intelligentia non potest creari, nisi cum  
illis, quæ à naturâ ipsius inseparabilia  
sunt (8.). Quia intelligit, eo ipso im-  
mediatè percipit existendi modum (106.);  
&, ideò, ille ipse modus est causa ipsius  
ideæ; non, ergò, ex gr. perceptionum,  
Gaudii, & Doloris, aliam causam quæ-  
rere debemus, præter Mentis modifica-  
tionem, cujus immediata perceptio ab  
Intelligentiâ inseparabilis est.

Circa Ideas quas, conferendo inter se 280.  
alias, acquirimus, ut in judiciis & ratio-  
ciniis, manifestum satis est, non aliam  
has causam habere, quàm ipsas Ideas quæ  
conferuntur. Mens enim, dum ad has at-  
tendit, videt eo ipso harum comparatio-  
nem; & eo ipso habet hujus compara-  
tionis Ideam.

Difficultas tantùm superest, circa 281.

G

Id-

## 98 I N T R O D U C T I O

Ideas, quas sensibus acquirimus; circa quas, hoc observabimus. Non res ipsas Menti imprimere Ideas: illæ tantum generant motum in nervo; qui motus neque cum ipsa re, neque cum Ideâ quæ excitatur, aliquid commune habet. Ne quidem inter motum nervi, & Ideam, ullam quamcunque, relationem concipere possumus; nihil, ergò, explicant, qui dicunt, motum nervi causam esse Ideæ.

282. Mentem ipsam has Ideas efficere, & sibi ipsi repræsentare res, quarum his solis Ideis cognitionem acquirit, nullo modo concipi potest. Nulla inter causam & effectum relatio daretur.

283. Explosam dudum, de speciebus à rebus procedentibus, & Menti impressis, sententiam explicare, & refellere, inutile credimus.

284. Multi Ideas innatas, id est, Menti, in ipsâ creatione, impressas, dicunt. Et dubium nullum circa Ideam Dei dari, quam, à Deo solo immediatè communicari potuisse, contendunt.

Ideas

Ideas autem innatas, tantùm positis qui- 285.  
busdam circumstantiis, manifestas fieri.

Sed hæc quidem affirmant, non verò 286.  
validis argumentis adstruunt; quare ab  
adversariis facilè diluuntur. Hi etiam sa-  
tis bene evincunt, illam ipsam quam nos  
imperfectam de Ente perfectissimo Ideam  
habemus, conjunctione, variarum Idea-  
rum, formari potuisse.

Qui Ideas innatas oppugnant, ubi de 287.  
bilitatem argumentorum adversariorum  
demonstrarunt, ulteriùs progrediuntur,  
& Ideas innatas dari negant; quod ta-  
men, ex ipsorum ratiociniis, minimè se-  
quitur: non falsa, ideò, sententia est; quia  
invalidis argumentis hujus defensores i-  
psam tuentur.

Inter incerta, ideò, relinquimus, u- 288.  
trum Ideæ innatæ sint, an non; & ex ob-  
scuritate, in quâ circa Originem Idearum  
hæremus, hac viâ exire non conceditur.

Celeberrimorum duorum Virorum;  
Leibnitii, & Malebranchii, sententias,  
de Unione Mentis cum Corpore, exa-

minavimus, in cap. XVII. & XVIII. Videamus nunc quid, de origine idearum, tanti viri nos doceant.

289. Leibnitii sententia quandam, cum ideis innatis, relationem habet; & hæc est.
290. Anima Humana simplex est, sine ullâ compositione; indè concludit, nullam rem creatam in interiora hujus agere posse; mutationemque omnem à principio interno pendere.
291. Ita Deus formavit unamquamque animam, ut in eâ sint perceptiones variæ; distinctæ quædam, confusæ plures, & obscuræ innumeræ, quarum ultimarum vix conscia sibi est.
292. Hæ omnes ideæ simul integrum repræsentant Universum, omnia quæ nunc sunt, quæ fuere, & erunt. Pro diversâ autem relatione, quam anima peculiaris, cum ipso Universo, habet, diversæ ideæ distinctæ sunt; & peculiarem Universi partem distinctè repræsentant.

Fundamentum hujus opinionis hoc est.

Ut

Ut Universi pars, quæ distinctè re-293:  
præsentatur, cum rerum Universalitate,  
cum præteritis, & futuris, necessariam  
relationem habet, ita ut unum ex alio  
sequatur: sic etiam hujus partis repræ-  
sentatio necessariam habet relationem ad  
Universi repræsentationem, ita ut à to-  
tius repræsentatione separari non possit.

Perceptio, ergò, quæ in Mente di-294:  
stincta est, conjungitur cum rerum om-  
nium Ideis; quæ ultimæ, ergò, quam-  
vis obscure, in ipsâ Mente dantur.

Eo sensu Leibnitius dixit, Animam 295.  
esse speculum Universi.

Hicce positis; eodem modo, ut in U-296.  
niverso, quæ contingunt, sibi mutuò  
succedunt, juxta certas leges, sic etiam in  
Mente, idæ successivè distinctæ fiunt,  
juxta certas leges, quæ cum præcedentibus  
respondent; sed tamen cum naturâ Intelli-  
gentiæ conveniunt. Addenda hîc sunt,  
quæ superius vidimus (236. 237. 238.).

Easdem omnes Animæ Humanæ ideas 297.  
habent, sed in singulis non eadem idæ

distinctæ sunt; quia hoc pendet à relatione Animæ cum toto Universo. Hæc relatio in singulis diversa est, prout Deus ipsam collocare voluerit.

298. Quantum potui, clarè illam, Systematis *Monadum* Leibnitii partem, quæ Originem Idearum spectat, proposui: unicam addam observationem.
299. Fundamentum totius Systematis est, necessariam dari connexionem inter omnes partes Universi; sed, ut ratiocinium inde deductum procedat, talis desideratur connexio, ut rebus in se consideratis, positis in Universo quibusdam, omnia alia indè sequantur ita, ut non aliud Universi Idea dari possit, in quo quicquam, quod ad præsens Universum pertinet, locum haberet.
300. Si talis esset connexio rerum, certo sensu, quod de obscuris ideis ponitur, procederet. Eo nempe quo dicere possumus, Hominem, qui distinctam Trianguli ideam habet, obscuras habere ideas omnium proprietatum hujus figuræ; quia  
in-



inter has ultimas, & primam, necessarius datur nexus.

Non autem simile inter ideas, quæ in 301. Mente sese mutuò sequuntur, detegitur vinculum. Ubi subito ex spissis tenebris in lucem transeo, & objectorum, nunquam antea visorum, acquirō ideas; obscuritatis perceptio non ad has deducere videtur.

Si quis tamen harum idearum connexio- 302. nem tueri suscipiat; hunc rogamus, ut rejectis Hypothesibus, ratiocinetur; sed tamen, eo solo, non ab omnibus difficultatibus liberatum erit Systema, quod examinamus.

Supereſt, ut ſententiam Malebranchii perpendamus.

Ponit Vir Celeberr. ideæ cauſam nul- 303. lam aliam dari poſſe, præter ipſam illam ideam in alio Ente intelligente; & concludit indè, nos omnes ideas acquirere, dum Anima noſtra has in Deo videt.

Ut ſententiam demonſtret, enumerat 304. omnes modos, quibus dicit, Originem

G 4      Idea.

Idearum posse explicari ; confutatisque aliis, veram suam sententiam esse concludit.

305. Sed duplici vitio laborare videtur hocce ratiocinium. Quis enim in hac re, densis tenebris involutâ, asserere poterit, enumeratos esse omnes modos, quibus explicari potest impressio idearum in Mente? Leibnitii opinio Auctori ignota fuit; nam quamvis cum ideis innatis hæc relationem habeat, differt toto cœlo à Cartesiorum de ideis innatis sententiâ, & quæ de hac ultimâ observat Auctor, Leibnitium non spectant. Sic & aliæ fortè excogitari possent, hujus rei explicationes.

306. Secundus defectus ratiocinii in eo est, circa omnes sententias aliorum, non bene demonstrari, has falsas esse; saltem ita hoc mihi videtur.

307. Omnibus, igitur, quæ de Origine Idearum exposuimus, perpensis; nihil de hac ipsâ determinatum hætenus esse, concludo.

308. Observandum etiam, in explicandis  
iis

iis, quæ ad ideas pertinent, Memoriae considerationem difficultatem augere.

Multæ idæ, quas præsentēs non habemus, à nobis revocari possunt. Hæ certè aliter se habent, respectu Mentis, quàm idæ, quas nunquam præsentēs habuit, aut de novo præsentēs sistere non potest. Sed quid est idea in Mente, quam Mens non percipit? Datur tamen.

Difficultas tollitur, referendo omnem Memoriam ad Cerebri constitutionem; sed eo deducimur ad difficultatem multò majorem, ut superiùs vidimus (193.).

*Libri Primi Finis.*



# INTRODUCTIO

AD

## PHILOSOPHIAM.



*LIBER SECUNDUS,*


LOGICAM CONTINENS.

Pars I. De Ideis & Judiciis.



### CAPUT I.

*De Idearum Divisione.*

311.  Erceptionem diximus, illud  
esse, quod immediatè Menti  
præsens est. Dividitur in  
Sensationem & Ideam.
312. Sensatio est Perceptio, sensibus acqui-  
sita, & quæ nobis nihil extra Mentem  
repræsentat.
313. Omnis alia Perceptio vocatur Idea.  
Sed

Sed & hæc vox latiori sensu sumitur; & omnem Perceptionem exprimit. Hoc ultimo sensu in primo Libro vox hæc adhibetur; & eodem sensu eâ utar in sequentibus. .

Judicia nostra, & Ratiocinia omnia, 314.  
Ideas spectant; & circa has solas versatur Scientia quam tractamus.

Operæ præteritum ergò erit de Ideis generaliter agere, & harum diversas perpendere distinctiones.

Si ad ipsas Ideas tantum attendamus, 315.  
sunt vel Simples, vel Compositæ.

Sed Ideæ nobis res ipsas representant, & 316.  
nisi per Ideas, has non novimus: si eo respectu Ideas consideremus, sunt Claræ vel Obscuræ; Adæquatæ vel Inadæquatæ; Distinctæ vel Confusæ; Abstractæ vel Concretæ; Singulares, Particulares vel Universales; Absolutæ vel Relativæ; tandem Idearum objecta sunt, aut in ipsâ Mente, aut extra Mentem.

Breviter hasce Divisiones perlustrabimus, 317.  
& illa tantum indicabimus, quæ

ad

ad scopum nostrum referri possunt. U-  
sus autem illorum, quæ observabimus,  
postea explicabitur.

## C A P U T II.

*De Ideis Simplicibus & Compositis.*

318. **I**deam vocamus Simplicem, in quâ  
plures detegere non possumus.
319. Compositam, quæ ex pluribus Sim-  
plicibus constat
320. Simples Ideæ sunt omnes Sensatio-  
nes, ut Colorum, Odorum, Sonorum  
&c. Gaudii, Doloris, &c.
321. Compositio quidem datur in iis, quæ  
desiderantur, ut tales acquiramus Ideas;  
& in ipsis Ideis variatio in infinitum dari  
potest; sed unamquamque ex his Ideis,  
in se consideratam, simplicem esse affir-  
mamus.
322. Simples etiam sunt Ideæ Extensio-  
nis, Motûs, Determinationis voluntatis,  
& similes.

Ideas

Ideas compositas ex pluribus constare, 323.  
diximus; talis est Idea corporis cujus-  
cunque, Arboris, Domûs, &c.

Attentioni rerum examine, sæpè dete- 324.  
gimus, in his dari compositionem, quæ  
primùm nos fugerat; & eo contingere  
potest, Objectum Ideæ esse compositum,  
quamvis pro simplici habeatur.

Sed hæc non spectant ipsas Ideas, quas  
nunc consideramus, sine relatione ad res  
quas repræsentant.

Lineam pro rectâ habeo, hujus dire- 325.  
ctionis Idea simplex est; sed detego, in-  
flexionem in lineâ dari: directionis Idea  
nunc fit composita. Non tamen com-  
positam Ideam pro simplici habui; sed  
Idea mutata fuit, & ultima diversa est  
à primâ.

Mens nostra simplices acquirit Ideas 326;  
per sensus, aut attendendo ad proprium  
statum. Nunquam aliter Mens has ac-  
quirit, & novas Ideas simplices fingere  
non potest; aut, collatione aliarum, ipsas  
efficere.

Hac

327. Hac de causâ, nunquam verbis aliis qui has nondum habent, communicari possunt.
328. Verbis Ideas exprimimus; sed verba nihil per se denotant, & arbitraria est horum significatio. Si, ergò, cuidam, loquendo, Ideam communicare velim, necesse est, ut ipsi significatio verborum nota sit; id est, debet habere Ideas, quæ his verbis exprimuntur, & ulteriùs scire, ipsis his verbis illas Ideas designari.
329. Quando verbis Ideam explicamus, vocamus hoc, ipsam *Definire*; explicatio hæc vocatur *Definitio*. Et est enumeratio Idearum simplicium, quæ in Ideâ compositâ continentur.
330. Cum verba per se significationem nullam habeant, unicuique liberum est, verbo quocunque Ideam quamcunque exprimere, si modò antea declaret, quo sensu vocem peculiarem, quam adhibet, intelligat.

Vocatur hoc Nominis Definitio. Reliqua, quæ ad Definitiones pertinent, hujus loci non sunt.

Ideæ



Ideæ compositæ non debent confundi 331.  
cum Ideis conjunctis.

Ideas vocamus conjunctas quæ, in se 332.  
consideratæ, separatæ sunt; sed quæ Men-  
ti simul semper præsentis sunt ita, ut  
ubi excitatur una, alia etiam adsit.

Hæc conjunctio idearum, in diversis 333.  
hominibus, diversa est; & pendet à cir-  
cumstantiis, in acquisitione Idearum.

Si sæpiùs, dum Corpus vidi, eodem 334.  
tempore odorem perceperim, sive ab ipso  
corpore, sive aliunde, hic processerit,  
semper, quando idem odor nares afficit,  
ideam habeo Corporis; quamvis hoc  
non videam. Hæ Ideæ conjunctæ sunt;  
sed non ad eandem Ideam pertinent. Et  
ideò hæc conjunctio ad compositionem  
Idearum referri non debet.

Innumeras quisque facilè, si attendat,  
detegere poterit tales Ideas conjunctas.

## CAPUT III.

*De Ideis Claris & Obscuris; Adequatis  
& Inadequatis; Distinctis  
& Confusis.*

335. **I**dea clara dicitur, quæ tota nobis per-  
specta est; tales sunt omnes Ideæ  
simplices. Quamcunque habeamus Id-  
eam simplicem, integram hanc habemus;  
nullam enim divisionem patitur.
336. Idea composita clara est, quando omnes  
habemus Ideas simplices, ex quibus com-  
posita formatur. Trianguli æquilateri  
Idea clara est.
337. Obscura dicitur Idea composita, si  
quædam ex Ideis simplicibus, quæ com-  
positam efficiunt, desint.
338. Omnium Substantiarum Ideæ sunt  
obscuræ; harum tantum modos cogno-  
scere possumus (18.): & neminem mor-  
taliū ad cognitionem, omnium modo-  
rum substantiæ cujuscunque peculiaris,  
per-

pervenire unquam posse, attendenti patebit.

Idea impossibilis sæpè pro obscurâ habetur; sed ignorantia nostra hujus causa est. 339.

Si cuidam proponam, ut sibi formet Ideam figuræ rectilineæ, cujus summa angulorum valeat gradus nongentos; & ignoret figuram septilateram, & quidem hanc solam, habere indicatam proprietatem; Ideam tantum sibi poterit formare obscuram, concipiendo quosdam angulos, à lateribus quibusdam effectos; sed figuram, ab omni parte clausam, sibi repræsentare non poterit. 340.

Si, pro nongentis gradibus, octingentos proponerem, similem sibi fingeret Ideam; & hanc etiam pro obscurâ haberet; quamvis omninò impossibilis sit. 341.

Idea Adæquata cum Clarâ eadem est Inadæquata cum Obscurâ coincidit. 342.

Idea Distincta est, quam ob omni aliâ distinguere possumus. Corporis Idea distincta est; est extensum & impenetra-

H                      bile;

#### II 4 I N T R O D U C T I O

bile; ubi in subiecto hæc proprietates dantur, illud quod corpus vocatur ad-est; & hæc Idea ab omni aliâ facilè distinguitur.

344. Confusa Idea dicitur, quæ ab omni aliâ distingui non potest; Objecti, è longinquo. visi, Idea plerumque confusa est.
345. Ideam claram etiam distinctam semper esse, manifestè patet; sed non omnis distincta clara est. Corporis Idea, quamvis distincta, obscuris tamen adnumerari debet (343. 338.).
346. Eodem modo, omnis confusa Idea obscura est; sed non omnis obscura ad confusas pertinet.
347. Omnis Idea, in se considerata, clara & distincta est: obscuritas & confusio spectant objectum, quod Idea nobis exhibet; & profluunt ex ignorantia quorundam, quæ ad hoc objectum pertinent.

## CAPUT IV.

*De Ideis Abstractis & Concretis ; ubi de  
Ideis Universalibus, Particularibus,  
& Singularibus.*

**D**iximus ( 3. ) Abstractione formari 348.  
Ideas, quando, ex Ideâ compositâ  
rei, quasdam simplices rejicimus; id est,  
quando non ad omnes simul attendimus;  
& hoc fit variis modis.

1. Ad Abstractionem possumus refer- 349.  
re omne examen, quod fit per partes,  
quas quasi separatas concipimus, quam-  
vis in subjecto tales non sint.

2. Abstractio fit, dum Modum con- 350.  
cipimus, non attendendo ad Substantiam:  
Ex gr. Motum determinatum corporis  
considero, non attendendo ad mobile.

3. Circa ipsos Modos, abstractè con- 351.  
sideratos, hæc ipsa abstractio locum ha-  
bere potest. Ex. gr. Directionem motûs  
perpendo, neglectâ Velocitate.

H 2      4. Tan-

352. 4. Tandem, si plura inter se conferam; & singulorum Ideam removeam, Mentem tantum applicando ad illud quod omnibus commune est; Abstractam acquirō Ideam, quam Universalem vocant. Talis est Idea Humanitatis, Mobilitatis, Motus in genere, &c.

353. In solo primo casu, in quo partem ipsius rei consideramus, Idea abstracta nobis aliquid extra Mentem repræsentare potest; in omnibus aliis casibus non.

354. Attributum à Substantiâ separatum esse non potest (15).

Universalis Idea non etiam habet Prototypum; id est, objectum, extra Mentem, quod hac ipsâ repræsentatur. Homo in genere non datur, nisi idealiter; Homines singulares existunt. Humanitas nullibi datur, nisi in Hominibus singularibus.

355. Entis in genere Ideam, abstractione formari, vidimus (4.); sed nihil magis à rectâ ratione alienum est, quàm inde concludere, hoc ipsum dari, & omnia  
Entia

Entia singularia ad hoc Ens in genere ita pertinere, ut nulla detur Existentia nisi in hoc ipso.

Quis autem potest, nisi idealiter, existentiam separare ab Ente peculiari? Hac solâ tamen separatione acquiritur Idea Entis in genere.

Idea Universalis, aliquando Particularis dicitur; sed cum relatione ad magis Universalem, quæ plures Particulares complectitur.

Hæc ipsa, quæ in hoc casu nomen Ideæ Universalis servat, omnes ideas quas consideramus complectitur; talis erit, si figuras planas considerem, Idea, quæ has omnes in genere repræsentat; & respectu hujus, figuræ rectilineæ, curvilineæ, & mixtæ, sunt Ideæ Particulares.

Si, non attendendo ad reliquas, solas considerem figuras rectilineas, harum Idea Universalis erit; quæ ipsa in alias Particulares iterum dividi poterit.

Individua in formatione Idearum præ-

H 3

ceden-

cedentium considerari debent ; horum Ideæ dicuntur Singulares.

361. Hæc omnia utilitatem habent in rerum examine ; præcipuè si agatur de rebus plenissimè notis ; in aliis imperfecta admodum est divisio Ideæ Universalis in Particulares.

362. Hac de causâ potissimùm non magni usûs sunt, quæ apud plures occurrunt, de quinque Scholasticorum Universalibus, circa quæ inutiliter admodum quæstiones fuere multiplicatæ.

Cum tamen horum nomina sæpè occurrant, quid sint hæc quinque Universalia dicam.

363. 1. *Genus* vocant Ideam Universalem, quæ varias Particulares continet.

364. 2. Ipsam Particularem vocant *Speciem*. Sed Species, respectu Generis superioris, est Genus respectu Speciei inferioris, ut de Ideis Particularibus dictum (359.), quæ Universales sunt respectu magis Particularium.

3. Va-



3. Variæ Species ad commune Genus 365. referuntur, considerando quod commune habent. Sed in singulis Speciebus datur aliquid peculiare, sine quo Species concipi non potest. Hoc distinguit Speciem à Specie; & hujus Idea est tertium Universale, & vocatur *Differentia specifica*.

Sæpè plura talia dantur, quæ Speciem 366. distinguunt; sed tunc illud ex his attributis, quod pro præcipuo habetur, constituit Differentiam hanc.

4. *Proprium* vocatur attributum simile 367. le, sed quod non essentialiter Speciei competit; quare sine hoc species concipi potest, non tamen ita ut immutata, & incorrupta, sit.

Quatuor modis *Proprium* distingui- 368. tur.

*Proprium* primo modo competit soli, 369. sed non omni; id est, affirmari potest de solis individuis Speciei, sed non de omnibus.

*Proprium* secundo modo convenit 370. omni, sed non soli.

371. Proprium tertio modo competit omni, soli, sed non semper.
372. Tandem, Proprium quarto modo competit omni, soli, & semper.
373. Si animal sit Genus, Homo est Species. Proprium primo modo est, studio literarum animum applicare. Secundo modo, est duos habere pedes. Tertio modo est, cogitata verbis exprimere. Quarto modo est, habere facultatem verbis exprimendi cogitata.
374. 5. Ultima quinque Idearum Universalium est Idea Accidentis. Illud quod adesse, aut abesse potest, sine corruptione Speciei, vocatur *Accidens*. Leidæ esse, Homini Accidentaliter tantum contingit.
375. Diximus, has distinctiones non magni usus esse, si res nobis non satis notæ sint. Mutatione corporis Homo in Monstrum potest converti; & sic de Genere in Genus, aut de Specie in Speciem transire: sed si mutatio successivè fiat, quis determinabit in quo puncto mutationis Homo destructus sit, & pro Monstro haberi debeat?

Etiā

Etiam determinatio *Proprii* non satis distincta est ; *Proprium* in 4<sup>to</sup>. Modo pro *Differentia* haberi potest ; & ad *Accidentia* pertinent *Proprium* primum & tertium.

Ideæ Abstractæ quadam Mentis operatione efficiuntur. Concretas vocamus Ideas quæ, sine talī operatione, Menti præsententur ; & eo respectu, Abstractis opponuntur.

## CAPUT V.

*De Ideis Absolutis & Relativis.*

Ideas vocamus Relativas, quæ nobis comparationem duarum Idearum exhibent ( 23. ); reliquæ Absolutæ vocantur.

Ideæ Relativæ nobis nihil extra Mentem repræsentant ; ideò cavendum, ut hoc de Ideis Abstractis monuimus, ne quæramus rem existentem, aut possibilem, quæ pro Prototypo talis Ideæ habeatur.

H 5 Ideæ

379. Ideæ quæ conferuntur, vocantur termini correlati. Pater & Filius sunt termini correlati; Paternitas est Relatio.

380. Relationes innumeræ sunt. Comparatione Idearum quarumcunque formantur, five Substantiarum, five Modorum, five ipsarum Relationum.

Unio Mentis cum Corpore est Relatio inter duas Substantias.

Consideratione variarum figurarum, acquirimus ideas Relationum inter Modos.

Idea globi aurei continet Ideam Relationis inter Modum & Substantiam.

Sed & ex ipsis Relationibus novæ efficiuntur. Si videam duplum ter in sextuplo contineri, Relationem percipio inter duas Relationes.

381. Omnia quæ de quantitibus determinari possunt, ad Relationes pertinent. Quantum vocamus omne quod augeri & minui potest.

382. Nihil Magnum dici potest, nisi cum Relatione ad Minus; & hæc Idea nihil determinati exhibet.

Mus

Mus est magnum Animal, si conferatur cum Formicâ, exiguum si cum Elephantante.

Eodem modo, grave Pondus; longa Vita; Ingenium stupidum; Motus velox; Relationes exprimunt.

Circa quantitatem tamen observandum, 383: unamquamque, in se consideratam, determinatam esse; & determinationem hanc non esse Relationem. Si unicam quantitatem considerem, reliquas omnes seponendo, hæc determinata est; & quia cum aliâ non confertur, non datur Idea Relationis.

Sed talis quantitas, in hoc casu, neque magna, neque parva, dici potest; & nemo Mortalium hujus dimensionis Ideam distinctam habet.

Hoc patet ex Hominum judicis, circa 384: Relationes Magnitudinum, quas non immediatè, aut auxilio Mensuræ communis, conferre possunt. Vix credibile est, quantum differant judicia de Magnitudine Lunæ, nudis oculis observatæ,  
&

& de Magnitudine objecti cujuscunque distantis, per idem Telescopium, à diversis spectatoribus, visi.

385. Ubi Relatio determinari potest, ejusdem Relationis, in diversis hominibus, eadem sunt Ideæ; & hac de causâ, homines non attendunt ad diversitatem Idearum magnitudinum eorundem objectorum: Judicia enim nostra non circa ipsas quantitates, sed quantitatum Relationes tantùm versantur.

## C A P U T VI.

*De Ideis illorum quæ in Mente peraguntur.*

**T**ransco ad Idearum distinctionem, quæ ad nos ipsos peculiarem relationem habet.

386. Omnis Idea referri potest ad Mentem, aut ad res extra Mentem; & cùm hæc divisio omnium rerum ideas complectatur, illa quæ hucusque explicavimus, de rebus  
in

in genere in Libro primo, & de Ideis in hoc ipso, huc referri possunt. Specialia tamen quædam observanda hîc erunt, de Ideis quæ nobis Actionem aut Affectionem Mentis exhibent.

Ad actionem Mentis pertinent, Deter- 387.  
minatio voluntatis; Attentio; Memoria, quæ latiori sensu etiam Imaginationem complectitur; Animi Affectus, ut Ira, Amor, Odium, &c. In his omnibus Mentem activam concipimus.

In aliis Mentis affectionibus, hanc sine 388.  
ullâ actione nobis repræsentamus. Huc pertinent Gaudium, Dolor, Fames, Sitis, & similia.

Huc quoque debemus referre omnes 389.  
Sensationes Odorum, Sonorum, & quas gustu acquirimus; etiam varias illarum quas Tactu, & Visu, comparamus; Sensationes nempe Calidi, Frigidi, Asperi, Lævis, Luminis, & Colorum.

De Determinatione voluntatis superiùs 390.  
egimus (108. & seq.)

Attentionem vocamus illum Mentis 391.  
actum,

actum, quo eandem Ideam diutiùs præsentem servat; de hac ipsâ in sequentibus, propter peculiarem ipsius usum in detegendâ veritate, nobis agendum erit.

392. Quædam de Memoriâ jam diximus (104. 192. 193.): pauca in sequentibus addenda erunt; nunc autem observamus, facultatem revocandi Ideam, vocari *Imaginationem*, si spectet Ideam à causâ corporeâ externâ excitatam. De hac etiam, in sequentibus, iterum agendum erit.

393. De Animi affectibus superiùs quoque diximus (212. 213.); & similiter de his in sequentibus quædam observanda erunt.

394. Circa Gaudium, Dolorem, Famem, & Sitim, nulla difficultas datur; agitur de statu Mentis, quem hæc immediatè percipit.

395. Sed quando agitur de Ideis, quas per sensus acquirimus, sæpè rebus externis tribuimus, quæ ad Mentem referri debent. Sonus, Odor, Color, non ad res, sed ad Mentem, pertinent.

Dum



Dum sonum percipio, in campanâ nihil datur, præter motum tremulum partium minimarum. 396.

Corpus mihi apparet rubrum: immutatâ tantum particularum, in superficie jacentium, crassitie, fiet flavum, viride, cœruleum, violaceum.

Ab ipsâ autem Sensatione debemus separare Ideas, quas indè deducimus: Asperæ superficiei manum applico, ex Sensatione concludo, minores in superficie dari inæqualitates; sed hæc Idea toto coelo differt à Sensatione quæ Mentem afficit. 397.

Colorem video; concludo superficiem dari, ad quam ego refero Colorem, & hanc esse superficiem corporis, sed hæc à Colore distingui debent.

De Sensationibus quæsitum, an in omnibus Hominibus sint eadem. Sed quis hanc quæstionem solvet? 398.

Duo Homines vident idem corpus coloratum, Colorem hunc Rubrum vocari audiunt. Uterque, quoties eadem, quam nunc

nunc percipit, Sensatio in Mentem redibit, Rubrum se videre Colorem affirmabit; sed an eadem sit Sensatio, quam eodem nomine hi exprimunt, id est, an utriusque Mens, dum se Rubrum Colorem videre ambo dicunt, eodem modo afficiatur, nullo modo determinari potest. Hæc etiam ad reliquas Sensationes referenda sunt.

## C A P U T VII.

*Generalia de Judiciis.*

400. **J**udicium est duarum Idearum comparatio, & Relationis inter has Perceptio. De Relationibus plura jam habuimus; nunc de harum Perceptione distinctiùs agendum.

401. In Judicio nihil datur præter Perceptionem; & qui voluntatis determinationem in hoc ipso desiderari affirmant, ad naturam Perceptionum, & Judiciorum, non attendunt.

Volun-

Voluntatis determinatio potest illa spe-402:  
ctare quæ ipsum Judicium præcedunt. Ut  
hoc detur, præsentēs duæ desiderantur  
Ideæ, & voluntas variis modis circa has  
versari potest; Ex. gr. ut has revocemus;  
aut ad has attendamus; sed tunc nondum  
agitur de Judicio, quod ab his Ideis di-  
stinctum est, quamvis sine ipsis dari non  
possit.

Ubi verò Ideæ præsentēs sunt, Judi-403:  
cium sequitur: qui enim percipit Ideas,  
eo ipso videt Relationem, quæ inter has  
datur, aut percipit non immediatè ipsas  
posse conferri; sed hoc ipsum est Rela-  
tio, & hujus Perceptio est Judicium:  
Qui Judicium à Perceptione duarum Idea-  
rum separaret, eo ipso affirmaret, Men-  
tem non percipere Ideas, quas percipit.

Judicium verbis expressum vocatur 404:  
*Propositio, Effatum, Pronunciatum*, qui-  
bus nominibus generaliter designamus  
omnem Relationem inter duas Ideas, quan-  
do hæc verbis exprimitur, quamvis non  
immediatè percipi possit.

405. In omni Relatione inter Ideas, una semper ad aliam refertur; id est, de hac aliâ affirmatur, aut negatur.
406. Idea quæ affirmatur, aut negatur, vocatur *Attributum*, aut *Prædicatum* Propositionis; Idea alia est *Subjectum* Propositionis.
407. Voces quibus Subjectum & Attributum Propositionis exprimuntur, dicuntur hujus *Termini*.
408. Hi duo Termini junguntur copulâ, quæ affirmationem aut negationem determinat.
409. Sed quamvis omnis Propositio necessariò ex his duobus Terminis cum copulâ constet, non tamen omnes semper exprimuntur. *Petrus ambulat*, significat, *Petrus est ambulans*; *Lego*, coincidit cum hisce verbis, *ego sum legens*.
410. Termini Propositionis sunt Simples, vel Complexi.
411. Simples dicuntur, si unicâ voce afferantur, ut *Sol*; si pluribus, Complexi nominantur, ut *Corpus Systematis Planetarii maximum*. CA-

## CAPUT VIII.

*De Propositionibus Universalibus  
& Particularibus.*

**M**ulta de Propositionum Divisione 412,  
apud Dialecticos habentur; pauca,  
quæ utilia mihi apparent, explicabo.  
Præcipua quædam ex reliquis breviter  
indicabo; sed plura omnino intacta relin-  
quam.

Propositiones sunt Universales, Par-413.  
ticulares, vel Singulares.

Universalis est, cujus Subjectum quan-414.  
tùm potest extenditur, ne uno quidam  
individuo excepto; exprimitur hisce vo-  
cibus, *Omne*, *Nullum*; ut, *Omnis Homo*  
*est mendax*; *Nullus Lapis cogitat*.

Particularis est Propositio, si Subje-415.  
ctum minùs latè pateat; ut *Quidam Ho-*  
*mo est probus*; *Quidam Lapides non sunt*  
*sphærici*.

In Singulari Propositione, Subjectum 416.

est individuum; ut *Aristoteles est Philosophorum Princeps*.

417. Propositiones hæc ad Universales referuntur, quia de toto Subiecto, quantum potest extenso, agitur.

418. Non semper ex solis verbis, de Universalitate, aut Particularitate Propositionis, judicare possumus; sed plerumque ad Mentem loquentis attendendum. Nemo omnes Homines intelligit, quando dicit, aliquid omnibus notum esse.

419. Propositiones ad quatuor Classes referuntur, attendendo ad Universalitatem & Particularitatem, quas vocant *Quantitatem* Propositionis; & ad Affirmationem & Negationem, quæ *Qualitatem* Propositionis determinant.

1. Propositio est Universalis affirmans.

2. Particularis affirmans.

3. Universalis Negans.

4. Particularis Negans.

420. Propositiones quæ idem habent Subiectum & idem Attributum, oppositæ dicuntur, quando Qualitate differunt; id est,

est, quando una affirmativa est, & altera negativa.

Variis modis opponuntur Propositiones-421.  
 nes. Si solâ Qualitate, non Quantitate,  
 differant, dicuntur *Contrariæ*, quando  
 ambæ Universales sunt; ut *Omnis Homo*  
*cogitat*; *Nullus Homo cogitat*.

Sed, si Particulares sint, *Subcontrariæ* 422.  
 dicuntur; ut *Quidam Homo est bonus*;  
*Quidam Homo non est bonus*.

Contradictoriæ vocantur Propositiones-423.  
 nes, quæ Quantitate & Qualitate differunt;  
 ut *Omnes Turcæ sunt Mohammedani*; *Qui-*  
*dam Turcæ non sunt Mohammedani*.

In usu vulgari, illæ solæ Propositiones 424.  
 Contradictoriæ dicuntur, quas Contra-  
 rias vocari diximus (421.).

## CAPUT IX.

*De Propositionibus Simplicibus. Ubi  
de Complexis, & Incidentibus.*

425. **P**ropositiones sunt, vel Simples, vel  
Compositæ.
426. Simplex Propositio est cujus Subje-  
ctum unicum est; de quo etiam unicum  
tantum affirmatur, aut negatur, Attribu-  
tum. *Petrus vivit.*
427. Composita plura habet Subjecta, aut  
Prædicata. *Sol & Luna sunt Corpora  
sphærica. Sol est sphæricus & lucidus.*
428. Simples Propositiones dicuntur *Com-  
plexæ*, si Terminus unus, aut alter, sit  
Complexus (411.); id est, si Subje-  
ctum, aut Attributum, complexis ver-  
bis exprimatur.
429. In hoc casu, *in Materia* complexa di-  
citur Propositio; quia Subjectum & At-  
tributum *Materiam* Propositionis consti-  
tuunt. Si, in hac Propositione *Sol est*  
Lu-



*Lucidus*, pro *Sole* ponam *Corpus in Systemate Planetario maximum*, Propositionio erit complexa; & talis etiam esset, si pro *Lucido* posuisssem, *Radios Luminis quaquaversum emittit*.

Aliquando Propositiones complexæ 430. sunt in ipsâ *Formâ*; si nempe copula complexis verbis enuntietur. Hoc obtinet, quando Affirmatio, aut Negatio, certo modo limitatur; ut, si dicam *mibi videtur*, non absolutè affirmo, aut nego. Sed, si dicam *certus sum*, tunc non tantùm affirmo, aut nego, ipsum *Attributum* de *Subjecto*; sed ulteriùs affirmo, me de ipsâ Propositione certum esse.

Hæ Propositiones *Modales* dicuntur, 431. quando Affirmatio, aut Negatio, modificatur uno ex his quatuor modis, *Necessitate*, *Contingentiâ*, *Possibilitate*, aut *Impossibilitate*.

In omnibus Propositionibus in *Formâ* 432. Complexis, præter principalem Propositionem, secunda datur, quam *Incidentem* vocant. Non enim limitari, aut

modificari potest Affirmatio aut Negatio Attributi, nisi additione alijs Propositionis.

Ubi dica *hoc mihi videtur*, aut *certus sum*, vel *hoc Possibile est*, his omnibus Propositiones exprimo ab iis, de quibus agitur, distinctas.

433. Circa Propositiones has Incidentes observandum, plerumque simplici enuntiatione Propositionis Incidentem continentis, hanc determinari non posse; sed ex aliunde notis sæpè deducendum esse, quæ sit Principalis, quæ Incidens, Propositio.

434. Si dicam, *inter Astronomos convenit Terram moveri*. Duas hîc habemus Propositiones; nam non tantùm affirmatio datur de Motu Terræ; sed etiam adjicimus, hanc esse omnium Astronomorum sententiam; &, quæcunque sit principalis Propositio, in hac Affirmatio non simplex, sed complexa, est.

435. Si agatur de motu Telluris, quæ de Astronomis dicuntur, incidenter mem-

morantur; & horum veritas, aut falsitas, non spectant ipsam Propositionem.

Sed, si de Astronomorum opinione 436. quæstio esset, motus Telluris incidentem formaret Propositionem, cujus veritas, aut falsitas, iterum nihil commune haberet cum Propositione principali.

Propositio incidens sæpè exprimitur 437. per pronomen relativum *qui, quæ, quod*; sed hoc, vel explicat, vel determinat. In secundo casu, ad Propositionem principalem pertinet. Si dicam *Angli, qui sunt albi, sunt ingeniosi*; in hac propositione, *qui sunt albi*, est explicatio, quæ negligi potuisset. Sed in hac aliâ, *Homines, qui virtutem amant, Deo grati sunt*, verba hæc, *qui virtutem amant*, determinant Subiectum Propositionis principalis. Sed ex mente illius qui loquitur, aliunde notâ, constare plerumque debet, utrum agatur de explicatione, an de determinatione.

## CAPUT X.

*De Propositionibus Compositis.*

438. Quid fit Propositio composita, diximus (427.). Duplices hæ sunt.
439. Compositio aut clarè exprimitur, aut non exprimitur. In hoc secundo casu, *Exponibiles* vocantur, quia exponi, aut explicari, debent, ut compositio pateat.
440. Propositio hæc, *Dion in Patriam reversus est, ut Tirannidem destrueret*, est disertè composita.
441. Ad varias classes Propositiones ita compositæ referuntur, sunt vel *Copulativæ*; vel *Disjunctivæ*; vel *Conditionales*; vel *Causales*, ad quas *Reduplicativæ* referuntur; vel *Relativæ*; vel *Discretivæ*.
442. Exemplum Numeri præcedentis ad Causales pertinet; sed quæ in Num. 427. habentur ad Copulativas referri debent.

Propositio hæc Exponibilis est, *Ferrum* 443.  
*candens Aquâ bulliente magis est calidum;*  
 & significat Ferrum candens, & Aquam  
 bullientem, calida esse; & ulterius, Fer-  
 rum esse magis calidum.

Exponibiles quoque ad varias classes 444.  
 referuntur; & sunt, vel *Exclusivæ*, vel  
*Exceptivæ*, vel *Comparativæ*, vel *Incep-*  
*tivæ*, vel *Desitivæ*. Exemplum Num.  
 præcedentis ad Comparativas pertinet.

Hæc breviter memoravi, ut pateret 445.  
 quousque multiplicatæ fuerint Proposi-  
 tionum distinctiones. Si, quæ singulas  
 classes spectant, nunc explicarem, & a-  
 gerem de modis quibus diversis hisce  
 Propositionibus contradicatur, & quæ  
 pertinent ad conversionem Propositio-  
 num exponerem, multa traderem quæ;  
 in detegendâ veritate, vix ullum usum  
 habent.

## CAPUT XI.

*De Vero & Falso.*

446. **I**dea omnis, in se considerata, vera est; id est, exactè representat illud, quod exhibet, sive hoc reverà detur, sive non.

Eodem modo, si rem quamcunque in se consideremus, vera hæc est; id est, omnis res est, id quod est.

447. Hæc nemo in dubium vocabit; sed ita tantùm Veritatem considerare nullius usus est. Veritas examinanda est relativè ad cognitionem nostram.

448. Ideis acquirimus rerum notitiam, & illa Idea pro verâ crit habenda, quæ rem ad quam refertur repræsentat. Eo sensu, falsæ sunt omnes Ideæ, quæ habentur pro repræsentationibus rerum, cum quibus non conveniunt.

449. De hac Idearum veritate nobis agendum est; ab hujus determinatione omnis certa rerum cognitio pendet.

Simi-

Simile quid de Judiciis dicendum est. 450.  
 Judicium verum est, quod nobis exhibet Relationem, quæ datur inter Ideas, quas examinamus; si aliam concipiamus dari Relationem, Judicium falsum erit.

Ut determinemus quæ Veritatem, ita 451.  
 consideratam, spectant, Ideas in duas classes separamus.

Ad primam referimus Ideas omnes, 452.  
 quas immediatè acquirimus; quales sunt Ideæ illorum, quæ in Mente peraguntur, Actionum & Affectionum Mentis.

Ad hanc classẽ etiam referimus Ju- 453.  
 dicia omnia; nam sunt Ideæ Relationum, quas immediatè percipimus, ubi præsentes habemus Ideas, quæ conferuntur.

In Judiciis autem distinguendum est, 454.  
 inter Veritatem Idearum de quibus judicamus, & Veritatem ipsius Judicii; de hac ultimâ nunc loquimur.

Ad secundam classẽ refero omnes 455.  
 alias Ideas; id est, omnes quas, mediante quacunque causâ extraneâ, acquirimus.

## C A P U T   X I I .

*De Evidentiâ.*

456. **E**videntiam vocamus immediatam Perceptionem.

457. *Evidentiâ* hæc *Criterion est Veri*, pro omnibus Ideis rerum quas immediatè percipimus. Id est, hæc ipsa est legitimum fundamentum conclusionis, hujus, Idem quam acquirimus convenire cum re, quam immediatè percipimus; plenaque est de hac convenientiâ persuasio.

458. Ipsa enim res cum hujus immediatâ Perceptione congruit. Dum cogito, Cogitatio in Mente distincta non est ab hujus Perceptione. Gaudium in Mente meâ, & hujus Perceptio, sunt unum & idem; hæc Perceptio, ideò, mihi veram dat illius Gaudii, quo Mens nunc fruitur, Idem.

459. Hæc observatio ad res omnes, quas immediatè percipimus, referri debet; hæc enim



enim nisi cum ipsis Ideis convenirent, immediatè percipi non possent, cum Mens nostra Ideas tantùm percipiat.

Ex his deducimus etiam, omne Judi- 460.  
cium verum esse. Nam immediatè percipimus relationem inter Ideas quas præsentes habemus (453.); & ideò Perceptio hæc veram nobis inter Ideas, quas comparamus, repræsentat relationem; quæ dum Menti imprimitur, ab ipsis illis ideis distincta non est.

Videmus nunc, quare Evidentia assen- 461.  
sum nostrum ita secum trahat, ut huic resistere non possimus.

Ubi Evidentia adest, ita clarè se ipsam 462.  
demonstrat, ut scrupulus nullus, eo respectu, dari possit: qui percipit, conscius sibi est hujus Perceptionis dum Menti præsens est; & quis in dubium potest vocare, se illud percipere, quod percipit?

Hæc omnia ita clara sunt, ut ex his 463.  
responsa, ad omnes Scepticorum difficultates adversus Propositionem hanc, *Evidentiam esse Criterium Veri*, facilè deducantur;

tur; & inutile videatur ipsas memorare.

464. Quamdiu Evidentia adest, nunquam erramus. Si in Ideis quas ad primam classem retulimus (452.), aut in Judiciis, error detur, nisi ex defectu Evidentiæ hic profluere non potest. Evidentia autem deest, quando illa vera esse affirmamus, quorum cognitionem Mens non acquisivit immediatâ Perceptione.
465. Unde deducimus, errorem, attendendò ad Evidentiam, vitari in omnibus Scientiis, quæ versantur circa Ideas in se consideratas, sine ullo respectu ad res ipsas; quales sunt Disciplinæ Mathematicæ.
466. Error in hisce nunquam Ideas spectare potest; Idæe ponuntur, & ex his positæ conclusio deducitur; circa quam solam ergò error dari posset. Sed in hac agitur de Judicio, cujus firmitas in solâ Evidentiâ quærenda est (460)
467. In omnibus hisce Scientiis Ideas poni dicimus; quare conclusiones ad res tantum hypotheticè referuntur, si cum rebus

bus Ideæ convenient; sed hoc aliunde determinandum est, & ipsam Scientiam non spectat.

Ex dictis ulteriùs sequitur, Errorem 468. etiam, si Evidentia non negligatur, vitari in omnibus Scientiis, quæ versantur circa Ideas, quas Mens, attendendo ad proprias Actiones, & Affectiones, acquirit.

Huc referimus quæ de Ente in ge- 469. nere, de Mente nostrâ, de Spiritibus, & de Deo, explicari possunt: nam in hisce agitur de Ideis in Num. præcedenti memoratis, aut de talibus, quæ judicando ex illis deducuntur.

Tandem, in omnibus aliis Scientiis quæ 470. versantur circa Ideas, quas immediatè acquirere non possumus, omnium Judiciorum Veritas in ipsâ Evidentiâ quaerenda est; & ipsæ Scientiæ certæ sunt, si aliunde constet, Ideas convenire cum rebus ad quas referuntur.

In his omnibus, ut jam observavimus 471. (464.) Error tantùm dari potest, quando Evidentia negligitur. Hoc autem fie-

ri potest, respectu Idearum, aut respectu Judiciorum.

472. Error in Ideâ datur, quando, præter illud quod immediatè de re percipimus, aliquid ulterius suppletur, quasi in ipsâ re daretur.
473. Dolorem sentio, hunc immediatè percipio, & hujus Ideâ verâ est. (458.); sed concipio ulterius, Dolorem hæere in digito; hoc tamen falsum est; nihil est Dolor præter Sensationem, quæ in Mente datur, & quæ ab hujus Perceptione distingui non potest. Non autem immediatè percipio, quæ de digito mihi persuadeo; hæc à me suppleantur; ne quidem ipsum digitum immediatè percipere possum.
474. In Judiciis error datur, quando ad quasdam Ideas referimus Relationem, quam in examine aliarum percipimus (450). Exemplum habemus in Ratiociniis in quibus ad Necessitatem Moralem referuntur, quæ de Necessitate Physicâ fuere demonstrata.

Er-

Error etiam sæpè in Judiciis datur si-475.  
milis illi, quem de Ideis memoravimus:  
aliquid suppletur, quod in Relatione in-  
ter Ideas, quas examinavimus, non con-  
tinetur.

Plura exempla dari possent in Ratioci-  
niis de Deo: unicum dabimus, quo illu-  
strari quædam poterunt, quæ in præce-  
denti Libro habuimus (251.).

Deus est rerum Conditor: conclusio 476.  
hæc deducitur ex Judiciis veris; sed Ju-  
dicia hæc non determinant, quomodò  
Deus Universum creaverit. Ideò, dum ad  
hæc sola attendimus, non ulteriùs pro-  
grediendum est. Plerumque tamen Ho-  
mines ulteriùs progrediuntur; aliquid  
de Creatione determinant, & Judiciis ve-  
ris aliquid addunt, quo à Veritate rece-  
dunt, concipiendo Creationem, quæ cum  
Attributis Divinis convenire non potest.  
Nam Deum concipiunt, qui à non Crean-  
te fit Creans; & à non Agente fit Agens;  
quod quandam mutationem ponit. Deus  
tamen est à se, & ideò immutabilis (99.);

ita ut ne minima quidem in Deo mutatio, quæcunque hæc sit, locum habere possit. Si Deo dignas sibi de Ente Supremo Ideas Homines formarent, facilè perciperent, illos, qui in Deo Actionem, quâ aliquid nunc efficitur, distinguunt ab Æternâ, simplici, & immutabili, Voluntate, de quâ superiùs egimus (251.), Relationem fingere, quam inter Ideas, quæ Deum spectant, non percipiunt; & quæ inter has dari non potest.

## CAPUT XIII.

*De Veritate Idearum, quas non immediatè acquirimus. Ubi de Evidentiâ Morali.*

477. **E**videntiam ad Ideas rerum, extra Mentem, non posse referri, ex explicatis, in Capite præcedenti, patet; si solum Deum, & generalia quæ spiritus spectant, excipiamus, quorum cognitionem Mens acquirit, ad se ipsam attendendo.

Res

Res. aliæ, extra Mentem positæ, non 478.  
 immediatè percipiuntur; neque ad se ipsam  
 attendendo, Mens harum acquirere potest  
 notitiam. Nunquam ergò, sine auxilio  
 extraneo, cognosci hæ possunt.

Aliud, ergò, Veri Criterium, ab E-479.  
 videntiâ diversum, nobis in hisce quæ-  
 rendum est. Ut tamen eodem nomine  
 Veri Criterium, in omni casu, exprimeretur,  
*Evidentiam Moralem* dixere illud,  
 quo Veritatem Idearum, de quibus in  
 hisce agitur, determinamus. Et, ad  
 omnem confusionem vitandam, simplici  
 Evidentiæ, de quâ præcedenti Capite  
 egimus, nomen *Evidentiæ Mathematicæ*  
 dedere.

Rerum extranearum, id est, extra 480.  
 Mentem positarum, tribus mediis Ho-  
 mines acquirunt Ideas; Sensibus, Testi-  
 monio, & Analogiâ: & tria hæc dantur  
 Evidentiæ Moralis fundamenta.

Nullum ex his, per se, id est, suâ 481.  
 naturâ, est Veri Criterium; & eo respec-  
 tu, Evidentia Moralis differt à Mathe-

matica; conveniunt tamen, respectu persuasionis, quæ utramque sequitur.

482. Ut Sensibus Ideam acquiramus, nihil desideratur præter nervi agitationem, ex quâ certa sequitur impressio in medullâ Cerebri. Positâ hac impressione, Idea adest, sive res, quam Idea repræsentat, præsens sit, nec ne; quare Sensibus non acquirimus necessariò veras rerum Ideas.
483. Illud, quod Hominis Testimonio fulcitur necessariò verum esse, quis affirmabit?
484. In ratiociniis quæ Analogiam pro fundamento habent, ex observatis, ad non observata, conclusiones referimus. Omnes Lapides quos examinavi graves sunt, id est, sibi permissi Tellurem petunt; hoc idem de aliis nunquam examinatis etiam affirmo, quamvis, si rem tantùm in se consideremus, inter gravitates diversorum Lapidum necessarius nexus non detur.
485. Circa hæc tria Veri Criteria observandum, cum ipsa non à se, sed aliunde talia



lia sint, ideò non semper ita facillè constare, utrum, in dato casu, locum habeant nec ne; quare circa hæc ipsa variae cautelæ adhibendæ sunt, ne ponamus Moralem Evidentiâ dari, ubi deficit; & hujus respectu, à Mathematicâ Evidentiâ differt, quæ per se semper manifesta est ( 462. ).

Deus bonus Hominibus magnam re-486.  
rum Ubertatem concessit, voluitque ipsos his uti, dum in superficie Telluris vivunt; remotis autem Sensibus, Homines harum rerum cognitionem nullam omnino habere possent, & commodis ex his ipsis profluentibus privarentur. Unde manifestum est, Universi Moderatorem Hominibus Sensus dedisse, ut his in examine rerum uterentur, & ipsis fidem haberent.

Sibi ipsi contraria esset Suprema Sa-487.  
pientia, si, concessis rebus, datisque mediis quibus cognoscantur, hæc Homines in errorem inducerent.

Sensus ergo sunt Criterium Veri; quia 488.

Deus hoc ita voluit : quare Persuasio de convenientiâ Idearum, quas Sensibus acquirimus, cum rebus quas repræsentant, integra est.

489. Quomodo tamen Sensus nos ad rerum cognitionem conducant non per se patet; longiorem Usus & Experientiam nos hoc docere, in Capite sequenti videbimus; ubi etiam explicabimus quomodo, in singulis circumstantiis, exactè determinetur, quid ex Sensationibus ita sequatur, ut nullum dubium superfit.
490. Sine Sensibus, ut diximus (486.), nulla datur rerum cognitio; hi tamen soli non sufficiunt. Nemo Mortalium res omnes, sibi ad vitam necessarias, Sensibus explorare potest; in innumeris occasionibus, ab aliis doceri debet, & Hominum Testimonio si fidem non habeat, ex plerisque, à Deo concessis, nullam utilitatem capiet, & nisi infelicem, & brevem, in Telluris superficie, Vitam transigere non poterit.
491. Concludimus ex his, Deum etiam voluisse

luisse Testimonium esse Criterium Veri;  
& Hominibus dedit facultatem determi-  
nandi quid in Testimonio requiratur,  
ut huic fidem habeant.

Tandem diximus quoque, Judicia, 492.  
quæ Analogiam pro fundamento habent,  
nos similiter ad rerum cognitionem de-  
ducere. Firmitatem conclusionum, in  
hoc casu, ex eodem etiam Principio, Dei  
Voluntate, deducimus. Hic Hominem  
posuit in talibus circumstantiis, in quibus,  
nisi pro Veris habeat rerum Ideas,  
quas acquirit, dum rebus non exploratis  
illas tribuit affectiones, quas in examine  
rerum similium detexit, infelicem ad-  
modum Vitam ducere cogatur, & quæ  
breui tempore etiam terminaretur.

Venenum ab utili cibo, remotâ Ana- 493.  
logiâ, quis distingueret? Quis locum  
quem occupat deferere auderet? Innu-  
mera pericula vitari minimè possent.

Concludimus ex his omnibus, Sen- 494.  
sus, Testimonia, Analogiam, esse valida  
*Evidentiæ Moralis* fundamenta; sed se-

paratim hæc sunt examinanda, ut omnis error remoueat.

## CAPUT XIV.

*De Sensibus, primo Evidentiæ Moralis  
Fundamento.*

495 **Q**uomodo Sensus ad rerum cognitionem nos ducant, non ita facillè patere, diximus (489.); examen singulorum hoc manifestum faciet. Tali enim examine patebit, nos non, nisi longiori Experienciâ, comparando Ideas, quæ per varios Sensus excitantur, Artem discere aliquid determinandi de corporibus, quando hæc in Sensus agunt. Idem, singulorum Sensuum examen, nos deducet ad cautelas, in usu Sensuum, adhibendas.

496. Visu & Tactu acquirimus Ideas figurarum, & sitûs corporum; aliis Sensibus detegimus peculiare proprietates, quæ Visu & Tactu discerni non possunt; & quæ varios usus corporum nobis man-

ni-

nifestant. Quare sæpè, hisce tribus reliquis Sensibus, Auditu, Gustu, & Olfactu, percipimus distincta esse corpora, quæ Visu & Tactu, facilè confundi potuissent.

Tactu corpora percipimus, quando 497. partem corporis nostri corpori explorando applicamus; eo agitantur nervi quidam, ex iis, qui ubique ad superficiem cutis pertingunt.

Sensus hicce in extremitatibus digitorum, 498. ubi plures nervorum rami terminantur, magis est exquisitus.

Tactus, posito corpore Humano bene 499. constituto, applicationem docet corporis extranei, & nihil prætereà; nobisque dat resistantiæ Ideam. Sed longiori Experienciâ, ab ipsâ infantiâ, continuò tractando corpora quæ videmus, acquirimus facultatem judicandi, solo Tactu, de inæqualitatibus in corporum superficiebus; etiam de dispositione superficierum quibus corpus terminatur; quo Idem acquirimus figuræ corporis: quæ  
ta-

tamen Idea plerumque satis imperfecta est.

500. Hoc eodem Sensu acquirimus omnes Ideas, quæ ex diversâ resistantiâ deducuntur; quales sunt Ideæ Duritiei, Mollitiei, Fluiditatis, &c.
501. Experimentiâ acquirimus facultatem Tactu aliquid de corporibus determinandi; sed rarò corpus examinamus hoc solo Sensu; & tali examini parum adfueti sumus: quare, ubi non agitur de corporibus benè notis, & Tactu sæpiùs exploratis, huic solo fides habenda non est; nisi quis per plures annos cæcus fuerit.
502. Si Visio cum Tactu jungatur, vix error dari potest in Ideis, quas Tactu acquirimus, si attentè procedamus.
503. Visus est omnium Sensuum ille, cujus ope plura corpora novimus; sed ut eò perveniamus, longa Experientia quoque desideratur, in quâ corpora quæ oculis observantur etiam tangi debent.

Visio objecti, posito oculo benè consti- 504.  
tuto, probat dari, in fundo oculi, pictu-  
ram, cujus singula puncta notantur ra-  
diis, qui divergentes oculum intrant, &  
in oculo ita flectuntur, ut ad hoc pi-  
cturæ punctum concurrant.

Sensatio autem pendet ab agitatione 505.  
nervi Optici, cujus fibræ tenuiores, su-  
per oculi fundo dispersæ, & huic appli-  
catæ, à radiis, in punctum concurrenti-  
bus, afficiuntur; quo ipso Mens nostra  
punctum hoc percipit.

Ex omni puncto visibili radii diver- 506.  
gentes procedunt, & in oculo colle-  
cti, hoc ipsum punctum, pingunt, &  
Mens hoc videt. Sed puncti in eadem  
lineâ, ad oculum tendente, positi, pi-  
ctura eadem est, & in eodem loco o-  
culi posita, sive punctum magis aut  
minùs distet; ita ut, ex picturâ ipsâ,  
Mens nihil de distantia determinare  
possit.

.. Mutatio tamen quædam datur in ipso 507.  
oculo, & in situ oculorum, si ambobus  
videa-

videamus, quando puncti visi distantia mutatur.

508. Hac de causâ, Tactu examinando corpora, quæ videmus, & hæc observando ad diversas distantias, & diversis modis, dum scimus ipsa non mutari, longo usu, tandem acquirimus facultatem judicandi de distantiis.

509. Omnes Homines hanc artem possident; ab ipsâ infantiâ continuò necessitate coguntur ad illa attendere, quæ diversas punctorum visorum spectant distantias; & postea faciliè sibi persuadent, Naturam ipsam hæc docuisse.

Facultatem hanc de objectis visis judicandi, Usui & Experientiæ tantùm deberi, ex naturâ rei deducitur. Sed omnis scrupulus removetur, si perpendatur historia Juvenis cæci nati, & qui, inter annum ætatis decimum tertium & decimum quartum, visum recuperavit; quæ invenitur in Actis Philosophicis Societatis Regiæ Anglicanæ, Num. 402. Art. 7.

Po-



Positâ nunc facultate judicandi de 510  
 distantis; ubi punctum video, remoto  
 omni organi defectu, Perceptio hæc ni-  
 hil probat, præter radios luminis, qui  
 in oculum divergentes penetrant, quasi  
 procederent à puncto in lineâ determina-  
 tâ (506.), ad determinatam distantiam  
 posito.

Hoc autem sufficit, ut corpora videa- 511  
 mus; nam hanc habent corpora visibilia  
 proprietatem. Radii emissi, aut à cor-  
 pore reperiuntur, ex singulis superficiei  
 punctis divergentes procedunt: quare  
 singula hæc puncta visibilia sunt (506.),  
 & in oculo pinguntur: cum etiam Judi-  
 cium detur de diversis distantis singulo-  
 rum punctorum, figuræ & inæqualita-  
 tes in superficiebus, percipiuntur.

Sensatio autem eadem est, siue radii 512  
 ex puncto reverâ procedant, siue oculum  
 intrent, quasi ex ipso procederent, dum  
 ex alio puncto emittuntur, & inflectun-  
 tur antequam ad oculum perveniant; nam  
 mo-

motus in oculo, & actio in fibras, in hisce casibus, non differunt.

§13. Ideò, radiis per vitra transeuntibus, aut à corporibus politis reflexis, objecta repræsentari possunt, ubi non sunt; quod in errorem ducere potest.

§14. Judicium de distantia, quo figuras corporum distinguimus (§11.), incertum est, ubi agitur de objectis paululùm remotis. Tunc objecti figura deducitur ex umbris, & diversis gradibus luminis, in diversis locis superficierum, apparentibus. Usu etiam ab infantiâ acquisivimus facultatem ex his de Objectis judicandi; sed quando de majori distantia agitur, & hoc quoque Judicium incertum est.

§15. Ex his patet, si agatur de Objectis longinquis, errorem faciliè dari, & in hoc casu, Objectum verum, à picto, simplici Visione, distingui non posse; quod etiam contingit, si unico utamur oculo, quavis Objecta non admodùm sint remota.

UL-

Ulteriùs observandum, omnem Visionem à lumine pendere; & ideò, si hoc nimis debile sit, ita ut nervum non satis afficiat, Visui fidem habendam non esse.

Ex his omnibus nunc concludimus, 517.  
plura desiderari, ut Visui fides habeatur;  
sed scrupulum nullum dari posse, si sequentia concurrant.

1. Ut Objecta Lumen satis validum aut emittant, aut repercutiant. (516.)

2. Ut ad justam distantiam collocata sint. (514.)

3. Ut ad diversas partes observatio fiat. (513.)

Si cum hisce concurrat, ut Objectum, 518.  
dum videtur, etiam tractari & Tactu explorari possit, nullus omnino circa illa, quæ Visus nos docet, scrupulus concipi poterit. Sed observandum, non agi de iis quæ Mens supplere potest, & deducere ex iis quæ apparent.

Non tamen semper, omnia hæc concurrere debent, ut omne dubium remo-

L.

vca-

veatur. Si agatur de Objectis notis, quique faciliè ex circumstantiis, aliunde cognitis, judicare poterit, an erroris occasio detur; quare satis erit generalia quædam observare, circa casus in quibus non ita manifestum est, utrum dubitandi ratio detur, necne.

520. 1. Si Objecta per foramen observentur unico oculo, nihil, ex iis quæ apparent, concludi poterit, nisi aliunde constet, non observari Objecta picta, aut in speculo exhibita, & Visionem non per vitra fieri; nam, an non ex his causis error detur, simplici perceptione determinari non potest (513. 515).

521. 2. Ad distantiam paululò majorem, pro diversis hominibus diversam, pictura potest pro Objecto vero haberi, quamvis ambobus utamur oculis (515.); & non faciliè error detegi poterit, si quis detur in viciniis puncti, in quo Pictor oculum collocari voluit, in examine picturæ. Si ex alio loco picturam quis intueatur, ex figurâ Objectorum faciliè detege-

tegere poterit non agi de Objecto vero;  
quod etiam generaliter tranſlato oculo  
percipi poteſt.

3. Si quis viſum dirigat per apertu- §22.  
ram non admodum patentem, ſpeculum  
in errorem illum inducere poteſt; idèò,  
ſi aliunde non conſtet tale quid non da-  
ri, in hoc inquirere debet; & facilè  
caſus dari poterit, in quo nihil determi-  
nandum erit.

4. Si Corpus motum obſervemus, de §23.  
viâ percurſâ, ſimplici Viſione, nihil de-  
terminari poterit, ſi agatur de Objecto  
remoto; quia Judicium de accèſſu Objecti  
ad ſpectatorem, & reſcſſu ab eo, incer-  
tum eſt (§14.).

5. Aer, à quo circundamur, nos fa- §24.  
cilè in errorem inducere poteſt; hujus  
particulæ Lumen reflectunt debile, quod  
ſenſibile non eſt, dum magis vividum in  
oculos penetrat; Lumen hoc debile, no-  
bis exhibet Colorem Cœruleum, in o-  
mnibus locis Cœli ubi, ſepoſito Aëre, per-  
fecta Nigredò obſervaretur. Cùm verò,

assueti sumus superficies videre coloratas; quæ Tactu nobis sensibiles sunt, etiam hunc Colorem Cœruleum ad talem superficiem referimus; & fingimus sphaeram quæ nullibi existit.

525. Auditum Perceptionem acquirimus Soni; sed, organo benè constituto, non hoc contingit, nisi Aër, motu tremulo agitato, percutiat Timpanum Auris. Experientia autem nos docet, à quibus corporibus, & in quibus circumstantiis, motus hicce Aëri communicetur; quare, ubi sæpiùs eundem Sonum, ab eadem causâ produci percepimus, ex Sono iterum audito, eandem causam quoque adesse concludimus.

526. Circa Sensationem hanc observandum est, facilè errorem dari circa locum, ex quo Sonum procedere judicamus; nam hujus directio mutari potest, reflexione etiam, per tubos, ad locum quemcunque non nimium distantem deducitur; ideò, ex simplici Auditu, nisi in loco omnino patenti, determinare non possumus ad quam

quam partem detur corpus quod Sonum emittit; id est, quod Aëri motum tremulum communicat. Plerumque tamen, in subsidium vocatis circumstantiis aliunde notis, hoc satis accuratè determinamus.

Odor & Gustus peculiare Corporum 527. proprietates detegunt, quas easdem adesse, ex iisdem redeuntibus Sensationibus, concludimus; ita ut, respectu multorum Corporum, hisce Sensibus solis Corpus à Corpore distinguatur: sed repetita, ut hoc fiat, desideratur experientia.

Hisce observatis de Sensibus separatim 528. consideratis, quædam generalia, quæ omnes spectant, addenda sunt.

1. In examine rerum, plures Sensus, 529. ubi hoc fieri potest, adhibendi sunt, ut eo omnis erroris suspicio removeatur; nam, cum causæ errorum diversæ sint, rarò, si unquam, ubi de duobus Sensibus agitur, hæ concurrere poterunt; si de tribus nunquam: quare hac methodo ad Certitudinem facilè pervenimus.

2. Tali examine, variis Sensibus, 530.

L 3

omnis

omnis scrupulus removetur, qui ipsum organum Sensûs spectare potest. Hoc semper bene constitutum posuimus, quia ex hujus defectu error dari potest; nam ubi nervus afficitur, & eadem ipsi communicatur agitatio, à quacunque causâ pendeat, eadem est Sensatio (482). Sic aliquando, illi quibus manus amputata est, sibi videntur digitis corpora tractare. Talis verò error dari non potest, quando duo aut plures Sensus adhibentur. Sæpè solo examine ipsius organi, defectum de- tegere possumus.

531. 3. Non semper necesse est, ut pluribus Sensibus Corpus examinemus; unus nos aliquando ad Certitudinem deducit, si diversis modis res consideretur, ut plures Sensationes diversæ excitentur.

532. 4. In iis quæ de singulis Sensibus, separatim consideratis, observavimus, diximus aliquando, *si aliundè*, aut *si ex circumstantiis constet*; hoc intelligi debet de aliis Sensibus in subsidium vocatis, aut de eodem Sensu, alio modo applicato, ut & de



de aliis fundamentis Evidentiæ Moralis.

5. Cùm casus, in quibus pluribus Sen- 533.  
sibus uti possumus, aut plures, eandem  
rem spectantes, ideas acquirere unico Sen-  
su, frequentes admodùm sint, rariùs in  
dubio hærendum nobis est, circa ideas  
Sensibus acquisitas; & ad illa attendendo  
quæ, de singulis Sensibus, observavimus,  
error semper vitari potest.

6. Simplex tamen examen, adhibitis 534.  
licet omnibus Sensibus, sæpè admodùm  
imperfectam dat rei cognitionem; & ali-  
quando corpora omnino diversa, tali exa-  
mine, distingui non possunt. Ars in sub-  
sidium tunc vocari debet, applicatisque  
aliis corporibus, examen iterandum. Si  
autem, nullo modo, differentiam ullam  
detegere possimus, nostri respectu, cor-  
pora non differunt; & pro corporibus  
quæ in omnibus conveniunt, habentur.

7. Defectus cognitionis nos sæpè in 535.  
errorem inducere potest, si affirmemus  
aliquid præter illud, quod sub Sensu ca-  
dit, aut quod ex detectis deducitur. Vi-

su duas lineas inter se comparare possumus, si unam alteri, aut tertiam, quæ pro mensurâ habetur, utrique applicari liceat; sed si quis, hisce deficientibus, suscipiat, simplici observatione, comparationem harum linearum determinare, facillè errabit.

536. 8. Multa Sensus fugiunt: cavendum ne indè concludamus hæc non adesse; nisi hoc sequatur ex aliis, quæ Sensibus observantur.

537. Ex iis, quæ de Sensibus exposuimus, deducimus solutionem objectionis adversus cognitionem, quam, his ipsis, acquirimus. Ex erroribus, in quos, dum Sensibus utuntur, Homines cadunt, concludunt, omnem cognitionem, quam hac viâ acquirimus, esse imperfectam.

538. Qui ita ratiocinantur, falsam sibi ideam formant beneficii, à rerum Moderatore summo, concessi, quando Sensus Hominibus dedit.

Sensus per se nihil docent; & cum loquendi facultate, quodam modo, conferri

ferri possunt. Hac cogitata Homines exprimunt; sed, si quis obscurè loquatur, an hoc loquendi facultati imputare poterit? Deus dedit facultatem, Homo laborare debet, ut hujus usum, & artem hanc applicandi, discat. Eodem modo, Sensus omnino inutiles sunt, nisi quis horum usum noverit; si hunc ignoret, singulis momentis errabit, & hoc sibi imputare debebit. Quisque ab infantiâ loquitur, & Sensibus utitur; sed semper imperfectè loquetur, qui, ubi ad pro-  
vectiorem ætatem pervenit, loquendi arti animum non applicat; & sæpiùs, dum Sensibus utitur, ille errabit, qui horum usum non seriò examinavit. Error in hisce semper profluit ex defectu attentionis, aut ex ignorantia, quæ faciliè superari potuisset.

## CAPUT XV.

*De Evidentiæ Moralis Fundamento  
Secundo, Testimonio.*

539. **V**idimus Hominum Testimonio fidem habendam esse (421.). Sed quædam nunc indicandæ sunt cautelæ.

In Teste tria desiderari, attendenti statim patet.

I. Ut Testis non decipiatur.

II. Ut alios decipere nolit.

III. Ut clarè mentem exprimat; & ut hæc benè ab aliis capiatur.

540. I. Ut primum requisitum adsit, tria iterum necessaria sunt.

541. 1. Testimonium debet versari circa Objecta Testi nota; aliter facile ignorabit quomodò in horum examine procedendum sit, & quibus circumstantiis animus præcipuè applicari debeat. Si de visu agatur, rarò quis primâ vice Objecti novi accuratam acquirit ideam.

2. De-

2. Desideratur ulteriùs, ut Testis ani- 542.  
 mum seriò ad rem examinandam applica-  
 verit. Si enim rem viderit, ut tetigerit,  
 leviter tantùm attendendo, varia ipsum  
 fugissè timendum est.

3. Tandem, nisi animo tranquillo exa- 543.  
 men institutum sit, Testis in errore ver-  
 sari potest; ideò Odium, Amor, Spes,  
 Ira, & reliqui affectus, abesse debent:  
 ille quoque qui de re præjudicatas falsas  
 opiniones in Mente habet, vix unquam  
 ipsam percipit, ut reverà sese habet.

De his autem, & ex ipso Testimonio, 544.  
 & ex circumstantiis aliunde notis, judican-  
 dum est; & ubi dubium datur, Testi-  
 monium suspectum erit.

Memoratae verò conditiones in innume- 545.  
 ris occasionibus concurrunt, ubi agitur de  
 rebus ipsis Testibus quotidianis; & quæ  
 ad ipsos non peculiarem habent relatio-  
 nem, quæ affectum excitare potest.

II. Secundum requisitum est bona fi- 546.  
 des in Teste; ut nempe alios in errorem  
 inducere nolit. In multis occasionibus  
 fa-

## 172 I N T R O D U C T I O

fatis faciliè patet requisitum hoc adesse; cum tamen sæpiùs difficultas detur, ad sequentia attendere operæ pretium erit.

547. 1. Ex moribus, vitæ institutione, & circumstantiis, de intentione an quis decipere velit, judicandum est.

548. 2. Rarè Homines determinatâ voluntate alios decipiunt, quando non agitur de eo quod ipsorum interest. Sed quod suâ interesse putant admodum latè patet.

549. 3. Qui loquitur contra propriam utilitatem, non intentionem decipiendi habet.

550. 4. Si Jurejurando quis Testimonium suum confirmaverit, & agatur de Homine, cui Religio Sacramenti nota sit, & cujus mores non Hominem corruptum indicant, non decipiendi intentionem illum habere credendum est.

551. 5. Si plura Testimonia concurrant; & nulla ratio detur prævix conspirationis, aut si hæc possibilis non fuerit, decipiendi intentio non datur.

552. 6. Illius bona fides in dubium vocari non

non potest, qui quædam aliundè nota narrat, sed quæ ipse scire non potuit, nisi alia quæ refert vera sint. Non dubitamus de Veritate Itineris circa totam Africam, de quo loquitur Herodotus, lib. 4.; & quidè Veritatem hujus Itineris concludimus, ex iis ipsis quæ ab Herodoto, ut incredibilia, fuere rejecta.

7. Qui sæpiùs contra veritatem, ipsi 553: notam, locutus est, nullam fidem mere-  
tur.

8. Qui affectu ductus loquitur, aut 554: quæ ipsi utilia sunt refert, suspectus est.

9. Illi, quibus imperari potest ut Testes sint, non sunt audiendi, si juxta intentionem loquantur, aut ut commodis serviant illius, qui hanc habet auctoritatem.

III. Tertium generale Testimonio-555: rum requisitum esse, diximus (539), ut quis mentem clarè exprimat, & ut hæc benè intelligatur. Ad ultimum hoc requisitum non minori curâ, quàm ad alia, attendendum est; plura enim falsa  
dan-

dantur Testimonia ex defectu hujus;  
quàm ex reliquis causis.

556. Homines ad exactam verborum significationem plerumque non attendunt, sive ipsi loquantur, sive alios loquentes audiant; & ideò, alio sæpe sensu Testimonium intelligitur, quàm enuntiatum.

557. Sæpè etiam Homines de circumstantiis facti interrogati, si quædam non benè intelligant, credunt agi de iis quæ hoc momento in mente habent, si quantumvis exigua relatio detur; & affirmando respondent, ubi negare debuissent.

558. Homines quoque facilè sibi persuadent, illa quæ ipsis usitata & quotidiana sunt, aliis nota esse; quare circumstantias quasdam supprimunt, quas subintelligi credunt; & illa quæ efferunt, non conveniunt cum iis quæ in Mente habent.

559. Tales omnes, cùm bonâ fide agant, parati semper sunt Jurejurando Testimonia confirmare.

Ut



Ut autem suspicio de defectu tertii requisiti removeatur, ad sequentia attendendum erit.

1. Desideratur, non tantum ut quis, dum loquitur, utatur verbis quibus uti solet, sed etiam necesse est ut ille, cum quo loquitur, eodem sensu hæc intelligat. Quando agitur de terminis Artis, aut Opificii alicujus, error aliquando dari potest. Nautæ, in diversis Hollandiæ partibus, diversis vocibus, sæpè rem eandem, exprimunt; & dum idem dicunt, & quisque Belgicè loquitur, & verbis utitur, quibus adfuetus est, diversa tamen dicere videntur.

2. Si quis referat quod ab alio audit, inquirendum est, an nihil per inductionem, aut interpretationem, addat.

3. Si quis aliis verbis idem quod jam dixit repetat, de sensu verborum dubium dari non potest.

4. Hoc etiam removetur, si quis quæstionibus, non simpliciter negando, aut affirmando, sed rem explicando, respondeat;

deat; quod tamen necesse non est, si de singulis minimis circumstantiis quæstiones proponantur. Et *multa de ante actis, multa de infecutis, Testis interrogandus est.* Quintil.

564. Ad hæc præcipuè attendendum est, in Testimoniis, quæ Judici offerenda sunt, qui ipse tale examen iterare debet, & magnâ curâ, ne stilo Fori Testes circumveniantur, & bonâ fide agentes falsa tamen dent Testimonia. Vix credibile est quàm faciliè eò perducantur humilioris ordinis Homines, qui non tantùm rerum Forensium ignari sunt, sed ferè nullam ideam habent determinatæ significationis verborum, etiam maximè vulgare.

565. Ad Testimonia etiam Censuræ, & Monumenta publica, referuntur, quæ meritò, in Jure, potiora Testibus habentur.

566. Plura ex iis, quæ de Testimonio diximus, Historiæ Scriptoribus applicari possunt, ut determinemus, quæ certa, & quæ in dubio relinquenda sunt. Historiæ

riæ tamen præcipuè lumen affunditur, collatione illorum, quæ à variis Auctoribus traduntur; præcipuè talium qui separatim, per se ipsos, aut ex monumentis certis, rerum cognitionem habere potuere.

## CAPUT XVI.

*De Evidentiæ Moralis Fundamento  
tertio, Analogiâ.*

Ratiocinia, quæ Analogiam pro fundamento habent, nos ad veram rerum cognitionem ducere vidimus (492.). Circa hanc nunc observamus, ipsam admodum latè patere, & hoc simplici Principio niti.

*Rerum Universitatem Legibus generalibus & immutatis regi.*

Nisi hanc pro verâ habeamus Propositionem, nullam omnino Analogiam dari quis non videt? Hujus tamen firmitatem ex Dei voluntate deduximus. Mani-

M                      festum

festum idcirco est, hunc voluisse rerum materialium congeriem fixis adstringere legibus; & indubitatae erunt conclusiones, quas ex hoc Principio deducemus.

Proindè, duas sequentes Regulas admittimus.

570. *Similium Effectuum easdem esse Causas.*

Quæ Regula ita intelligenda est, ut omnes circumstantiæ, quæ ad Effectum determinandum pertinent, conveniant.

571. In Effectibus simplicibus nulla difficultas datur; omnes lapides ex eadem causâ cadere non dubitamus.

572. Sed, quando effectus est compositus; difficulter sæpè circumstantiæ omnes cognosci possunt; & in hoc casu, cautè procedendum. Vento flante, aër movetur; sed quis novit diversas in vento aëris agitationes? Temeraria ergò esset assertio, omnem ventum eidem causæ adscribendum esse.

Secunda Regula hæc est.

573. *Proprietates corporum, quas ita ipsis inherere percipimus, ut augmentum aut dimi-*

*diminutionem non admittant, Et quæ omnibus corporibus competunt, circa quæ examen, has proprietates spectans, inire conceditur, pro proprietatibus, quæ omnibus corporibus competunt, habendæ sunt.*

Augmentum & diminutio, de quibus 574<sup>a</sup> in hac Regulâ agitur, ad ipsas proprietates, non ad harum effectum, referri debet. Motus augetur & minuitur; sed est effectus mobilitatis, quæ ipsa augmentum & diminutionem non patitur; quare mobilitatem; quæ omnibus examinatis corporibus competit; omnibus corporibus generaliter tribuimus.

Hæc Regula etiam spectat proprietates 575<sup>a</sup> quæ in certis circumstantiis locum habent, & quas in similibus circumstantiis semper adesse affirmamus; quia hoc etiam ex generali Principio (568.) sequitur. Hac de causâ affirmamus, omnia corpora in Telluris viciniis gravia esse.

In hisce, & similibus casibus simplici- 576<sup>a</sup> bus, neque difficultas, neque erroris periculum, dari potest: sed ubi agitur de

re magis compositâ, plura consideranda sunt.

Ut concludamus ejusdem speciei plantas easdem habere virtutes, debemus etiam attendere ad solum in quo natæ sunt.

577. Ut plenam habeamus persuasione, cibum quem videmus non esse venenatum, non satis est illa novisse quæ apparent; sed & aliundè scire debemus, an non aliquid, quod non apparet, admixtum detur.

578. Separatim tria Principia Evidentiæ Moralis tractavimus; in examine rerum tamen non separantur. Sine illis quæ Sensibus deteguntur nulla dantur Testimonia, aut Ratiocinia ex Analogiâ deducta. Sine aliorum Testimonio, nemo, ex solis propriis observationibus, conclusionem ad omnia corpora referre poterit.

579. Sine Analogiâ, ideòque sine Testimonio (578.), nihil Sensibus cognoscere possumus; in Visione ex. gr. ponimus, lumen juxta constantes leges in oculis omnium hominum moveri; omnia corpora lu-

lumen juxta easdem leges reflectere: in omnibus Sensationibus ponimus; ex iisdem causis eisdem nervos exactissimè eodem modo agitari.

Demonstravimus Sensus, Testimonia, §80.

Analogiam, esse valida persuasionis fundamenta; vidimus quid in singulis desideretur, ut dubium nullum in Mente relinquant; si cuiquam circa demonstrata scrupulus supersit, quia in examine Sensuum, Analogiam posuimus, antequàm quæ ad hanc pertinent tradita essent, ille poterit nunc, explicatis iis quæ ad Analogiam pertinent, illa ad examem vocare, quæ in explicatione Sensuum ex Analogiâ fuere deducta; & facilè percipiet, in his nullum dubium dari.

Ubi agitur de rebus inter se connexis, §81. ad confusionem vitandam, separatim singula tractanda sunt; & sæpè ad ultimum locum quædam remitti debent, quæ ad illustrandas res, in initio exponendas, inserviunt.

M 3

C A.

## CAPUT XVII.

*De Probabilitate.*

§82. **V**idimus toto cœlo differre Evidentiam Mathematicam à Morali. Prima per se (457. 458.), secunda, ex Dei voluntate, (488. 491. 492.), id est, ex institutione, est Criterium Veri.

§83. Cùm autem utriusque fundamentum sit firmum, plena etiam est persuasio quæ Moralem Evidentiam sequitur; quæ ergò persuasio differt à Certitudine, quæ vulgò Moralis dicitur, & quæ magnâ tantùm Probabilitate nititur.

§84. Probabilitas media est inter ignorantiam & scientiam, cui nihil deficit; id est ex quâ persuasio sequitur absoluta.

§85. Locum Probabilitas non habet in Evidentiâ Mathematicâ. Ubi de hac agitur, scientia augetur novâs acquirendo ideas rerum quas immediatè percipimus (457.)

aut



tut conferendo inter se ideas quas jam habemus (460.).

Singularum autem idearum, quas acquirimus, cognitio integra est; non medium quid potest concipi inter ignorantiam, & indubitatam scientiam, ubi agitur de eo quod immediatè Menti præsens est (461.).

Hoc autem ad Evidentiam Moralem applicari non potest. Ubi agitur de acquirendâ rerum extranearum cognitione, plerumque plura concurrere debent; si, dum quædam adsunt, alia deficient, imperfecta est persuasio, de convenientiâ inter Ideam & rem ad quam refertur. Varii gradus ergò in hac persuasionem dari possunt; & de his determinandis nobis agendum est. Hos vocabimus Probabilitatis gradus.

Si in re illud detur, quod nos de ipsâ concipimus, hoc vocabimus *eventum*; quia, si rem in se consideremus, aliter se habere posset; & Probabilitas eodem mo-

do potest spectare eventus futuros, ut præsentēs & præteritos.

589. Omne quod probationi inservire potest, sed solum non probat, quendam efficit Probabilitatis gradum. Si quæram in quâ domo quis lateat, & urbem in quâ est detegam, aliquid habeo, quod ad cognitionem quæsitæ desideratur; sed hoc non sufficit. Si platea mihi indicetur, Probabilitas augetur, & si domum determinare suscipiam, minus nunc erit erroris periculum, quantumvis magnum hoc sit, quàm si in totâ urbe domum eligere tentassem.

590. Probabilitas, ut ex dictis patet, non res ipsas, sed cognitionem nostram spectat; & est quantitas quæ ab infimo gradu cognitionis, ad persuasionem indubitatam usque, augeri potest.

591. Hac de causâ, Certitudinem ipsam pro toto habemus, quod in partes divisibile concipimus; & in Probabilitate determinandâ, debemus assignare rationem quæ  
da-

datur inter totum hocce, & partem quæ illud, quod nobis notum est, exprimit.

Ponamus Hominem ex nave exire, in §92. quâ dantur Belgæ octoginta quatuor, cum Anglis duodecim, & Germanis quatuor. Ignoro cujas sit ille qui exivit; sed minus erit erroris Periculum, ideòque Probabilitas major, si Belgam illum esse affirmarim, quàm si ad aliam gentem ipsum retulerim.

Ille tamen non omni Probabilitate de- §93. stitutus esset, quamvis hæc exigua foret, qui Germanum diceret illum de quo agitur.

In primo casu, Probabilitas se haberet §94. ad Certitudinem, ut 21. ad 25. & in secundo, ut 1. ad 25. Ratio hujus determinationis in sequentibus patebit.

Verisimilitudo vocatur Probabilitas, §95. quæ dimidium Certitudinis superat. In usu vulgari Probabile hoc ipsum vocatur; quod ergò distingui debet ab eo, quod quandam Probabilitatem habet.

M § Dimi-

596. Dimidiata Certitudo format Dubium propriè dictum; & status æquilibrii potest vocari.
597. Gradus Verisimilitudinis crescunt, à Dubio usque ad Certitudinem.
598. Illud, cujus Probabilitas est minor dimidio Certitudinis, Incertum dicitur; & hîc quoque varios dari gradus, manifestum est.
599. Ad Probabilitatem pertinet demonstratio Possibilitatis. In omni enim re cognoscendâ, hoc ante omnia scire debemus, rem posse esse. Efficat ergò simplex Possibilitas initium Probabilitatis, id est, hujus gradum omnium minimum, & omni assignabili minorem. Ideò, quamvis strictè loquendo gradus hic differat ab Ignorantiâ plenâ, quæ & ipsam Possibilitatem incertam ponit, in praxi tamen, cum Ignorantiâ æquiparatur simplex Possibilitatis cognitio. Illa, ex. gr. quæ de Larvis & Sagis narrantur, non minùs inter fictitia referenda forent, quamvis quis harum Possibilitatem probaret.
- Pro:

Probabilitas aliquando deducitur ex 600.  
 ipsius rei consideratione, aliquando ex  
 Probabilitate argumenti quo assertio ni-  
 titur.

In utroque casu, eadem regulæ usu 601.  
 veniunt, ad Probabilitatem determinan-  
 dam, quæ vel simplex est, vel compo-  
 sita.

De simplici in hoc Capite agam; in se- 602.  
 quenti explicabo illa ad quæ attendere de-  
 bemus, ubi plures Probabilitates simul  
 considerandæ sunt.

Ad determinandam Probabilitatem, 603.  
 quæ ex naturâ rei deducitur, casus pos-  
 sibiles assignari debent, inter quos *eventus*  
 propositus, de cujus Probabilitate agitur,  
 necessariò habeatur; & hi casus, si com-  
 positi sint, ita dividi debent, ut omnes  
 æquali facilitate contingere possint. Et  
 Probabilitas se habebit ad Certitudinem,  
 ut numerus casuum, in quibus singulis  
*eventus* propositus locum habet, ad om-  
 nes casus possibiles.

Ex. gr. Quis quærit gradum Proba- 604.  
 bili-

bilitatis, ut primâ vice, duabus tessëris octo puncta jaciat. Casus possibiles duabus tessëris sunt, ut puncta habeantur 2, 3, 4, 5, 6, 7, 8, 9, 10, 11, aut 12. Sed hi casus undecim non æquè facilè obtineri possunt; sex modis septem puncta habentur, & unico modo senarii, aut monades.

605. Reductione factâ, detegimus, in jactu duarum tessërarum, dari casus, æquè facilè contingentes, triginta sex; nam singulis ex sex superficiebus unius tessëræ, respondere potest unaquæque ex sex superficiebus alterius.
606. Inter hos omnes jactus, quinque dantur octo punctorum; ergò ut 5. ad 36. ita Probabilitas quæsita ad Certitudinem (603.): & illa valet  $\frac{5}{36}$ . Certitudinis.
607. Quando unus ex duobus numeris deficit, qui rationem inter Probabilitatem & Certitudinem exprimunt, Probabilitas determinari non potest.
608. In detegendis his numeris, ad rerum Ideas

Ideas tantùm attendendo, sæpè magna datur difficultas, præcipuè in negotiis in vitâ communi occurrentibus. Aliâ methodo, in hisce occasionibus, Probabilitatem detegimus, examinando nempe ipsos eventus.

Ponamus urnam quæ contineat globulos nigros, & alios albos; quæritur Probabilitas, ut primus extractus niger sit.

Probabilitas hæc se habet ad Certitudinem, ut numerus globorum nigrorum in urnâ, ad numerum globorum omnium (603.). Sed hi numeri sunt ignoti.

Neglectâ autem horum consideratione, quæsitam proportionem detegimus, si antea sæpiùs globulus unus, aut plures, fuerint extracti, sive hi iterum in urnam fuerit injecti, sive non; nam numerus omnium extractorum se habet ad numerum nigrorum inter hos, ut Certitudo ad Probabilitatem quæsitam.

Error quidem exiguus dari potest; sed si numerus globorum qui extracti fuerunt  
pau-

paululò major sit, in praxi ad errorem minimè attendendum erit.

Mathematicâ enim demonstratione constat, auctò numero observationum, erroris periculum ita continuò minui; ut tandem ferè evanescat.

§12. Hæc Methodus adhiberi poterit in determinandâ Probabilitate, vitæ & mortis; & formatâ ex observationibus tabulâ, quæstiones plures utiles solvi poterunt.

§13. Si observationes casus magis peculiare spectent, ut morbum quendam determinatum, conclusio etiam magis determinata erit; & periculum vitæ in tali morbo assignari poterit.

§14. Periculum in navigationibus eodem modo etiam determinatur, ut pretium Assurationis limitetur.

§15. Si, ex mille navibus, quæ similem susceperunt navigationem, decem perierint, Assuratio valet centesimam partem valoris. Quod tamen pretium augendum, aut minuendum erit, pro constitutione ipsius



ipsius navis, si hæc constitutio nota sit; nam ponimus, observationes spectasse naves quascunque. Si observationes darentur de navibus similibus illi, de quâ agitur, magis accuratè pretium assignari posset; cui tamen lucrum quoddam superaddendum est, illius gratiâ qui Assècurationem in se suscipit; nam est species Mercaturæ ipsa Assècuration.

Methodus hæc determinandi Probabilitatem, per observationes, usu recepta est. Sed quia casus non exactè notantur, & Homines considerationem distinctam eventuum, qui ad ipsos non peculiarem relationem habent, plerumque negligunt, rudi quadam æstimatione Probabilitatem determinant: & illi prudentiores dicuntur, qui, dum ad omnia magis attendunt, in hisce æstimationibus, minus à veritate aberrant.

Ne autem mirum videatur, nos ad determinatam proportionem referre non tantùm illa, quæ à causâ regulari pendet, sed & contingentia quæcunque.

Ratio

Ratio hæc est: nulla datur irregularitas, nihil fortuitum est, si ad res ipsas attendamus; hæc ignorantiam nostram spectant. Irregulare id vocamus, cujus regularitatem, propter variarum causarum concursum, non percipimus. Fortuitum id dicimus, quod non videmus à causâ determinatâ pendere, quamvis reverâ à tali pendeat (90.).

618. Sæpè verò regularitas quæ, consideratis paucis effectibus, nos fugit, ubi plures ad examen vocantur, detegitur. (611.) Quot non sunt causæ à quibus Hominis vitæ terminus pendet? Regularis tamen, in majori numero, triginta, aut quadraginta millium, est morientium series. Neque hæc, si agatur de Homi- nibus, inter totius regionis incolas, ad libitum electis, superveniente mortalitate, turbatur; quod etiam si contingat, turbatio paucos tantum annos spectat; in reliquis series eadem est, ac si turbata non fuisset.
619. De Probabilitate ulterius observandum, sæpè detegi quandam dari quæ deter-

terminari non potest, quando videmus eventum necessàriò haberi inter alios, qui æquè facillè obtingere possunt, sed quorum numerus est ignotus.

Casu improvìso, mille incolæ alicujus 620. urbis periere; Probabilitas, Titium, qui in illa urbe vivit, inter ipsos esse, se habet ad Certitudinem, ut mille ad numerum ignotum incolarum illius urbis.

Si eventus de quo agitur inter alios de 621. tur, qui à nobis pro æquè facillè obtingentibus habentur, & horum numerus sit infinitus, nulla est Probabilitas.

Si autem hoc ipsum ignotum nobis 622. sit, utrùm numerus hicce sit infinitus, an non; ignoramus an detur Probabilitas quædam, nec ne.

Qui dicunt incolas in Planetarum superficiebus dari, hoc deducunt ex iis, quæ communia sunt Telluri & Planetis, & quæ Possibilitatem assertionis evincunt. Probabilitas autem, tales in Planetis dari incolas, se habet ad Certitudinem, ut usus hicce Planetarum; id est, ut unitas

N

ad

ad numerum usum, quibus Deus Planetas destinare potuit. Quis verò affirmabit, numerum hunc non esse infinitum?

624. Probabilitatem aliquando Argumenta, quibus res probantur, spectare diximus (600.). Hæc non aliter, quàm si de eventu ageretur, detegitur.

Examinandum, quoties, in certo numero casuum in quo Argumentum adhibetur, hoc non fallat; & numerus hic erit ad numerum casuum, ut Probabilitas Argumenti ab Certitudine.

625. Si centies Hominem quædam narrantem, ut ab ipso visa, audiverim, & novagies tantum verum dixerit, decies verò mentitus fuerit; ubi postea quid narrabit, Testimonii Probabilitas valebit  $\frac{9}{10}$ . & hæc Argumenti Probabilitas indicat Probabilitatem illius, quod hoc solo Argumento nititur.

626. Omnis Probabilitas à Certitudine distinguenda est; ut enim aliquando obtinere

gere videmus quod parùm Probabile est,  
 sic eventus admodùm Probabilis etiam  
 aliquando fallit.

Ita tamen augeri potest Probabilitas, 627:  
 ut pro Certitudine habeatur. Titius  
 quærit Mævium latentem; urbem petit  
 in quâ datur; certam domum ingreditur;  
 & directè accedit ad locum, ubi Mæv-  
 vium reperit. Dico, locum hunc Titio  
 notum fuissè; quis negabit? Maxima  
 tamen tantùm est Probabilitas; nam  
 contrarium quandam, quamvis mini-  
 mam, Probabilitatem habet, cujus ratio  
 ad Certitudinem illa est, quæ datur inter  
 unitatem & numerum omnium locorum,  
 in quibus latere potuit Mævius.

## CAPUT XVIII.

*De Probabilitate compositâ.*

Caput hoc negligi potest, ab iis qui in Arithmeticis non sunt satis versati.

628. **P**robabilitatem compositam vocamus, ubi plures simplices simul considerandæ sunt (602). Casus autem in quibus hoc contingit frequentiores sunt, & admodum diversi.

629. I. De duobus, aut pluribus eventibus, quorum singulorum Probabilitas datur, quæritur Probabilitas, ut in determinato casu, unus aut alter, aut si plures dentur, unus ex omnibus contingat.

630. Solvitur quæstio hæc additione omnium Probabilitatum datarum; & summa dat Probabilitatem quæsitam.

Sed & directè potest solvi, ut si de Probabilitate simplici ageretur.

631. In Exemplo in N. 592. proposito, si  
quis

quis quærat Probabilitatem, Belgam aut Germanum esse qui exivit, Summa Belgarum & Germanorum simul se habet ad numerum omnium in nave, id est, 88. ad 100. aut 22. ad 25., ut Probabilitas ad Certitudinem, (603.); quare illa valet  $\frac{22}{25}$ ., summam Probabilitatum separatarum  $\frac{21}{25}$ . &  $\frac{1}{25}$ . (594. 603.)

Duabus tessæris, octo quinque modis, & novem quatuor modis, haberi possunt; ergo Probabilitas, ut quis *octo* aut *novem* jaciat, est  $\frac{9}{36}$ . id est  $\frac{1}{4}$ . (603. 605. 606.).

II. Datis Probabilitatibus duorum e-632. ventuum, quæritur Probabilitas, ut unus aut alter in casibus distinctis contingat. Pro duabus Tessæris quæritur Probabilitas, ut quis primâ vice jaciat *octo*, aut secundâ vice *novem*.

Simile est exemplum, si Titius pro-633. mittat mille florenos solvendo, si post decem annos, Mævius aut Sempronius,

N 3 quorum

quorum ætates dantur, in vivis sit: Quæritur, quantum probabile sit, Titium dictam summam soluturum? Determinandum separatim, respectu Mævii & Sempronii, quanta sit Probabilitas vitæ, post decennium; & postea computatio ineunda est. Hujus Methodum, in solutione prioris exempli (632.), explicabo.

634. Probabilitas primi jactus est  $\frac{5}{36}$ . (606.)  
 secundi, est  $\frac{4}{36}$ . aut  $\frac{1}{9}$ . quod eodem modo detegitur (603.).

Probabilitas primi jactus à Certitudine, quæ in hoc casu unitate exprimitur, deficit  $\frac{31}{36}$ ; id est, talis est Probabilitas contrarii.

Probabilitas hæc  $\frac{5}{36}$ , primi jactus, augeri debet, & Probabilitas contrarii minui, quia conceditur jactus secundus. Hujus secundi jactus Probabilitas est  $\frac{1}{9}$ , quæ si integra primæ adderetur, nimium aucta hæc foret; nam secundus  
 jactus



jactus omnino negligitur, quando primâ vice octo puncta jaciuntur. Augmentum ergò non  $\frac{1}{9}$  totius Certitudinis valere debet, sed tantùm  $\frac{1}{9}$  Probabilitatis secundum jactum locum habiturum; quæ eadem est cum Probabilitate contrarii in primo jactu, & valet  $\frac{31}{36}$ : hujus pars non valet  $\frac{31}{324}$ , quæ si addatur  $\frac{5}{30}$ , dat  $\frac{19}{81}$ .

Quem eundem numerum sequenti regulâ, quæ in similibus occasionibus semper adhibenda est, & ad duos casus non restringitur, faciliùs detegere possumus.

Complementum Probabilitatis vocamus defectum Probabilitatis ab unitate, quæ Certitudinem exprimit.

Regula. *Multiplicatis complementis omnium Probabilitatum, sive duæ, sive plures, dentur, complementum Producti dat Probabilitatem quæsitam.*

In exemplo N. 633. ponamus Mævium natum esse annos 28. & Sempronium annos 47. Probabilitas, primum post de-

N 4

cen-

cennium superfuturum, est  $\frac{17}{20}$ , secundæ vitæ Probabilitas, pro decem annis, est  $\frac{7}{9}$ ; complementa sunt  $\frac{3}{20}$  &  $\frac{2}{9}$ ; productum valet  $\frac{1}{30}$ , cujus complementum,  $\frac{29}{30}$ , exprimit Probabilitatem quæsitam; ergò 29. ad 30. ut Probabilitas, summam debere à Titio solvi, ad Certitudinem; & hic plus promisit, quàm si, sine ullâ conditione, se, ad solvendos, post decem annos, nongentos & sexaginta florenos, obstrinxisset.

638. Computatio eâdem Methodo ineunda foret, si ambo ejusdem ætatis essent, aut si, in jactu Tesserarum, quis fusciperet, primâ aut secundâ vice, octo puncta habere, ad Probabilitates æquales inter se Regula applicanda foret.

639. Cavendum autem in hisce, ne Probabilitates inæquales pro æqualibus habeamus; quod contingere potest, ubi conjunctione duarum Probabilitatum una mutatur.

Pona-

Ponamus in Exemplo in N. 592. me-640. morato, exeuntibus ex nave duobus Homi-  
nibus, Probabilitatem quæri unum aut  
alterum esse Belgam. Probabilitas, respec-  
ctu primi est  $\frac{84}{100}$  (603.) id est  $\frac{21}{25}$ . Res-  
pectu secundi non est eadem; nam quan-  
do hic exit, tantum supersunt in nave  
99., & nisi inter hos Belgæ omnes den-  
tur, ad secundum exeuntem non attendi-  
mus; ergò, Probabilitas est  $\frac{84}{99}$  (603.).  
Cum hisce ergò Probabilitatibus  $\frac{21}{25}$  &  $\frac{84}{99}$   
computatio juxtà Regulam datam (636.)  
ineunda est.

III. Variæ quæstiones, ab ultimis 641.  
explicatis diversæ, ad has tamen referri  
possunt, ita ut ad illarum solutionem ni-  
hil novi desideretur, præter mutata  
expositionem.

De Mævio & Sempronio, in N. 633. 642.  
& 637. memoratis, quæritur quantum  
Probabile sit ambos intra decennium mo-  
rituros. Quæstio hæc cum ipsâ de quâ

N 5 egi.

egimus coincidit ; & quæſita Probabilitas valet Probabilitatem contrarii illius, quod in N. 637. quæritur, & eſt defectus Probabilitatis, ibi quæſitæ, à Certitudine.

643. Eodem modo, ſi quæſatur Probabilitas de ambobus, Mævio & Sempronio, ſuperſtitibus poſt decem annos. Probabilitas hæc eadem eſt cum Probabilitate contrarii, aut defectu à Certitudine, reſpectu hujus quæſtionis ; unum aut alterum intra dictum tempus moriturum, quæ pertinet ad ſuperiùs explicatas ( 632. & ſeq ).

644. Sed ſimiles quæſtiones directè ſolvere magis commodum eſt, & pertinent ad illas de quibus infra nobis agendum erit. ( 651. & ſeqq. ).

645. IV. Conjunctione variorum argumentorum Probabilium Probabilitas augetur ; non tamen ſimplici additione argumentorum Probabilitates jungendæ ſunt.

646. Argumentum proponitur, cujus Probabi-

babilitas est  $\frac{3}{4}$ ; ergò, quod incertum  
 superest tantum valet  $\frac{1}{4}$ , & hoc ipsum  
 imminutum habebimus, si secundum  
 addatur argumentum probabile; non  
 autem hoc illud totum remove potest  
 quod incertum superest: hunc effectum  
 præstaret plena probatio. Si secundi  
 argumenti Probabilitas valeat  $\frac{2}{3}$ , tollit  
 hoc duas tertias partes incertitudinis, id  
 est, duas tertias partes quartæ partis, id  
 est,  $\frac{1}{6}$  totius; hæc si addatur Proba-  
 bilitati primi argumenti, habemus Proba-  
 bilitatem quæsitam  $\frac{11}{12}$ .

Ratiocinium hoc coincidit cum co<sup>647</sup>.  
 quod habetur in N. 634. Et regula  
 (636.), quæ in casu, ibi exposito, usu  
 venit; & hîc etiam applicari potest,  
 quando duo, aut plura, argumenta pro-  
 babilia concurrunt.

Ut autem regula hæc applicetur, exa-<sup>648</sup>.  
 minandum, an non Probabilitas, unius  
 argu-

argumenti, concursu alius mutetur; quod contingit quando circumstantiis concurrentibus, simul consideratis, applicari potest regula N. 603.

649. In turbâ, homo gladio est confossus; constat sex tantum homines gladios habuisse strictos, & inter hos fuisse Cajum; Probabilitas hunc homicidii esse autorem valet  $\frac{1}{6}$  (603.)

Etiam constat, illum qui facinus perpetravit nigros habuisse capillos, & in turbâ decem fuere quibus hoc indicium applicari potest; & iterum inter hos Cajus. Nova ergo Probabilitas datur, quæ  $\frac{1}{10}$  valet, & cum primâ concurrat. Probabilitates junctæ valent  $\frac{1}{4}$ . (647. 635.).

650. Bene determinata est Probabilitas, Cajum hominem occidisse; si, præter illa quæ posuimus, nihil omnino notum sit. Crescente autem cognitione, Probabilitas mutatur, augetur, aut minuitur. Si am-

ambæ circumstantiæ indicatæ jungi possent, & determinari, quot sunt homines in quibus concurrant, hi soli considerandi forent; si omnes primùm memorati capillos haberent nigros, Probabilitas non  $\frac{1}{4}$  sed  $\frac{1}{6}$  valeret; & secundum indicium inutile esset; sed si in Cajo solo ambæ circumstantiæ concurrant; non ampliùs de Probabilitate determinandâ agitur, sed integra est persuasio.

V. Huc usque Probabilitates exami-651.  
navimus, concursu aliarum auctas; de harum diminutione nunc nobis agendum est. Contingit hoc quando Probabilitatis fundamentum est Probabile; ipsa enim Probabilitas minuitur, pro ratione Probabilitatis fundamenti.

Si Probabilitas *eventûs* sit  $\frac{1}{2}$ , sed Pro-652.  
babilitas detur  $\frac{1}{3}$ , Probabilitatem primam locum habere posse, eventûs Probabilitas valebit tertiam partem dimidii, id est,  $\frac{1}{6}$  Certitudinis; & *detegitur multiplicatione Probabilitatum datarum.*

Hæc

653. Hæc regula locum habet quoties eventus probabilis ab alio eventu Probabili pendet, five duo, five plures, dentur.

654. Sempronius sese junxit novem aliis, eâ mente ut navem conscenderent; sed septem tantum hanc intrarunt.

Navis, ubi portum reliquit, continebat homines ducentos, ex his postea centum & quinquaginta, cum ducentis & quinquaginta aliis, in pugnam missi sunt, quadringenti hi, exceptis triginta, omnes periere; quæritur Probabilitas Sempronium inter occisos dari.

1. Probabilitas, hunc in nave fuisse, est  $\frac{7}{10}$ . 2. Si fuerit, ipsum pugnasse, Probabilitas est  $\frac{3}{4}$ . 3. Si pugnaverit, Probabilitas illum periisse, est  $\frac{37}{40}$  (603.).

Productum harum trium Probabilitatum dat Probabilitatem quæsitam (652.

653.), & est  $\frac{777}{1600}$  proximè  $\frac{17}{35}$ .

655. Ejusdem naturæ, in assècurationibus, est quæstio, quæ varias spectat ejusdem navis itinera diversa.

Na-



Navis quendam petit portum, ab hoc 656. primo ad secundum tendere debet, & tandem domum redire, datis probabilitatibus pro singulis navigationibus (615.), quaeritur Probabilitas de reditu navis; patet tantum multiplicandas esse tres Probabilitates trium Navigationum, separatim consideratarum (652. 653.).

Eâdem methodo etiam determinatur 657. concursus eventuum, eodem tempore contingentium.

In exemplo in N. 633. & 637. memo- 658. rato, quatuor quaestiones, pro diverso concursu circumstantiarum, proponi possunt.

1. Mævium & Sempronium ambos, post decennium, in vivis fore.
2. Mævium solum superfuturum.
3. Quod idem de Sempronio quaeri potest.
4. Tandem ambos, intra dictum tempus, morituros.

Inter viginti homines ætatis Mævii, tres intra decem annos moriuntur, & septem-

decim superflunt; ergò, Probabilitas vitæ, post hoc tempus, est  $\frac{17}{20}$ , mortis Probabilitas  $\frac{3}{20}$ . (603.)

Eodem modo detegitur Probabilitas vitæ Sempronii, post dictum tempus  $\frac{7}{9}$ , & mortis  $\frac{2}{9}$  (637. 603.).

Responsum ad primam quæstionem habetur, conjunctis multiplicatione Probabilitatibus vitæ utriusque,  $\frac{17}{20}$  per  $\frac{7}{9}$ ; & quæsitæ Probabilitas est  $\frac{119}{180}$ , quam proximè  $\frac{2}{3}$ , (652.).

Responsum ad secundam quæstionem habetur, multiplicando Probabilitatem vitæ Mævii per probabilitatem mortis Sempronii  $\frac{17}{20}$  per  $\frac{2}{9}$ ; & est  $\frac{17}{90}$ , proximè  $\frac{3}{10}$ . (652.)

Eodem modo  $\frac{7}{9}$  per  $\frac{3}{20}$  satis facit tertiæ quæstioni, & est  $\frac{7}{60}$ , proximè  $\frac{2}{17}$ . (652.)

Tandem, utriusque Probabilitates mortis multiplicandæ sunt, si agatur de quar-

quartâ quæstione,  $\frac{3}{20}$  per  $\frac{2}{9}$ , & valet  $\frac{1}{30}$ . (652.)

Omni Propositioni compositæ, quæ 659. ex aliis separatim probabilibus constat, eadem hæc regula (652.) applicari debet.

Hac eâdem quoque argumenti probabilitas determinatur, quod ex alio argumento probabili deducitur; ut, si Mævius referat se à Sempronio audivissè, & utriusque fides suspecta sit.

Probabilitates tali concursu admodum 661. minui manifestum est; duæ, quæ singulæ valent  $\frac{7}{10}$ , junctæ ne quidem dubium formant (652. 596 ).

## C A P U T XIX.

### *De Objectionibus & Probabilitatibus oppositis.*

**N**on satis est, ubi agitur de rerum acquirendâ cognitione, illa perpende-

dere, quæ nobis verum aliquid esse, indicare videntur; sed & illud examinandum est, quod in contrarium proferri potest.

663. Si Mathematicam consideremus Evidentiam, verissimum est, huic nihil opposi posse; & ubi agitur de simplici & immediatâ perceptione, error nunquam datur (458.)

664. In casibus magis compositis, in quibus plura judicia dantur, error etiam nunquam datur, quando unico intuitu, judicia omnia percipimus, & nexum videmus, inter simplex quoddam principium, & Propositionem de quâ agitur (460.)

665. Error datur, quando Evidentia negligitur (471.); quod, propter minùs perfectam humanam intelligentiam, in casibus magis compositis, contingere potest, (472. 474.); & tunc pro evidenti habetur, quod non est evidens; in quo casu Objectionibus occasio datur.

666. Si ergo, ubi Propositio mihi evidenter demonstrata apparet, argumenta in  
con-

contrarium, quæ mihi etiam evidentia videntur, proponantur, in dubio mihi hærendum erit; error certè datur, sed determinare non possum ad quam partem.

Quando ex Propositione evidenter de-667, ducitur consequentia, quæ manifestè absurda est, habemus argumentum indubitatum Propositionem esse falsam. Sed, si ipsa hæc Propositio habeat fundamentum, quod nobis quoque evidenter verum apparet, versamur in casu jam examinato (666.), & dubitandum nobis est; quare æqualiter culpandi sunt qui dicunt; *Hoc evidenter demonstratur; idè non attendo ad consequentias: & alii, qui hoc opponunt; Propositio ducit ad absurdum, falsa ergò est; Et argumenta quibus probatur non considero.*

Usu receptum est, ubi agitur de argu-668, mentis, oppositis, quæ solvi non possunt, unumquemque pro verâ habere sententiam, cujus demonstratio ipsi prima proposita fuit; sed quis non videt, rectæ

rationi nihil magis contrarium excogitari posse?

669. Canon datur vulgò receptus, *ad Objectiones non esse attendendum, quando evidenter Propositio demonstratur.*

670. Sed Canon hic explicatione indiget; falsus enim erit (666.), si per Objectionem intelligamus evidens argumentum, quo contraria Propositio probatur; hoc sensu, contraria regula vera est; *Plenam non posse dari Persuasionem, nisi omnes Objectiones solvantur.*

671. Objectiones verò, in hoc casu, distinguere debemus à difficultatibus, quæ, salvâ Propositione, subsistere possunt, aut quæ, in hac obscuri aliquid dari, evincunt; tales possumus negligere, & ad has indicatum Canonem (669.) esse referendum, manifestum est.

672. Ex Paralaxi annuâ, nondum satis distinctè observatâ, Objectionem adversus motum Telluris circa Solem deducunt. Sed vis argumenti pendet à distantia stellarum fixarum, quæ ignota est; si hanc satis

magnam ponamus, cadit omnis difficultas; & concedere possumus quæ de Paralaxi annuâ dicuntur, manente Telluris motu.

Plurima obijciuntur iis, quæ à Mathematicis de Infinito demonstrantur; sed tantum probant, nos quæ ad Infinitum pertinent non clarè concipere; sed minimè illa ipsa quæ demonstrantur debilitant.

Objectio enim, quæ ignorantiam pro fundamento habet, nullius momenti est, adversus illa quæ evidenter probantur.

Hæc omnia, quamvis directè respiciant Evidentiam Mathematicam, Evidentiæ Morali quoque applicari possunt; circa quam præterea observamus, *Certitudinem Probabilitate oppositâ nunquam infirmari* (671.); quia hæc non excludit Certitudinem contrarii.

Sed ubi Certitudo deficit, quamvis magna sit Probabilitas, minuitur hæc Probabilitate contrariâ; quia falsum esse potest quod magnâ nititur Probabilitate,

& verum quod minori fulcitur (626.)

677. Duo homines mihi de re peculiari talia narrant, quæ simul vera esse non possunt; si ambo Testimonia sint omni exceptione majora, in dubio mihi hærendum erit (666.); & tantùm concludam, unum aut alterum verum esse.

678. Si unus fide dignus sit, alter suspectus, non attendo ad hujus ultimi Testimonium (675.).

679. Quando uterque æqualiter suspectus est, unius Testimonium alterius destruit; si tamen utrumque Testimonium verisimile sit, quia Testes parum tantùm sunt suspecti, verisimile erit, unum aut alterum vera dicere.

680. Si in contrarias partes dentur argumenta Probabilia, sed quorum Probabilitates inæquales sint, ex his datis determinari poterit, quantùm Probabilitas ad unam partem oppositam Probabilitatem superet.

681. Cavendum autem ne, Probabilitatem contrariam deducamus ex re, quæ cum illa



illâ de quâ agimus, nullam relationem habet; *ex fonte enim convenienti argumenta haurienda sunt.*

In determinandâ Probabilitate eventûs 682. contingentis, non debemus attendere ad illud quod, in uno aut altero casu præterito, contigit; non enim majorem duo eventus proximè sequentes, quorum unus ab alio non pendet, relationem habent, quàm alii quicunque.

Probabilitas jactûs tesserarum non mutatur ex noto jactu præcedenti; quot tamen non sunt homines qui ad talia attendunt, & dicunt: *hoc contigit; ergò, hoc nunc non obtinget.*

Alii contrâ, quia negotium, quamvis 684. magna fuerit probabilitas, optatum successum non habuit, similem fortunam non ampliùs tentare audent; hi dicunt: *hoc contigit; ergò, iterum obtinget.*

Quæ non homines de Fortunâ, Felicitate & Infelicitate, sibi fingunt, in iis casibus, in quibus prudentia postulat, ut ad solam Probabilitatem attendant!

686. Eventuum, exiguam Probabilitatem habentium, relationes cum Hominum desideriis exprimunt, & nihil præterea, verba hæc Felicitas & Infelicitas.
687. Generali nunc conclusione finem imponam iis quæ de Evidentiâ Mathematicâ & Morali, ut & de Probabilitate, explicare utile credidi.
688. Talis est Hominum conditio, ex Intelligentiâ arctis limitibus circumscriptâ profluens, errorem omnem vitari non posse. Regulas quidem sequendas, ut hunc effugiant, detegunt; sed in omnibus has sequi, vires superat humanas.
689. A gradu cognitionis, in diversis Hominibus adeò diverso, pendent singulorum opiniones; non mirum ergò si tanta sit harum diversitas, & si in eodem homine frequentes admodum sint Sententiarum mutationes.
690. Res mihi indubitata apparet, nova mihi opponitur Objectio, quam solvere non possum; dubitandum mihi nunc est.
- (670.)

(670.) Solutionem detego, dubium evanescit; & secunda, in persuasione de veritate Propositionis, datur mutatio. Tales autem, in rebus majoris momenti, minùs frequentes sunt in iis, qui ferò, ad extendendas cognitiones, quas de his rebus habent, animum applicarunt.

In Judicio de Probabilitate, frequentiores mutationes facilè dari posse, res ipsa demonstrat. Probabilitas relativa est ad imperfectam, quam habemus, rei cognitionem; & cum hac singulis momentis mutari potest (590.). Hac de causâ idem argumentum, quod uni homini vix ullam continere Probabilitatem videtur, ex mente aliùs, cui plura de re ipsâ aliunde nota sunt, omne remouet dubium (627.).

Hoc præcipuè locum habet in negotiis, quotidie in usu vitæ occurrentibus. In his Probabilitas, pro singulis hominibus, ferè diversa est: pendet plerumque à Mentis applicatione ad circumstantias minimas, quæ singulæ vix aliquid probant;

bant; sed conjunctæ (645.) Probabilitatem magnam, aliquando maximam (627.) efficiunt.

693. De iis quæ quis in Mente habet, judicamus, ex tempore; & loco, in quibus quædam peregit, ex habitu & motu corporis, ex voce, ex facie & mutationibus quas in hac observamus, ut & innumeris aliis, quæ pleraque talia sunt, ut cum alio communicari non possint; neque ad determinatam mensuram revocari. Quare, in hisce circumstantiis, de Probabilitate, ex observationibus omnibus profluente, soli judicare possumus; & judicium hoc ad nos solos spectat.

694. Ars in hisce datur, quæ pendet à conjunctione circumstantiarum, ad eundem scòpum concurrentium; & quamvis Ars hæc vix ad regulas reduci possit, pauca tamen in sequentibus de hac ipsa dicenda erunt.

## CAPUT XX.

*De Judicio composito, seu Ratiocinio.*

**C**ollatione duarum idearum efficitur 695;  
Judicium (400.). Attributum de  
Subjecto affirmatur, aut negatur, (405.);  
id est, conjunguntur, aut separantur,  
ideæ Subjecti & Attributi.

Nulla difficultas datur, quando im- 696.  
mediatè ideæ istæ conferri possunt; sed  
sæpè talis non conceditur collatio: tunc  
Media Idea in subsidium vocanda est; &  
quæ, hujus ope, fit idearum compara-  
tio, vocatur *Ratiocinium*.

Idea Media, quæ etiam *Medium* voca- 697;  
tur, separatim confertur cum Subjecto  
& Attributo; quod fit in duabus Propo-  
sitionibus distinctis, quæ cum ipsâ Propo-  
sitione probandâ *Argumentum* efficiunt.

Hæc ultima vocatur *Conclusio*. 698.

Hujus Attributum dicitur *Terminus* 699,  
*Major*; & Propositio, in quâ cum Me-  
dio

dio confertur, ipsius Argumenti *Majorem* Propositionem format.

700. Subjectum Conclusionis est *Terminus Minor*; & Argumenti *Minor* dicitur Propositio in quâ, cum Ideâ Mediâ, Terminus hic jungitur.
701. Major & Minor Argumenti dicuntur hujus *Premissæ*.
702. Ratiocinium est simplex, & unico simplici Argumento absolvitur, quando unica tantum adhibetur Idea Media.
703. Si plura requirantur Media ad demonstrandam Idearum propositarum relationem, Ratiocinium desideratur compositum, & plura Ratiocinia simplicia jungenda erunt; ut videbimus (726. & seq.), explicatis primùm iis, quæ ad simplex Ratiocinium pertinent.
704. Si probare suscipiam, *Tellurem esse sphericam*. Idea figuræ sphericæ & idea Telluris immediatè conferri non possunt, sed hoc fit auxilio Ideæ Mediæ, umbræ nempe Telluris, quæ est umbra corporis sphericæ; & factâ collatione Ratiocini-

tiocinium exprimitur hoc Argumento.

*Corpus cujus umbra, in planum dire-* 705.  
*ctè projecta, qualiscunque sit situs corporis,*  
*rotunda est, sphaericum est.*

*Telluris umbram talem esse, in Eclipsi*  
*Lunari videmus.*

*Ergò, Tellus est corpus sphaericum.*

Non semper hæ omnes propositiones 706.  
exprimuntur; sed quæ supprimitur facilè  
suppleri potest.

*Mens cogitat.*

707.

*Ergò, est incorporea.*

Suppleri debet hæc propositio,

*Illud quod cogitat, non est corporeum.*

Ut Conclusio validæ sit, desideratur 708.  
primùm, ut Præmissæ, quæ conficiunt  
*Materiam* Argumenti, veræ sint; dein-  
dè, ut Conclusio ex his benè deducta  
sit; id est, ut comparatio Ideæ Mediæ,  
cum Terminis Conclusionis, horum re-  
lationem demonstret; quod ad *Formam*  
Argumenti spectat.

De Formâ solâ nunc agam; & dicam, 709.  
quid requiratur, ne in hanc peccemus.

Plu-

Plura de his requisitis apud Dialecticos reperimus, quæ, quamvis usu non destituantur, non tamen ad benè ratiocinandum necessaria sunt.

710. Hac de causâ brevius rem explicare tentabo, cùm persuasum habeam, pauca sufficere, ut facilius, quàm auxilio regularum vulgarium, de veritate Ratiocinii Judicium detur.
711. Cùm tamen Ars Argumentandi, in se considerata, pulcherrima sit, & usum habeat præcipuè in aliis de fallaciâ Ratiocinii convincendis, hanc ipsam postea, in Appendice, breviter exponam.
712. Ut de Argumento judicemus, ante omnia desideratur, ut rem de quâ agitur intelligamus; deindè ad sequentia attendendum erit.
713. I. In omni Ratiocinio, très tantùm dantur Termini; Subjectum & Attributum Conclusionis; qui Termini cum tertio (Medio nempe) in Præmissis junguntur. *Ratiocinium ergò erroneum est si quatuor Terminos contineat.*

II. Ne



II. Ne quatuor dentur Termini, *Me-* 714  
*dium ad minimum semel universaliter su-*  
*mi debet*; si enim in utraque collatione  
 particulariter sumatur, de diversâ ideâ agi  
 poterit; & Idea Media tunc non datur.

Si dicam, *Homo vivit, Canis vivit*, de  
 eâdem vitâ, non agitur.

Si verò dicam, *Homo vivit, Lapis*  
*non vivit*: cùm in ultimo casu omnis vi-  
 ta excludatur, etiam de eâ agitur quæ in  
 primâ propositione memoratur.

III. Propositio quæ Medium conti- 715  
 net, universaliter sumtum, semper hujus  
 ipsius dat expressionem alteram; ponendo  
 nempe, pro ipso Medio, *aliquid*, aut *ali-*  
*quid determinatum*; universalis enim Me-  
 dii expressio has ipsas continet, quæ par-  
 ticulares sunt, & ad idem subiectum re-  
 feruntur. In exemplo præcedenti, *La-*  
*pis non vivit*, pro vivente possum pone-  
 re *aliquid determinatum quod non est la-*  
*pis*. Si lapis esset Terminus medius,  
 quia universaliter sumitur, pro lapide,  
 possem ponere *aliquid determinatum quod*  
*non vivit*.

IV.

716. IV. Ut nunc, dato argumento, determinemus, an sit in debitâ Formâ (708.); examinandum primùm, an non dentur quatuor Termini (713.); id est, an Terminus Major & Minor, eodem sensu sumantur in Præmissis ac in Conclusionem, & an de eodem Medio agatur in utraque Præmissâ.

717. Si in hisce nullus defectus detur, mutanda est Medii expressio in illa Præmissarum, in qua universaliter sumitur; & hæc expressio, pro ipso Medio, substitui debet in alia ex Præmissis; quæ, hac substitutione, si Conclusio benè procedat, in hanc ipsam mutatur, aut in aliam Propositionem, quæ eundem cum hac sensum habet.

Si in utraque Præmissarum Medium universaliter sumatur, non interest cui ex his Regulæ applicatio fiat.

718. Facile enim patet, hac Methodo comparisonem exprimi, quæ inter Subiectum & Attributum, auxilio Ideæ Mediæ, deditur; quare, si non in Conclusionem inci-

incidamus, manifestum est, hanc non  
benè fuisse deductam, etsi fortè vera  
sit.

EXEMPLUM I. *Si Chineses sunt Mobam-719:  
medani, sunt Infideles.*

*Sed sunt Infideles.*

*Ergò, sunt Mobammedani.*

Quatuor sunt Termini; non enim in Ma-  
jori & Minori de iisdem Infidelibus agi-  
tur (713. 714).

EXEMPLUM II. *Quod emi, hoc comedi. 720:  
Carnem crudam emi.*

*Ergò, carnem crudam comedi.*

Argumentum habet quatuor Terminos;  
aut Propositio prima falsa est; suppleri  
enim debet *post præparationem*, quo sci-  
tu in Conclusionem vox hæc *comedi* non  
sumitur.

EXEMPLUM III. *Nullum turpe est expe-721:  
tendum.*

*Aliquod Lucrum est turpe.*

*Ergò, aliquod Lucrum non est expeten-  
dum.*

P

In

In Majori videmus pro *turpe* posse poni *aliquid non expetendum*. (715.) Factâ substitutione in Minori (717.) habemus, *Aliquod Lucrum est aliquid non expetendum*; id est, ipsam habemus Conclusionem.

722. EXEMPLUM IV. *Corpus est impenetrabile.*

*Quoddam Extensum non est impenetrabile.*

*Ergò, quoddam Extensum non est Corpus.*

Minor demonstrat, pro *impenetrabili*, poni posse, *Illud quod non est determinatum quoddam extensum* (715); & factâ substitutione in Majori (717.), habemus, *Corpus non est determinatum quoddam extensum*; quæ Propositio cum Argumenti Conclusionem sensu coincidit.

723. EXEMPLUM V. *Turcæ non sunt Christiani.*

*Hispani non sunt Turcæ.*

*Ergò, Hispani non sunt Christiani.*

In

In Majori video, pro *Turcis* scribi posse, aliquos qui non sunt *Christiani*; factâ substitutione, in Minori habeo, *Hispanos non esse aliquos qui non sunt Christiani*. Et Conclusio Argumenti non procedit.

Dantur alia Argumenta in quibus, 724: non in distinctis Propositionibus, Medium cum Terminis Conclusionis confertur; sed Propositio quam Majorem vocant, præter Medium, integram continet Conclusionem. Ut in hisce determinemus, an Conclusio bene deducta sit, debemus, in Minore, pro Medio substituere illud, quod Major nos de Medio docet; si tunc incidamus in ipsam Conclusionem, aut in Propositionem, quæ eundem cum Conclusionem sensum habet, valida hæc est, aliter non.

EXEMPLUM VI. Si *Deus non est*, casu 725: omnia reguntur.

Sed non casu omnia reguntur.

Ergo, Falsum est, Deum non esse.

## 228 INTRODUCTION

In Majori patet, verba hæc, *non casu omnia reguntur*, coincidere cum his *non Deum non esse*. Factâ substitutione, in Minori habemus ipsam Conclusionem.

726. EXEMPLUM VII. *Aut Sol stat, aut Terra.*

*Sed Sol stat.*

*Ergò, Terra movetur.*

In Majori ponimus, *Motum Terræ à Quietē solis non posse separari*, & unum pro altero posse poni. Factâ substitutione, in Minori patet, Conclusionem benè esse deductam.

727. Ratiocinium compositum esse diximus (703), ubi plures Idæ Mediæ requiruntur, ut fiat Terminorum Conclusionis comparatio.

Sint A & D, Idæ conferendæ, quod immediatè fieri non potest; sed A potest conferri cum B, & hæc cum C, cujus ipsius relatio datur cum D; tunc A confertur cum D, mediantibus

bus B, & C: quod potest fieri, aut continuato Ratiocinio, aut separatis Argumentis.

EXEMPLUM VIII. *Causa omnium prima* 728.

*non ipsa habet causam*

*Quod non habet causam, in se habet quæ ad existentiam requiruntur.*

*Quod in se habet quæ ad existentiam requiruntur, non potest non esse.*

*Ergò, Causa prima existit; quia non potest non esse.*

Ratiocinium hoc facilè in Argumenta 729. simplicia resolvitur; quæ singula, per regulas antè traditas (716. 717.) examinari poterunt.

*Quod non habet causam, in se habet* 730.  
*quæ ad existentiam desiderantur.*

*Causa prima non habet causam.*

*Ergò, Causa prima in se habet &c.*

Conclusio hæc pro Minori habetur secundi Argumenti, cujus Major est sequens Propositio Ratiocinii continui.

230    I N T R O D U C T I O

Et eodem modo, alia Argumenta formarentur, si major esset numerus Idearum intermediarum.





LIBER II.

LOGICA.

Pars II. De Causis Errorum.

CAPUT XXI.

*De Causis Errorum in genere.*



Mnem Errorem à limitatâ 731.  
Intelligentiâ arceri non pos-  
se vidimus (688.). Si au-  
tem Hominum constitutio-  
nem examinemus, præter  
hanc generalem, innumeras ferè Erroris  
causas peculiare dari, pro diversis Ho-  
minum inclinationibus, pro diversis cir-  
cumstantiis, diversas, detegimus. Uni-

ca Veritatis via est; mille ad Errorem aditus patent.

732. De causis errorum quædam præmittere, antequàm ipsam Methodum dirigendorum Ratiociniorum, in inquisitione Veri, explicare suscipiamus, nobis necessarium apparet. Utile est illi, qui ad certum scopum tendit, de periculis, quæ in itinere vitanda sunt, moneri.
733. Quid sit Error jam explicavimus, (448. 472. 474. 475.). Sensu abstractiori & Philosophico erramus, quoties assensum damus, ubi clara Perceptio deficit, aut ubi de re affirmamus aliquid, de quo nobis non satis clarè constitit, hoc in ipsâ re dari.
734. Si quis in hisce casibus fortè Verum attingat, hoc sibi imputare non debet; intravit ille Erroris viam: si attendat, facilè percipiet, se incertum pro certo habuisse, quamvis incertum verum esse possit.
735. Omnes Errorum causas recensere possibile non esse nemo negabit; illas, quæ  
mihi

mihi præcipuæ visæ sunt breviter & ordine recensere conabor.

Quæ jam dixi non repetam; etiam in 736, antecessum concedam, innumeros Errores dari, qui in usu communi vitæ plerumque non sunt magni momenti. Sed ne hoc nos abducatur à seriâ Mentis applicatione ad hoc ipsum, ut omnes errores, quantum hoc fieri poterit, vitemus. Eadem causa, quæ nos in leviolem Errorem duxit, in graviolem deducere poterit.

Quis etiam sequelas Errorum prævidere poterit? Non certè magni momenti apparet, quid de corporibus, & motibus cœlestibus, credat vulgus; quas tamen in exercitiis, etiam in integris populis agitationes non concitarunt Cometæ, & Luminarium Defectus!

Generales quasdam Errorum classes 738. proponam, quæ in minùs patentes iterum dividendæ erunt; de quibus singulis pauca observabo.

## 234 INTRODUCTION

739. Capita autem ad quæ Errores referam, sequentia sunt,

1. Auctoritas.
2. Corporis constitutio. Ubi de Animi Affectibus agendum erit.
3. Superbia.
4. Pigritia, aut Ignavia.
5. Confusio Idearum.
6. Necessitas eligendi inter Opiniones.
7. His addam explicationem Errorum, in ipsis Ratiociniis, qui à Dialecticis ad peculiaria capita fuere relati.

## CAPUT XXII.

### *De Erroribus ex Auctoritate.*

740. **N**ihil magis naturale est, quàm ut ille, qui rem quandam examinandi capacitatem non habet, alteri credat.

741. Sed, in hoc ipso casu, illi examinanda erit Auctoritas, cui se submittit.

742. Quid, si ne quidem eò usque facultates  
ipfius

ipſius ſe extendant? Nihil ſuperest, niſi ut primæ, quæ occurrit, cedat Auctori-  
tati; caſu enim ſolo, Errorem ille vitare poterit, qui ignorat, utrùm ipſi dubi-  
tandum ſit, an non.

In hoc ſtatu ſunt infantes omnes; cir-743.  
ca quos hoc ulteriùs peculiare datur,  
quòd cogendi ſint, ut actiones directioni  
alterius ſubmittant; & cùm diſtinguere  
nequeant ſubmiſſionem, quæ ad actiones  
pertinet, ab aliâ, quæ ad opiniones ſeſe  
extendit, illi etiam cogitationes ſubmit-  
tunt, qui actiones dirigere ſuſcepit.

Ubi verò Auctoritas ita, pro unicâ cre-744.  
dendi regulâ, eſt admiſſa, Auctoritati cui-  
cunque, quæ cum præcedenti non pu-  
gnat, ſeſe ſubmittunt.

Infantes, hac de cauſâ, pro veris ha-745.  
bent omnia, quæ à Parentibus, Magi-  
ſtris, & ſimilibus, acceperunt; hæc apud  
ipſos eſt Auctoritas aliis omnibus potior.

Præterea, omnia credunt, quæ audiunt 746.  
(744.); ſi non pugnent cum iis, pro  
quibus Auctoritatem potiorem habent.

Sæpè

747. Sæpè quidem dubitant, sed in hoc ipso casu, Auctoritati se submittunt; audiverunt, de rebus similibus fabellas sæpè narrari.
748. Per plures annos regulam aliam sequi non possunt; sed quot non homines senes fiunt, quibus nunquam in mentem incidit, hanc non esse optimam, quæ ad rerum cognitionem ducit, viam?
749. Ubi infans juvenis factus, ad illam pervenit ætatem, in quâ propriâ ratione uti potest, acquisitas jam habet innumeras ideas; sed inter has quis Errores numerabit, & quomodò ipse certum ab incerto separare poterit? Difficile admodum homini est illud falsum esse suspicari, quod per longum tempus pro vero habuit (216.)
750. Mens nunc firmior ipsa judicat, sed omnes quas ex præjudicatis opinionibus conclusiones deducit, non illis ipsis firmiores sunt.
751. Quisque seriam debet impendere operam, ut sese ab hisce erroribus expediat.
- Non

Non tamen impossibilia tentanda sunt. Universale dubium amplecti, ut singula, quæ in mente dantur, ordine perlustrentur, suprahumanum est.

Sed præterea, quamvis pleraque, quæ 752. in infantiâ admittimus, incerta sint, non tamen, ubi Mens à jugo Auctoritatis liberatur, pro talibus omnes debet habere, quas admisit opiniones.

Non subitò Mens vires acquirit; fit 753. hoc per gradus, primùm de paucis, postea de pluribus, per se ipsam sese determinare potest; & quidem ita, ut dubio nulli locus supersit.

Satis ergò erit, si attenti ad hoc simus, 754. ut in omnibus occasionibus, in quibus serò de re quacunque cogitamus, examinemus, an Principia, ex quibus conclusiones deducimus, à nobis antea singulatim fuerint perpenſa; ut conclusiones non deducamus nisi ex Principiis, quorum veritas clarè enotuit.

Uteriùs, quoties audimus illud, quod 755. pro vero habemus, ab aliis contradici,  
aut

aut in dubium vocari, debemus quoque indagare, an unquam à nobis fuerint ad examen revocata argumenta quibus opinio nostra nititur; in hoc casu, debemus prætereà rationes oppositas ponderare, & nihil negligere, ut ab antiquis præjudicatis opinionibus Mentem nostram liberemus.

756. Qui hæc regulas sequetur, brevi tempore fructum percipiet; seriatim autem admodum Mentis applicatio necessaria est: non agitur de re facili; sed utilitas laborem in immensum superat.
757. Sed non cum tenerâ Ætate, de quâ hucusque egimus, terminatur Auctoritatis Tyrannis; per totam vitam imperium suum exercet.
758. In primis annis, post Parentum & Præceptorum Auctoritatem, validissimè in nos agit opinionum concursus (746.); sed si à Parentibus accipiamus illa, quæ confirmari quotidie audimus, hæc tunc indelibilibus ferè characteribus, Menti inscribuntur.

Hæc



Hæc causa est, quare homines ab opi- 759  
nionibus vulgò receptis, rarò admodum  
recedant; & quare illud omne quod no-  
vum apparet à multis rejiciatur.

Hac eadem de causâ, glebæ quasi ad- 760  
scripta videtur Veritas; quod enim in unâ  
regione pro tali habetur, in aliâ interfal-  
sa & maximè absurda refertur.

Quod de regionibus dicimus, ad so- 761  
cietates peculiare etiam pertinet; hæ fe-  
rè singulæ quibusdam opinionibus, ab  
omnibus societatis membris admittis, ab  
aliis distinguuntur.

Hisce addere possumus, homines facillè 762  
pro veris admittere illa, quæ ab iis au-  
diunt, quos pro doctioribus habent, dum  
ipsam doctrinam cum fortiori, aut im-  
pudentiori, assertionem sæpè confundunt;  
quamvis in aliis modesta aliquando elo-  
cutio ignorantiam doctrinæ specie in-  
duat.

Omnes ex his profluentes Errores fa- 763  
cillè evitarent homines, si examini po-  
tius,

tiùs, quàm Auctoritati, sese submitterent.

764. Ab opinione, ab omnibus in regione receptâ, nemo, in hac educatus, liber est; pertinet talis opinio ad illas, de quibus suprâ dictum (758.); sed cum quotidiana hujus detur confirmatio, peculiaris in hoc casu est difficultas.
765. Oponionem autem, quæ societati cui-dam peculiaris est, nemo ante initum examen amplecteretur, si quisque ad Errorem vitandum debitam impenderet operam.
766. Circa ipsum autem examen in genere observandum, in multis occasionibus, ex peculiaribus causis, hoc difficile fieri. Noxium sæpè est à communi recedere opinione; quare in hujus examine, hanc veram esse cupimus; & eo ipso, requisitâ cum curâ, rationes oppositas ponderare, impedimur.
767. Qui nomina odiosa timent, vix audent, ullum de multis quæstionibus e-

xamen inire, ne ratio ipsis demonstret, sine ratione admissam, sententiam esse rejiciendam. Quot non hodiè adhucdum sunt loca, in quibus absurdas, & maximè ridiculas, de Spectris nocturnis & Diaboli præstigiis, fabellas in dubium vocare, & sanctissima Religionis fundamenta evertere, non distinguuntur.

Qui in examine Veri timet, aut deside-768.  
rat, inutilem pendet operam; ut sese ab hisce liberet affectibus, ante omnia, animum applicare debet.

## CAPUT XXIII.

*De Erroribus ex Inclinationibus  
& Animi Affectibus.*

**C**Orporis humani constitutionem Er-769.  
rorum variorum causam esse, facile detegitur. Ab hac enim constitutione pendent Inclinationes (211); & sine corporis motibus, Affectus animi non dantur (212.).

Q

Quo-

770. Quotidiana docet exeperientia, homines sæpè assensum dare ubi exigua tantum est veri apparentia, dum in aliis occasionibus lumen maximè vividum vix hos afficit; & hujus respectu, in diversis hominibus, diversitatem observamus, quæ solis inclinationibus naturalibus tribui potest. Pro diversâ corporis constitutione, diversa placent; & hac solâ de causâ, pro veris habentur.
771. Si negotium in deliberationem mittatur, & quid agendum sit quærat, violentiora placent iis, qui ad iram proni sunt, & quibus acrè est ingenium. Timidi è contra mitiora probant; &, si ipsis ingenium sit lentius, quærunt quo determinationem in aliud tempus differant.
772. Quisque in proprias Inclinationes inquirere debet; & in rerum examine, ad hoc attendere, an non naturalis quædam Inclinatio ipsum potius, quàm argumenta, determinet.
773. Animi Affectus tranquillum animi statum

tum turbant, quo Mens nostra facultatem amittit illa examinandi, quæ in solutione quæstionis perpendenda sunt.

Ille qui Affectu laborat, tales tantum 774. percipit ideas, quæ cum hoc ipso relationem habent; à reliquis non afficitur, has vix percipit.

Cavendum igitur ne, quamdiu Affectu 775. agitata Mens est, de rebus, quæ relationem, quantumvis exiguam, cum Affectu habere possunt, judicemus: si violentior sit agitatio, ab omni judicio abstinendum.

In hisce occasionibus in memoriam re- 776. vocanda sunt, quæ antea de iis rebus cogitavimus; aut in dubio hærendum, quamvis argumenta nobis clara appareant.

Dantur etiam Affectus, in quibus Men- 777. tis agitatio non ita manifesta est, ut in Amore & Odio; in hisce cum minor sit Erroris suspicio, cautelæ adhucdum majores desiderantur.

In amicis omnia homines probant, 778.

Q 2 in

in inimicis nihil boni vident. Minimum indicium fufficit, ut pro indubitato habeatur, quod in odium inimici dicitur; fi de amico ageretur, vix evidentiffima argumenta quid probarent: ubi autem facta negari non poffunt, horum natura mutatur; & quæ, quamdiu auctor incognitus erat, odioffimis nominibus infigniebantur, nunc ubi de amico agi conftat, vix leviter culpanitur, multisque ex caufis excufatione digna declarantur.

779. Hos Errores facilè vitare poterimus, fi, quoties ratiocinamur de iis quæ amicos aut inimicos fpectant, transferamus circumftantias in homines, cum quibus peculiarem non habemus relationem; aut potiùs, ubi agitur de amico, videndum, quid ex propofitis argumentis concluderemus, fi de inimico ageretur, & vice verfa; facilè tunc patebit, an non affectus in judicia nofta agat.

## CAPUT XXIV.

*De Erroribus ex Superbiâ.*

**I**Ta natus homo est, ut quisque præ-780.  
cæteris se extollere conetur; ex hoc  
fonte tot Errores profluunt, ut ope-  
ræ pretium videatur de his separatim  
agere.

Qui eo desiderio nimiùm laborans Stu-781.  
diis animum applicat, non Veritatem pro  
scopo habet, sed tantùm gloriam quam  
Studiis se acquiliturum sperat.

Non quidem scopus hicce in omnibus782.  
culpandus est, si alter primarius sit, uti-  
les nempe & veras acquirere cognitiones.  
Agimus verò de iis qui ad hunc ultimum  
scopum non attendentes, media quæ-  
runt, quibus omnium facillimè, & bre-  
vissimo tempore, ad doctrinæ famam  
perveniant.

Ad illas tantùm Scientias, quæ in re-783.  
gione in quâ vivunt, & suo tempore,

Q 3 præ

præ aliis extolluntur, animum applicant; & in his ipsis illa tantum feligunt, quibus se indoctis facilius fucum facere posse autumant.

784. Alii ipsam scientiam universalem, aut potius hujus nomen, quærunt. Ex omnibus scientiis aliquid discunt, & quidem hoc tantum, quod sufficere credunt, ut ignoranti turbæ, se omnia scire, persuadeant.

785. Magnâ curâ omnem ignorantiae speciem effugere laborant. De iis, ad quæ attingere non potuere, ita loquuntur, quasi vires superarent humanas, & quasi nemo in hæc ipsa penetrare potuisset. Aliquando etiam hæc ipsa, cum iis quibus animum non applicarunt, contemnunt; quasi in studiis nihil utile, nihil laudandum daretur, præter illud quod ipsi norunt.

786. Alii viam oppositam ingrediuntur, ut doctrinæ famam acquirant; quæ facilia sunt, quæ à multis intelligi possunt contemnunt; difficilioribus tantum & obscu-



fcurioribus, in Scientiis, animum dant; & quæ vires superant fuscipiunt. Multa legunt, multa memoriæ imprimunt, mentemque replent ideis confusis & sine ordine congestis.

Legisse multa, hæcque memoriæ de-787.  
disse, ad Scientiam acquirendam desideratur; sed hoc solum non est scire.

Omnes, quos vanæ gloriæ amor tenet, 788.  
in innumeros Errores cadere debere, manifestum est; sed, quod maximè observandum, vix ulli ex his Erroribus corrigi possunt, quamdiu hic gloriæ ridiculus amor non Veritatis amore superatur.

Quis enim Errores corrigere poterit 789.  
suos, nisi paratus sit fateri se errasse? Illi contra, de quibus agimus, omnem, ut jam diximus, ignorantiae speciem fugiunt (785.); & hac de causâ, in dubio aut ignorantiam manere malunt, quàm videri ab aliis aliquid discere posse.

Si libros scribant, non lectorum utili-790.  
tatem, sed propriam gloriam in omnibus

ante oculos habent. Sed ne doctioribus fucum facere credant : plerumque scopum non attingunt; & ipsorum scripta contemnuntur. Si res juxta illorum desideria succedat, experientia docuit, non latè talium scriptorum gloriam dispergi, neque per longum tempus durare.

791. Non difficile foret exponere quibus mediis, exiguo labore, magna volumina conscribantur; & ad quæ attendendum, ut indocti profundam mirentur Auctoris scientiam & eruditionem: sed hanc artem docere, à nostro scopo alienum omnino est.

## C A P U T    X X V.

*De Erroribus ex Ignaviâ*

792. **P**Auci admodum sunt homines, qui studiis animum applicant, solo amore Veritatis ducti, & rarò admodum hincce solus amor difficultates omnes superat; majores progressus, ferè semper, necessita-
- sita-

stati, aut affectui cuidam, debentur.

Difficulter enim homines naturalem quandam superant Ignaviam, quæ multorum errorum causa est. Longum & difficile examen libenter plures fugiunt, aut sibi persuadent levius sufficere, minimamque inter ideas convenientiam ita considerant; quasi ipsæ in omnibus convenirent.

Multi ad hæc tantum animum appli-793:  
cant, quibus se carere non posse credunt, reliqua omnia negligunt; & adeò imperfectas rerum ideas acquirunt, ut horum Scientia Ignorantiæ ipsi postponenda sit.

Sententiam nullo fundamento nixam 794:  
amplectuntur, & sine validâ ratione aliam postea sequuntur. Testimonio fidem habent in iis, quæ ad Evidentiam Mathematicam pertinent. Illa argumenta ipsos maximè afficiunt, quæ ultimùm ipsis fuere proposita.

Si de Probabilitate agatur, negligunt 795:

Q 5

con-

considerationem oppositorum, quibus Probabilitas minuitur; aut minori Probabilitati fidem habent, quasi ageretur de maximâ; non vident plerumque ad hanc non perviniri, nisi conjunctione variorum argumentorum probabilium. Paucis argumentis contenti plura quærere ipsis inutile hac solâ de causâ apparet, quia non sine quadam difficultate hoc fieri posse percipiunt.

796. Huic eidem, de quâ agimus, Ignaviæ tribuenda est pertinacia, quâ multi obstinatè opinionem tuentur quam semel sunt amplexi, quamvis hæc apud ipsos tantum prævaleat, quia prima fuit propofita.

797. Sæpè homines, fervido desiderio propulsi, animum scientiæ peculiari applicant; sed, ubi sine labore & attentione majores progressus fieri non posse percipiunt, spem omnem amittunt; ab illo studio animum avertunt, ad aliud transcunt, quod brevi eodem modo negligitur.

Quis-

Quisque conari debet ut naturalem Ig-798.  
naviam superet. Dum studio alicui se  
tradit, viam debet quærere quæ ad soli-  
dam deducit Scientiam; & rarò admodùm  
illa est, quæ minimum laborem, & bre-  
vissimum tempus exigit.

## CAPUT XXVI.

*De Erroribus ex Idearum Confusione.*

**E**Rrores ex Confusione Idearum latè 799.  
quoque patent. In hos incidimus  
præcipuè quatuor modis.

1. Quando Ideas Relativas habemus  
pro Absolutis (377.).
2. Ideas Abstractas pro Concretis (348)
3. Distictas pro Claris (343 335.).
4. Connexas pro Compositis 331.).

De hisce omnibus Idearum divisioni-800.  
bus antè egimus. Quæ dixi non repetam;  
tantùm observabo, ad illa quæ expli-  
cavi attendendum esse, ne in errores inci-  
da-

damus; quod quibusdam exemplis nunc illustrabo.

801. I. Idea Relationis nobis nihil extramentem repræsentat (378); efficitur illa comparatione duarum aliarum Idearum (23. 377.). Error ergò datur quoties talis Idea consideratur, quasi aliquid, reverà existens, exhiberet (378.); aut quoties Relatio ipsa refertur ad ideas quæ non fuere collatæ; quod ultimum ad generalem observationem de Judiciis referri potest (450. 474). Vulgares admodum hi errores sunt.
802. Quoties homines de magnitudine loquuntur, quasi ageretur de Ideâ absolutâ, errant. Magno ingenio præditus homo dicitur; hoc nihil significat, nisi cum relatione ad alios homines (382.).
803. Qui supremi Numinis opera oculis lustrant, dum ad Systema attendunt Planetarium, Conditoris mirantur potentiam, persuasum jure merito habent, à Sapientiâ Divinâ immensâ hæc regi corpora, fing-

gulorumque vias ab æterno fuisse determinatas.

Si verò hi ipsi pulverem vento videant agitatam, nunquam hoc Phænomenon ad Deum deducit ipsorum cogitationes: absurdum hoc ipsis videtur, pulverem à Deo fuisse ordine dispositum; singulasque particulas, quæ fixis subjiciuntur legibus, præscriptas sequi vias, & quæ ab æterno Deo præsentem fuisse.

Unde hæc differentia? Sibi persuadent in corporibus, & in horum dispositione, dari quid, quod, respectu supremi Mundi Rectoris, magnum aut parvum est.

Motus quidam datur absolutus, si ad 804. spatium infinitum & immobile attendamus; sed hic ab hominibus percipi non potest. Omnis Motus, qui sub sensu cadit, est relativus. Quies & Motus relativè differunt; & differentia inter hæc duo non in ipsa re quærenda est, sed in Ideis ad quas attendit ille, qui Motum percipit, aut de hoc judicat. Sic etiam Ideæ augmenti Motûs, & hujus diminutio-

tionis, sunt relativæ; eadem motûs mutatio, quæ pro augmento à quibusdam habetur, ad diminutionem ab aliis refertur. Agere & pati, si de corporibus agitis agatur, non absolutè, sed relativè tantùm, differunt.

805. II. Quæ de Ideis relativis observavimus (801.) ad abstractas referre possumus, neque hæ nobis quidpiam extra Mentem exhibent (353.); quoties ergò hæc ideas ita consideramus, quasi aliquid reverà extra Mentem existens repræsentarent, semper erramus. (354.).

806. De Ente in genere, quod ut existens à multis consideratur, superiùs egimus (355.).

807. Huc etiam pertinet celebris Questio de Universali à parte rei, fervidè admodùm inter Scholasticos agitata, & auxilio subtilitatum, & distinctionum obscurarum, spissis tenebris involuta; sed quæ, si simpliciter proponatur, nullam, difficultatem habet (354.).

808. Multa Mathematicis obijciuntur, de  
pun-



punctis, lineis, superficiebus, hæc omnia impossibilia esse dicuntur; & ideò, quæ de ipsis demonstrantur, absurda.

Sed ad hoc non attendunt, puncta, lineas, superficies in corpore reverà dari, ut & in Extensò quocunque, quod in longum, latum, & profundum terminatum concipitur, & nisi per abstractionem separatim considerari non possè; hancque separatam existentiam, ut quæ à Mathematicis demonstrantur vera sint, non desiderari.

III. Vulgare est Ideas distinctas confundere cum Ideis claris. Ubi homines ad talem pervenere rei cognitionem, quâ rem hanc ab omni aliâ distinguunt, si nihil ulteriùs cognoscere possint, nihil de hac re ipsos latere, sibi persuadent.

Verum hoc quidem est quamdiu non agitur de rebus reverà existentibus, sed tantùm de Ideis; in quo casu, omnis Idea distincta & clara est (347.).

Rerum autem existentium distinctio-  
nes

nes relationem habent ad cognitionem nostram; ne quidem semper ad omnia quæ de re novimus attendimus, ut hanc ab aliâ distinguamus. Corpus sphericum ab omni alio distinguere possum; quamvis corpora spherica innumeris modis inter se differant.

812. Aurum distinguo ab aliis corporibus, colore, gravitate specificâ, & aliis proprietatibus; sed non ideò affirmare aulam, inter aurum quoddam, & aliud aurum, nullam dari differentiam; illius tamen quod aurum vocatur Ideam habeo distinctam (343. 534.).
813. Ideas claras cum distinctis confundunt, qui dicunt substantiarum essentias nobis notas esse. (18. 184.).
814. Ut & illi, qui contendunt nobis nota esse omnia principia, ex quibus Phænomenorum naturalium causæ deduci possunt.
815. Ad hanc classẽ quoque pertinent Errores, in quos singulis momentis incidunt illi, qui de aliorum hominum Actionibus ratiocinantur.

IV. Ultima Idearum confusio, de 816.  
 quâ nunc agam, spectat Ideas connexas  
 (332.). Frequenter contingit, illas quas  
 simul acquisivimus Ideas, vel quæ simul  
 sæpiùs repetitæ fuere, aut tandem quæ  
 in casu peculiari, modo nobis sensibili,  
 concurrerunt, quamvis omninò distin-  
 ctæ sint, à nobis separari non posse; qua-  
 re ipsas habemus, quasi ad idem subje-  
 ctum pertinerent: ex quo innumeros Er-  
 rores fluere debere, facilè patet.

Rhedâ vectus quis, cum magno suo 817.  
 malo, cecidit; simili rhedâ in posterum  
 nunquam uti, sine maximo metu, po-  
 terit; dum quotidie animo tranquillo  
 aliâ vehitur, magis periculosa.

Puella sæpiùs Matrem, aut Ancillam, 818.  
 exclamantem, & semi-animem vidit, ad  
 adspectum muris: si ipsi imminens ma-  
 lum sit effugiendum, potiùs magno cum  
 periculo per flammam transibit, quàm  
 per viam ultrò patentem, si hujus vici-  
 niam occupet ridiculus mus.

R

Usum

819. Usum tamen quoque habet hæc Idearum Conjunctio.
820. Nunquam firmum esset Superiorum in subditos imperium, nisi hujus Idea cum Ideis reverentiæ & timoris inseparabilis fieret. In omni casu, in quo hæc Idæ separantur, subditi imperantibus fortiores sunt.
821. Effectus hujus Conjunctionis Idearum notabile exemplum habetur, in Bello Scytarum cum servis. Hos, cum armis superari à Dominis non potuissent, virgis & flagellis statim victos fuisse, post Herodotum, refert Justinus, Lib. 2. Cap. 5.

## CAPUT XXVII.

*De Erroribus ex Necessitate eligendi inter Sententias.*

822. **H**OMINES, in innumeris occasionibus, necessitate coguntur, de rebus non  
fa-

fatis perspectis judicare; quo in Errores cadunt, quos facilè evitare possent, si ad sequentia attenderent.

I. Sæpè, quamvis agatur de rebus par-823.  
rùm notis, non tamen illa incomperta sunt, de quibus judicandum est; ita ut, si ad hæc sola attendamus, errores, de quibus hîc agitur, dari non possint. Sed in hisce circumstantiis, homines, dealiis, de quibus non agitur, & quæ omninò ipsis incognita sunt, plerumque judi-  
cant.

Necessè est ut quisque sciat, Solem lu-824.  
mine suo Tellurem illustrare, & illum hanc calefacere; quisque etiam, ut negotia dirigat, horam ortûs hujus Sideris; in regione in quâ vivit, saltem quodam modo, cognoscere debet.

Non facilè quis, dum de Sole ratiocinatur, si ad hæc se restringat, errabit. Sed ubi est homo, qui dum de Sole cogitat, abstineat à judicio de magnitudine & distantia hujus? Non mirum si, circa hæc, falsas sibi fingat Ideas; cùm omnia ipsi

deficient, quibus ad veram horum cognitionem perveniri potest.

825. II. Si de casu reverà dubio agatur, in quo eligendi necessitas ipsas res incognitas spectat, necessariò circa aliquid quod faciendum est versatur dubium; nemo enim unquam, in alio casu, ex opinionibus diversis unam eligere cogitur; deficiente evidentiâ, dubitare semper potest, & debet.
826. Si autem agendum sit, & ulteriori examini locus non detur, illam sequi debemus viam, quæ magis tuta videtur; aut si neque hoc determinari possit, eligendum illud est, quod maximè probabile apparet.
827. Sed ut ita agamus, assensus non requiritur; & in hoc ipso casu, in dubio hæere debemus circa illud, quod non satis patet.

## CAPUT XXVIII.

*De Sophismatibus.*

**D**E causis quibus inducimur ut falsa formemus judicia, aut falsas deducamus conclusiones, præcedentibus Capitibus egimus; de ipsis falsis conclusionibus & Fallaciis à Sophistis sæpè adhibitis, ut res claras tenebris obscurarent, pauca nunc dicam, has ipsas ad classes, quæ vulgò à Dialecticis tractantur, revocando.

Fallaciæ hæ, *Sophismata* dictæ, dividuntur in Grammaticas, & Logicas.

Fallacia Grammatica sensum verbo-  
rum spectat; & de hac unicum monitum hujus loci est, ad sensum attendendum esse, ne cavillatio ex verbis formetur.

Fallaciæ Logicæ ad sequentia capita revocari solent.

I. *Ignoratio Elenchi*. Elenchus est ar-

R 3

gu-

gumentum quod tractatur; & hoc ignoratur ab eo qui Theſin oppugnat, quando non percipit, quæ Propoſitio, ut Theſis deſtruitur, probari debeat.

833. Ignorant Elenchum qui, ut Attractionem Newtonianam oppugnent, de eâ ratiocinantur, quaſi ageretur de cauſa obſcurâ, cum agatur de effectu.

834. II. *Petitio Principii.* Locum hæc habet quando, pro fundamento Ratiocinii habetur illud, quod probandum eſt.

835. Tale eſt ratiocinium, quod à quibuſdam quantitatis extenſæ diviſibilitati in Infiniſimum opponitur; & pro fundamento habet, quantitatem ſucceſſivam, ſive tempus, non ita eſſe diviſibilem.

836. III. *Non cauſa pro cauſa.* Hæc Fallacia adhibetur ab iis, qui ex aliquo, quod non eſt cauſa, ratiocinantur quaſi eſſet cauſa.

837. Qui Cometis effectum tribuunt, in ea, quæ in Societate Humanâ contingunt, in hunc errorem incidunt.

838. Huc etiam pertinent innumeri effectus, qui



qui à multis Philosophis materiæ cuidam subtili tribuuntur.

IV. *Enumeratio imperfecta.* Aliquid 839;  
verum esse validè concluditur, quando,  
factâ enumeratione omnium modorum,  
quibus aliquid esse potest, omnes reji-  
ciuntur, excepto uno; sed clarè quoque  
patet argumentum nihil probare, si in  
enumeratione quid deficiat.

Exemplum hujus Fallaciæ supra indi-  
cavimus (304. 305.).

Etiam in illis casibus in quibus de to-840.  
to possumus concludere quod de singulis  
partibus demonstratur, in hanc Fallaciam  
incidimus, si in partium enumeratione  
una deficiat.

Si quis enumeratis omnibus Europæ  
populis, exceptis iis, qui Turcarum di-  
tioni subjiciuntur, concluderet integram  
Europam Christianam esse, quia enume-  
ratæ gentes tales sunt; propter enume-  
rationem imperfectam, Conclusio non  
procederet.

V. *Fallacia Accidentis.* In hanc inci-841.

R 4

dunt

dunt qui alicui rei simpliciter, & absolute, tribuunt, quod tantum per accidens ipsi competit.

842. Ita ratiocinantur qui, ex collatis quibusdam Planetarum observationibus cum mutationibus atmosphære, concludunt, redeuntibus iisem corporum cœlestium quorundam aspectibus, etiam eandem aëris redire constitutionem.

843. VI. *Fallacia Compositionis*; quando de conjunctis affirmatur, quod de separatis verum est.

844. *Fallacia dicitur Divisionis*, quando de separatis affirmatur, quod de conjunctis tantum verum est.

845. Exemp. *Quietis nulla est vis*: vera est hæc propositio; neque tamen hæc alia falsa est, *Corpus quiescens motui resistit*. Prima vera est sensu diviso, non composito, ubi agens corpori applicatum concipitur; hoc sensu secunda vera est, quæ falsa est sensu diviso, ubi corpus ab actione in hoc concipitur separatum.

846. VII. *Transitus*, à *Dicto secundum quid*,

*quid, ad Dictum simpliciter; aut vicissim.*

In hanc Fallaciam incidunt, qui de re generaliter affirmant quod, certo respectu tantum, verum est; aut contra.

Homo, in tali casu, prudenter egit; 847. ergò, in omnibus prudens est. In hac conclusione error datur, quia quod verum est secundum quid, pro simpliciter vero habetur.

Contraria erit conclusio, & tamen fal 848. lax, si, quia homo in scientiâ quadam bene est versatus, indè concludam ipsi omnia nota esse, quæ ad peculiarem quæstionem pertinent. Nam animum ad scientiam quandam peculiarem applicasse, & hanc intelligere, non est separatim examinasse omnes quæstiones possibiles, quæ circa hanc moveri possunt.

VIII. *Transitus de Genere in Genus.* 849. Si, quod de re quadam probatur, transferatur ad rem omninò diversam.

In hanc Fallaciam incidunt, qui, ubi demonstrarunt aliquid esse contra leges

Naturæ Physicas, & eo sensu impossibi-  
le, concludunt, hoc per Miraculum  
contingere non potuisse.



LIBER II.  
LOGICA.

Pars III. de Methodo.

CAPUT XXIX.

*De Diversis Methodis.*



Upereſt nunc, ut indicemus 850.  
viam, quam ille, qui ſeriò  
quæ huc uſque explicavi-  
mus meditatùs eſt, ſequi  
debet, ut ad Rerum, qua-  
rum examen ſuſcipit, veram cognitionem  
perveniat.

Methodum, pro diverſis circumſtan-851.  
tiis, diverſam ſequi debemus.

Pri-

Primum, agam de Methodo inveniendi.

Postea, de Methodo explicandi aliis, quæ ipsi in mente habemus.

852. Prima dicitur Methodus *Analytica*, seu resolutionis: Altera *Synthetica*, sive compositionis.

853. Generaliter, in his hæ duæ differunt Methodi. In primâ à composito ad simplex resolutione transimus. In secundâ contra.

854. Sed & alio respectu hæ differunt. Sæpè in Methodo Analyticâ, nisi per ambages, à composito ad Principia simplicia ascendere non conceditur, in iis ipsis occasionibus in quibus postea facilitè viam magis directam detegimus, per quam in Synthesi à Principiis ad composita descendere possumus.

855. Hisce Methodis tertia addi potest; Methodus nempe discendi, de quâ pauca observanda erunt, explicatis primùm quæ ad alias duas pertinent

856. Commune est omnibus Methodis, ut  
qui

qui studio Veri sese tradere cupit, in eâ sit dispositione, ut assensum non det nisi Evidentiæ; & seriò animum applicet ad omne illud removendum, quo in Errorem duci potest. Sequitur hoc ex omnibus huc usque explicatis.

Præterea, desideratur ut quisque facultates naturales, quibus in hisce uti debet, quantum potest, extendere laboret; facultates nempe, quæ ad Intelligentiam relationem habent.

Sunt hæc 1. Plures ideas simul considerandi. 2. Ideas medias inveniendi, quando ideæ immediatè conferri non possunt. Et cum utriusque perfectio pendeat ab Attentione & Memoriam, neque hæc negligendæ sunt.

De iis quæ ad hunc scopum deducere possunt, ante omnia, nunc agendum est.

## CAPUT XXX.

*De augendâ Intelligendi Facultate.*

859. **N**on temerariam esse assertionem, Mentis Intelligendi Facultatem arte augeri posse, ex simplici consideratione Facultatum aliarum in homine, facile deducitur.
860. Nullâ enim agendi Facultate homo gaudet, in quam voluntas dominium habet, quæ non arti, & exercitio, totam suam debeat perfectionem.
861. Si de corpore agatur, confer rusticum, qui pedibus vix unquam usus est, nisi ut aratrum sequeretur, cum in arte suâ perito saltatore: quàm immensa est differentia! licet fortè in primo, si solam naturalem consideremus dispositionem, membra plurimis flexionibus apta fuerint.
862. Homo, ne cadat, plerumque mirabili utitur artificio; dum pondus corporis, in-



inflexione quacunq̃ue ad partem unam augetur, motu aliarum partium æquilibrium statim instauratur; instinctui cuidam naturali motus hicce plerumque tribuitur, cùm tamen arti, exercitio continuato acquisitæ, manifestè debeat.

Infantes, in primis à nativitate annis, 863. hac arte omninò destituuntur; hancque lentè perfectiorem fieri, dum continua ipsam exercendi occasio datur, facilè observare possumus; ita ut deinde, vix attendendo, exerceatur; eodem modo ut musicus digitos regulariter agit, dum vix percipit, se ad hoc, quantumvis parùm, attendere.

Respectu sensuum, in Capite xiv. 864. vidimus horum, sine arte, nullum esse usum.

Hæc eadem ad mentis Facultates quascunq̃ue etiam referri possunt; quæ in initio difficilia, & vix possibilia, sunt, frequenti exercitio facilia fieri, quotidiana docet experientia.

Ve-

866. Verum equidem est Naturæ desiderari dotes; ubi hæ deficiunt, Ars nihil proficit: sed quod Natura dedit exercitio mirificè amplificatur; quod & melius, & breviori tempore fit, si exercitium hoc juxta certas regulas, id est, Arte, dirigatur.
867. Ut exercitio augeatur ipsa Mentis Intelligentia, primùm paucae simul ipsi ideæ proponendæ sunt; ubi assueta erit has considerare, & inter se conferre, plures ipsi offerri debent, ut & his simul considerandis assuescat; sicque ordine procedendo, ingenium omne extendi poterit.
868. Hæc ad praxin reducimus, si animum applicemus scientiæ cuicunque, quæ eo ordine exponitur, ut primùm facilia, deinde difficiliora proponantur; & quidem ita, ut nunquam progressus ad sequentia detur, nisi antecedentia extra omne dubium posita sint.
869. Sic, non tantum facultas plures ideas simul considerandi amplificatur; sed &  
Mens

Mens in eâ dispositione, quâ assensum nisi evidentiae non concedit, confirmatur.

Hæc autem non sufficiunt; non satis §70. est ita extendere intelligendi Facultatem, ut facilius nexum percipiat inter plures ideas, quæ ipsi ordine proponuntur; ast ubi agitur de ideis, quæ non immediatè, sed auxilio plurimarum intermediarum, tantùm conferri possunt, hæc detegendæ sunt (727.), & peculiare desideratur exercitium, ad hanc acquirendam & augendam Facultatem.

Hoc obtinetur applicatione Mentis ad §71. scientiam, in quâ ipsa agere debet; sed ita ut primùm in paucis, deinde in pluribus ideis detegendis, exerceatur.

Si nunc inter omnes scientias illas veli- §72. mus seligere, quæ ad finem propositum, omnibus aliis tutiùs, deducunt, facile patebit in Mathesi has quærendas esse.

In Geometriâ perfectissimè detegimus §73. illa, quæ primùm indicavimus (868.). Principia sunt simplicia, conclusiones

S

ex-

extra omne dubium, & per gradus, ascensus datur à facillimis & simplicissimis ad difficillima, & maximè composita.

874. In Arithmetica & Algebra detegimus quæ in inveniendi arte requiruntur (871.). Non hîc agitur de simplicibus operationibus Arithmeticis, aut Algebraicis; sed de inventionem quæ, in questionum solutione, necessaria est.
875. Non tamen has solas scientias, scopo de quo agimus satisfacere, affirmamus; in quibusdam aliis quoque illa habere poterimus, quæ desiderari diximus (868. 871.); si modò juxta debitam methodum exponantur.
876. Hoc verò asserere ausim, Geometriam & Algebram, in his, omnibus aliis scientiis esse anteponendas.
877. Sed non uni scientiæ animum applicasse satis est; quò magis differunt inter se idæ, quas Mens acquirit, & de quibus ratiocinatur, eò quoque magis expanditur Intelligentia.

In

In Mathematicis scientiis, exercitatio-878.  
ne benè ordinatâ, perfectiores fiunt su-  
perius memoratæ facultates.

Sed desideratur prætereà, ut hæ ipsæ  
circa ideas, nunc unas, tunc alias, & à  
Mathematicis diversas, exerçantur.

Qui considerationi unius tantum ge-879.  
neris idearum assueti sunt, quantumvis,  
in his ideis considerandis sint versati, de  
rebus aliis ineptè ratiocinantur.

Ingenium flexile acquirendum est; & 880.  
hoc tantum fieri potest applicatione Men-  
tis ad plura, quæ inter se omninò diffe-  
runt.

Non quidem talem Natura hominibus 881.  
concessit Intelligentiam, ut quis, quam-  
cunque adhibeat diligentiam, universa-  
lem possit sperare scientiam. Quisque  
huic præcipuè se tradere debet, quo se  
Societati Humanæ maiorem utilitatem  
procurare possit sperat; sed prætereà,  
quantum potest, aliarum rerum cogni-  
tionem acquirere in animo habere de-  
bet.

882. Ubi quis studium peculiare elegit, ne in aliis, saltem præcipuis, rudis sit, operam quoque dare debet. Eo non tantum in illâ, quam elegit scientiâ, majores progressus faciet; quia nulla ferè datur scientia, quæ non ab aliis quid mutuari possit; sed præcipuè, eo ipso, ingenium in genere scientiis magis aptum reddet.

883. Ad hoc autem peculiari modo attendere debemus, Mentem abstractis considerationibus esse assuefaciendam.

Ubi ideæ conferendæ sunt, nunquam res melius illustrantur, quàm ubi has ideas, ab omnibus aliis separatas, examinamus.

884. Ut in his Mens exerceatur, Metaphysices studium peculiarem utilitatem habet; si modò ex hoc ideæ confusæ omnes removeantur, & aliæ ordine naturali exponantur.

## CAPUT XXXI.

*De Attentione augendâ.*

**N**Ecessariam præcipuè in inquisitione 885.  
Veri esse Attentionem, jam observa-  
vimus (391. 858.); quid hæc sit, etiam  
diximus (391) Hujus usus hicce est.

1. Si agatur de re extra nos existente, 886.  
quam examinamus, ut hujus acquiramus  
ideam; faciliè patet, eò nos plures acqui-  
rere ideas peculiare, quæ in verâ rei id-  
eâ continentur, quò examen majori Men-  
tis contentione instituitur.

2. Hoc etiam locum habet respectu 887.  
illorum, quæ immediatè percipimus;  
sive agatur de iis quæ in mente peragun-  
tur, (452.) sive de comparandis ideis  
jam acquisitis (453.). Circa quas ulti-  
mas clarum satis est, continuatâ attentâ  
consideratione duarum idearum compo-  
sitæ, plures detegi relationes inter ideas  
peculiare, quæ illas componunt; & eo

ipso iudicium de his, magis esse perfectum.

888. Ut attentio augeatur, primum removenda sunt omnia, quæ ipsam turbare possunt; deinde auxilia quærenda sunt, quibus adjuvari possit.

889. I. Dum ad rem attenti sumus, evitandum omne, quod alias; præcipuè novas, ad subjectum de quo agitur non pertinentes, ideas Menti communicat. Talia sunt objecta omnia nova, quæ sensibus objiciuntur.

890. Removendum omne, quo nervi cujuscunque nimia excitatur agitatio; ut lumen vividum, strepitus fortior, situs corporis minùs commodus, &c.

891. Cavendum quoque, ne quid adsit, quo tranquillus status Mentis turbari possit. (773.)

892. II. Affectus animi, non tales de quibus in præcedenti N<sup>o</sup>. agitur, sed magis moderati, sæpè Attentionem juvant; talis est refrænatus amor gloriæ & existimationis aliorum hominum; qui affectus, si jungatur cum sincero Veritatis & Virtutis



tis amore, laudandus est, & semper utiles præstat effectus.

Attentio quoque adjuvatur usu sen-893.  
suum, quamvis de rebus incorporis agatur.

Difficile homini est, præcipuè non affecto, ad plures simul attendere ideas abstractas, nunc quasdam, statim alias conferendo, & necessarias singulis momentis revocando; quod tamen sæpissimè desideratur.

In hoc casu, ideæ quædam imaginibus, 894.  
seu notis, designandæ sunt, & chartæ inscribendæ; ut sic, dum omnes has sub oculis habemus, sine difficultate desiderata quæcunque præsens se sistat. Hoc autem commodè duobus modis fieri potest.

Primò, unico verbo ideam exprimen-895.  
do, quod tale eligitur, ut ideam ipsam faciliè revocet. Secundò, ideam literâ designando; sed tunc in loco separato notare debemus, quid singulis literis exprimamus.

Propositiones etiam singulæ, ex qui-896.

bus ratiocinari debemus, chartæ inscribi debent, & hisce novæ, quæ deteguntur, continuò addendæ sunt; ut unico quasi intuitu, singulis momentis, possimus omnia perlustrare quæ nobis, de negotio quod examinamus, jam perspecta sunt.

897. Hæc adjumenta adhiberi possunt, quæcunque sit res quam examinamus; si vero agatur de quantitate, id est, de re, quæ augeri & minui potest, ut motus, velocitas, tempus, pondus, &c. majus erit quod imaginatio dabit subsidium.

898. Quantitatem enim quamcunque lineâ designare possumus; tunc duplicata lineâ duplicatam exhibet quantitatem. Hac methodo quantitates quascunque oculis subjicimus; & de ipsis faciliè ratiocinamur. Ratiocinia non mutantur, si lineis latitudinem exiguam, omnibus æqualem, concedamus, & tunc plurimarum summa superficiem efficit.

899. Quæstiones plures difficiles, ope horum adminiculorum, eleganter & faciliè solutas, apud Mathematicos reperimus.

CA-

## CAPUT XXXII.

*De Memoria.*

**S**ine Memoriâ Intelligentiam dari non 900.  
 posse, antea vidimus (104.). Circa  
 hanc quædam jam observavimus, (192.  
 193. 202. 309. 310.); nunc autem, cum  
 relatione ad præsens subiectum, exami-  
 nanda est (858.).

Nemo in dubium vocabit, inutiles 901.  
 omnes esse, quas acquisivimus notiones,  
 si hæ non revocari possint; & maximè  
 has ipsas prodesse, si ita facilè in Mentem  
 redeant, ut nunquam deficiant, quoties,  
 ad illustrandum illud de quo cogitamus,  
 inservire possunt.

Notabilem ideò Memoria usum habet, 902.  
 in detegendis Ideis mediis, quibus aliæ  
 conferuntur. Illæ enim ex ideis antea  
 acquisitis feligendæ sunt.

Non quidem soli Memoriae tribuenda 903.  
 est facultas, quâ ideas medias detegimus,

peculiaris hæc est (870.); nam qui extensam maximè Memoriam possident, sæpè illa Facultate carent; quæ tamen sine Memoriâ nunquam adest.

904. Circa Memoriam observandum, quod de Facultatibus Mentis & Corporis sæpè notavimus, exercitatione has amplificari & perfectiores fieri. In hoc autem exercitio quærendus modus, qui maximè utilis sit.

905. Datur Memoria quædam verborum, alia rerum; utraque necessaria est.

906. In quibusdam hominibus una prævalet, in aliis alia; & respectu utriusque, magna observatur differentia in diversis Hominibus, ut in omnibus aliis Facultatibus.

907. Si de rebus agatur, nihil magis Memoriz succurrit, quàm ordo. Si de verbis, benè disposita & ornata oratio maximè juvat.

908. Præterea, ut quid benè Memoriz imprimatur, sæpiùs repetendum est, & singulis vicibus magnâ Attentione conside-

randum, præcipuè ut, si de rebus agatur, concatenatio Idearum clariùs Menti inhæreat; quod nunquam meliùs obtinetur, quàm si aliis, quas acquisivimus, eodem ordine, exponamus ideas.

Observandum tamen, Memoriam qui-909 dem esse necessariam; sed si sola adsit, nullius omninò esse usûs. Est hæc Mentis Facultas, cum aliis conjuncta, magni facienda; sed cavendum ne, ad hanc excolendam, alias, de quibus duobus præcedentibus Capitibus egimus, negligamus.

Ars peculiaris datur revocandi ideas,910, quæ non cohærent, & etiam verba nullum sensum habentia; & quidem hisce semel tantùm propositis. Artem vocant *Memoriam Artificialem*.

In exercitio hujus, nullus usus fit911, Memorix propriè dictæ; agitur tantùm de Imaginatione.

Qui hanc artem possident, dum ver-912 ba audiunt, sibi imagines fingunt, & vividè ipsas Menti imprimunt; ut has quasi

quasi ante oculos habeant; talesque feli-  
gunt, quæ ipsum pronunciatum verbum  
revocent: & vice versâ, ipsæ iterum præ-  
sentes sint, quoties idem verbum pro-  
nunciatur.

913. Artificium præcipuè in eo datur, ut  
quis subito tales sibi imagines fingere,  
& imaginationi benè imprimere, possit.

914. Pro singulis vocibus, si de his agatur,  
aut pro singulis rebus, si variæ res cer-  
to ordine memoriæ sint mandandæ, ima-  
gines distinctæ excogitandæ sunt; hoc-  
que in exiguo temporis intervallo, quod  
in ipsâ voce pronunciandâ, aut re indican-  
dâ, consumitur, addito minori momen-  
to quod præterlabitur, antequàm vox,  
aut res sequens, indicetur.

915. Unaquæque imago etiam ita est exco-  
gitanda, aut fingenda, ut cum præce-  
denti cohæreat, & una ad alteram dedu-  
cat imaginationem.

916. Præterea, necesse est, ut in antecessum  
determinatus sit ordo, quo imagines dis-  
ponendæ sunt, ut ex loco, in quo pec-  
culia-

cularis imago concipitur, statim pateat  
 ipsius numerus in ipsâ serie; ex gr. an  
 sit decima, aut undecima, &c.

Quidam, pro singulis numeris, pecu-917.  
 liarem paratam habent imaginem antea  
 determinatam, ut in omnibus occasi-  
 onibus inserviat; imaginem hanc cum eâ jun-  
 gunt, quam ex tempore fingunt; ex gr.  
 semper tripodem concipiunt in imagine  
 quæ tertio pronunciato respondet. Sed  
 ordo, in quo imagines concipiuntur, ad  
 numerum determinandum sufficit.

Ubi nunc auditis successivè variis vo-918.  
 cibus, quis figurarum seriem imaginatio-  
 ni impressam habet, facilè imagines,  
 quarum una ad alteram ducit (915.), re-  
 vocando, easdem voces eodem ordine re-  
 citabit, aut ordine inverso; nam æquè fa-  
 cilè, contrario ordine, imagines præsen-  
 tes sese sistunt.

Si quamcunque, ex propositis voci-919.  
 bus, pronunciatam audiat, videt statim  
 respondentem imaginem; cui numero  
 respondeat, quæ vox præcedat, & quæ  
 sequa-

sequatur, indicabit. Si numerus proponatur, attendit ad locum huic destinatum; imaginem statim præsentem habet, & vox respondens quoque in Mentem redit; hanc tunc repetere, cum sequentibus, aut præcedentibus, facilè poterit.

920. Hæc ars, non illa, quæ primo intuitu apparet, difficultatem habet; sed exercitium desideratur, & à facilioribus ad difficillima progrediendum est.

921. Non tamen tota hæc ipsa ars magni facienda est. Si de continuatâ oratione agatur, inutilis omninò est. Si de rebus quæ ad scientiam pertinent, concatenatio ratiociniorum has revocare debet, quando hoc necesse est. Si, in studio Historiæ, quis Memoriâ hac vellet uti, in immensum cresceret numerus imaginum.

922. Præterea, considerandum est, utile quidem esse, imaginationis vires extendere; sed experientia docuit, illos, qui nimium se huic tradunt, difficiliùs, remotis omnibus imaginibus, rem concipere posse; &  
hac



hac de causâ , abstractioribus cogitationibus minùs aptos fieri.

## CAPUT XXXIII.

*De Methodo Analyticâ.*

**M**ethodo hac utimur , quando propositionem examinamus , ut determinemus , utrùm vera sit , an non. 923.

Ufu etiam venit , quando quærimus quomodo quæstio solvenda sit ; id est , quid ipsi respondendum sit.

In utroque casu , eadem via sequenda est.

Debemus ab eo quod proponitur ascendere ad Propositionem nobis plenissimè notam , ut pateat , illud quod examinamus , aut detegimus , cum hac ipsâ cohærere , aut ab hac separari , ita ut ex hujus evidentiâ sequatur , an illa admitti , aut rejici debeat. 924.

Cavendum autem magnâ cum curâ est , ne examen terminetur antequàm deductum sit ratiocinium ad talem Propositionem 925.

nem plenissimè notam, & de cujus veritate dubium nullum datur. Ubi eò pervenimus, Proposito satisfactum est, siue hæc Propositio simplex, siue magis composita, sit: siue hujus fundamentum sit Evidentia Mathematica, siue Moralis; utraque enim ad plenam deducit persuasionem (583.).

926. In omni verò examine, ordine procedere debemus; quare, juxtà certas regulas, cogitationes dirigendæ sunt.

927. Hoc autem præmonere debemus, inutiliter examen tentari Quæstionis peculiaris, nisi plura, de ipsis rebus circa quas Quæstio versatur, nobis nota fuerint: collatione idearum quas habemus, novas quidem acquirimus (23.); sed inter has, nullæ simplices sunt (326.); & illorum, quæ res extra nos existentes spectant, ideas acquirere non possumus, nisi ipsarum rerum examine.

REGULÆ ANALYTICES.

I.

*Status Quæstionis benè concipiendus* § 28.  
*determinandus est.*

Ut hoc fiat, desideratur ut singulæ voces, quibus Quæstio continetur, probè intelligantur, eo sensu quo in propositâ Quæstione adhibentur.

Exemplum. *Quæritur in Phycis causa Soni.* § 29.

Hæc Quæstio ut intelligatur, clariùs exprimenda, & exactiùs determinanda est.

*Quæritur, quomodo ego percipiam Sonum, quem Campana percussa emittit?* § 30.

Nulla in verbis datur difficultas, si vocem hanc *Sonus* excipiamus. § 31.

Agitur de *Sono* quem Campana emittit, & etiam de *Sono* quem ego audio; hic autem ultimus est Perceptio Mentis (§ 25.), & nihil simile in Campanâ da-

**T**ur;

tur; non ergò eodem sensu vox hæc, in utroque casu, adhibetur.

932. Satis notum mihi est, quid per *Sonum* intelligatur, quando de Sensatione agitur. Facile quoque detego, per *Sonum* in Campanâ, intelligi illud, quod in Campanâ datur, quando ego Sonum audio, & quo sublato, Sonus cessat. Quid hoc sit, in examine propositæ Quæstionis, quærendum erit.

933. Ulteriùs video, me examen hujus Quæstionis inutiliter suscipere, nisi quædam, quæ ad Sensationes pertinent, mihi sint perspecta. Satis autem est novissè, quod superiùs habuimus, Sensationem omnem pendere à nervi agitatione (281.); quo patet, in Quæstione propositâ, physicè consideratâ, agi de nervi agitatione: & cum Auris sit auditûs organum, nervus hic, in ipso illo organo, quærendus est.

934. Quæstione nunc benè intellectâ, ad secundam Regulam transeundum est.

## REGULA SECUNDA.

*Quæstio est corrigenda & exactè, & 935.  
quàm simplicissimè exprimenda.*

Ut hoc fiat, à Quæstione omne quod 936.  
à simplici, & abstractâ, hujus considera-  
tione abducere potest, removeri debet;  
& supplendum illud est, quod non satis  
clarè exprimitur.

In Quæstione de Sono (930.) supplere 937.  
debemus ideam motûs, quem in his lo-  
cum habere vidimus (933.); removen-  
da autem idea obscura Soni, qui in ipsâ  
Campanâ concipitur; & nunc, ut ad exa-  
men ipsius quod quæritur transeamus, ita  
Quæstionem exprimimus.

*Quæritur, quomodò, ex percussione Cam-  
panæ, motus sequatur in Aure talis, qui 938.  
nervo communicari possit?*

## REGULA TERTIA.

*Ideæ diversæ, in Quæstione memoratæ, 939;  
quantum fieri potest, separandæ sunt;  
ut Quæstio in plures peculiâres resolu-  
tur.*

T 2

Re-

940. Resolutio hæc magnum habet usum: hujus ope difficultas semper minuitur, & sæpè in totum tollitur, si modò talis adhibeatur Resolutio, quæ ex naturâ subjecti sequitur.
941. Observandum autem, omnes Quæstiones peculiares, simul sumptas, debere continere propositam Quæstionem.
942. Divisio omnium maximè perfecta est quæ fit in duo membra, affirmando & negando; ut, *Omne quod est, habet initium, aut non habet initium*: quod ad Subdivisiones etiam applicari debet. Tunc dubium nullum dari potest circa Divisionem, cujus membra conjuncta rem integram dividendam componunt.
943. Hæc tamen Divisio aliquando à naturali Divisione, quam res ipsa indicat, abduceret; quæ ultima semper adhibenda est. Ut statim, in Exemplo de *Sono*, videbimus.
944. Cavendum in Divisione, ne membrum unum in alio contineatur; ut si dicam, *Incolæ Magnæ Britanniae sunt Angli, vel Scoti, vel Londinenses*. Ca-

Cavendum quoque, ne multiplicatione 945.  
membrorum Divisionis, aut Subdivisio-  
num, confusio major detur, quàm si omnis  
Partitio neglecta fuisset.

In Exemplo de Sono, quod examinare 946.  
inchoavimus, Quæstionem in tres resol-  
vimus.

1. *Quid contingat Campanæ, & quid* 947.  
*hæc præstet?*

2. *Cui debeamus tribuere communica-* 948.  
*tionem inter Campanam & Aurem; & quo-*  
*modò?*

3. *Quid in ipsâ Aure contingat?* 949.

#### REGULA QUARTA.

*Ideæ mediæ quærendæ sunt, quibus pe-* 950.  
*culiæres Quæstiones solvi possint, ut sin-*  
*gulæ ad determinatam Propositionem re-*  
*ducantur.*

De necessitate harum idearum antea  
dictum (656. 703. 727. 870.).

In hunc finem debemus in memoriam 951.  
revocare, quæ aliunde de subjecto, de  
quo agitur, nota sunt; etiam quæ ad

T 3

hoc

hoc relationem quàm minimam habent; ut ex his mutuemur ideas, quæ in præfenti examine usu venire possunt (870. 902. 903.)

952. In Exemplo præcedenti primùm examinamus quæ ad Campanam pertinent (947.); & detegimus, corpora elastica, & quidem hæc sola, Sonum emittere, quando percutiuntur; *ita ut semper motus tremulus partium adsit, quo sublato, Sonus non auditur.*

953. In examine secundæ Quæstionis (948.), de communicatione inter Campanam & Aures, observandum est, aut hoc ipsum, cui communicatio quam quærimus tribuenda est, sub sensus cadere, aut non. Si non, à nobis detegi non potest, & Quæstionis solutio frustra tentatur; examinandum igitur, an sub sensus cadat.

Satis constat, Campanam nihil sensibile emittere; quare nihil superest examinandum, præter lumen & aërem; nihil enim inter Campanam & Aures dete-



gimus, præter hæc duo, quod sub sensus cadat.

Sed sonus in obscuritate non tollitur, nequidem debilitatur; ergò, solus aër examinandus nunc est. Hic autem si tollatur, *Sonus* evanescit; & huic causæ soli dictam communicationem esse tribuendam, manifestum nunc est.

Sed quo modo? Hoc fit translato ipso aëre, aut hoc non translato. Primum non dari, facile probatur. Ergò,

*Per aërem, & quidem per hunc non translato, communicatio datur inter Aurē & Campanam.*

Nunc de Aure agendum est (249.). 255.  
In hac detegimus cavum exterius apertum, aëre repletum, canalem quasi efficiens. Clauditur extremum interius membranâ tympanum dictâ, tenui, tensâ, & obliquè positâ. Separat hæc exteriorem Auris cavitatem ab interiori, quæ etiam aërem continet. In hac reperiuntur canales varii, modo peculiari dispositi, ex materiâ elasticâ, ossēâ,

## 296 INTRODUCTION

formati. Ossâ quoque minora quædam occurrunt, agitata quando tympanum percussum motu tremulo afficitur. Tandem, in interiori hoc cavo terminari, & cum ossibus, quibus circumdatur, cohærere observamus nervum, cujus agitationi Soni Perceptionem tribuimus.

### REGULA QUINTA.

956. *Collatione Propositionum peculiarium, separatim determinatarum, debemus harum numerum minuere, donec ad unicam perveniamus, quæ contineat illud, quod de Quæstione propositâ detegere possumus.*
957. In Quæstione de Sono, agitur de motu nervi (938.). In primâ propositione, habemus, motui tremulo partium corporis percussi Sonum tribui debere (952.). Ergò, ex hoc motu sequitur motus nervi.
958. In secundâ Propositione (954.) habemus, communicationem inter corpus percussum & Aurem dari mediante aëre; id est, motum per aërem transferri ad Aures, & quidem non translatò aëre.

Hæ

Hæ Propositiones nunc conjungendæ sunt, determinando quomodò motus, per aërem non translatus, propagari possit.

Examinando attentius aërem, detegimus, huic, motu corporis, communicari motum analogum cum motu undulatorio; qui in superficie fluidi, injecto corpore, generatur.

Hicce aëris motus quaquaversum sese 959, expandit, per lineas rectas, in quibus singulæ particulæ, per breve spatium, eunt & ad pristinum locum redeunt, ibique quiescunt.

Hæc si conjungam cum iis, quæ de 960. Campanâ determinavi (952.), percipio, facilitè continuatum, elasticitate, motum partium, in aëre producere repetitas undas ita, ut singulæ particulæ variis vicibus eant & redeant; motumque hunc propagari quaquaversum, & sic ad Aërem pervenire. Duas ergò primas Propositiones (952. 954.), ad hanc unicam reductas, habeo.

*Quando Campana percutitur, eo ipso 961.*

T 5

par.

*particulæ aëreæ, quæ in cavo anteriori Auris continentur, & quæ ipsi tympano adjacent, agitantur, variisque vicibus eunt & redeunt, & tympanum percutiunt.*

962. Ulteriùs progrediendum est; & hæc Propositio cum tertiâ de Aure (955.) nunc conferri debet; quo ad unicam omnes reductas habebimus.

963. Quando tympanum motu tremulo afficitur, minora quædam ossa agitantur; ipsius aëris, in interiori cavo Auris contenti, particulæ eunt & redeunt; nam motus aëris undulatorius, mediante agitatione tympani, ulteriùs propagatur: etiam in canales penetrat, ita ut integra superficies interna totius cavi, & omnium canalium, in singulis punctis, ab adjacente aëre, variis vicibus percutiatur; &, propter materiæ ossæ elasticitatem, omnia in Aure motu tremulo afficiantur; qui motus necessariò ipsi nervo coherenti communicatur.

Exemplum hoc, ad illustrandas Methodi Analyticæ regulas, sufficere mihi videtur.

Ex

Ex hoc ipso manifestum est, regulas 964.  
 inutiles esse, nisi materia ipsa nota sit.  
 Sed illæ indicant cui animus sit appli-  
 candus, quid notum desideretur, & quo  
 ordine ratiocinia sint dirigenda, ut Quæ-  
 stio solvatur, aut determinemus quò us-  
 que penetrare conceditur; ne inutilem  
 operam impendamus, tentando quæ vi-  
 res superant nostras.

Unica adhucdum regula superiùs ex-  
 plicatis addenda est; & cavendum ne  
 hæc unquam, ubi locum habere potest,  
 negligatur.

### REGULA SEXTA.

*Quoties agitur de rebus extra nos exi- 965.  
 stentibus, & quarum Cognitio ad Eviden-  
 tiam Moralem pertinet (455. 478.),  
 nunquam debemus Conclusiones, quamvis  
 valido Ratiocinio ex ideis veris deductas,  
 ad res ipsas applicare, nisi ex Observationi-  
 bus constet, non aliud quid, quod in Ratio-  
 cinio non fuit consideratum, impedire quò  
 minùs Conclusio procedat.*

Multa

966. Multa nos latent, quæ pertinent ad res de quibus hîc loquimur; & facîle quid, quod ignotum est, potest mutare Conclusionem, quæ sequitur ex ideis solis consideratis; sed quæ, cùm de re ipsâ agatur, solæ considerari non debuissent. Exemplum superiùs memoratum (41.) regulam hanc illustrat. Aliud & hîc nunc addam.
967. Pixis datur lignea; hac includi posse globum datum ferreum, ex notis pixidis figurâ, & magnitudine, ut & globi diametro, concludi potest; sed conclusio determinato globo applicari non poterit, si hic candens fuerit.

## C A P U T XXXIV.

*De Usu Hypothesum.*

968. **M**ultæ dantur res, quas dum examinare suscipimus, nullam detegimus viam apertam, quâ directè ad certitudinem pervenire possimus. Tunc probabi-

babilitas quærenda est; sed sæpè neque hoc conceditur, nisi per Hypotheses, quæ tamen aliquando ad talem deducunt probabilitatem, ut pro certitudine habenda sit (627.).

Quomodo in hisce procedendum sit; nunc dicam, ne abusus Hypothesium pro ipso usu habeatur.

Per Hypothesin intelligimus figmentum aliquod, quo Quæstioni propositæ respondetur.

Respectu hujus ficti responsi, agendum, quasi verum esset; ratiocinia autem ita dirigenda sunt, ut occasio detur explorandi, an solutio vera sit; nunquam enim huic assensum dare debemus, quamdiu non plenissimè de veritate constet.

Magnum usum hæc ratiocinandi Methodus habere potest; sed plerumque eam miserè abutuntur homines.

#### REGULA PRIMA.

*Accuratè subjectum, circa quod versatur* 972.

*Quæstio, examinandum est; Et hujus cognitio satis ampla desideratur.*

Ufu

973. Uſu venit ratiocinandi Methodus de quâ agimus, quando cauſam quærimus illorum quæ obſervamus, ſive agatur de actionibus hominum, ſive de rebus aliis quibuſcunque.
974. Omne quod per Hypotheſin detegimus, probabile tantum eſt. Magnitudo autem probabilitatis pendet à numero circumſtantiarum, quæ explorari poſſunt; ita ut, niſi plures dentur, probabilitas nunquam magna ſit; poſito autem majori harum numero, omne dubium removeri poſſit (627.):

## REGULA SECUNDA.

975. *Inter circumſtantias, debemus quaſdam ſeligere præcipuas, quæ nempe præ aliis aliquid notabile habent.*
976. Hoc fit cum in finem, ut has circumſtantias ante alias examinemus.

## REGULA TERTIA.

977. *Ex his, iterum una ſeparatur; & quæ-  
runtur quidam modi, quibus locum hæc ha-  
bere poteſt.*
- Id



Id est, quærimus quasdam causas, ex quibus hæc circumstantia deduci queat.

#### REGULA QUARTA.

*Examinandum an, inter has causas, 978. quedam detur, ex quâ reliquæ circumstantiæ, ex præscripto Regulæ secundæ separatae, sequantur; si talis detur, ipsa efficit Hypothesin explorandam.*

Exemplum. Hugenus, cū Plane- 979. tam Saturnum sæpiùs observasset, & vidisset, hunc aliquando rotundum, sæpiùs ansis munitum apparere, latitudinemque ansarum variari, & peculiares circumstantias horum Phœnomenorum notasset, horum omnium quæsivit causam. Examinando modos, quibus hæc ansæ explicari possent, detexit, globum, ad distantiam circumdatum annulo, commune centrum cum globo habente, ansis armatum apparere, quarum latitudo major aut minor est pro diverso oculi situ.

Deinde reliquas perpendendo circumstantias percepit, globulum talem rotundum apparere, id est, ansas, evanescere, fi

fi planum annuli tenuē sit, & ita positum, ut continuatum per oculum transiret; aut si non illuminetur superficies, supra quam oculus elevatur. Posuit tunc vir ille perspicax Hypothesin hanc explorandam; *Annulo tali Saturnum circumdari.*

980. Sæpè contingit, inter causas quas perpendendas suscepimus, nullam dari, quæ reliquis circumstantiis, separatis (975.); satisfaciāt; tunc aliæ causæ quærendæ sunt, & quidem successivè omnes causæ, quas singulæ circumstantiæ suppeditare possunt, considerandæ sunt, donec una detegatur, quæ circumstantiis omnibus satisfaciāt. Peculiaris sagacitas, ut in detegendis ideis mediis (870.), & hîc desideratur; quamvis aliquando, felici casu, sponte quasi nobis occurrat illud quod quærimus.

#### REGULA QUINTA.

981. *Exploratur Hypothesis, hanc applicando omnibus aliis circumstantiis notis; ut constet, an & hisce omnibus satisfaciāt.*

Ubi

Non satis hoc est, Hypothesin solis satis-982.  
facere circumstantiis separatis; si non quo-  
que omnibus reliquis conveniat, rejicien-  
da est. Si verò & his satisfaciât, à nume-  
ro circumstantiarum pendebit iudicium  
de ipsâ Hypothesi. Si enim minor sit  
hicce numerus, suspicio dari poterit,  
aliam fortè dari posse Hypothesin, quæ  
eodem modo Phænomenis respondeat;  
crescente autem Phænomenorum nume-  
ro, suspicio omnis sæpè evanescit (627.).  
Acquiescendum tunc erit; & quod in  
initio, ut fictum tantùm considerari po-  
tuit, nunc pro plenissimè probato haben-  
dum erit.

Si minor sit circumstantiarum nume-983.  
rus, indicata suspicio, usu regulæ sequen-  
tis, frequenter removetur.

#### REGULA SEXTA.

*Ipsa Hypothesis est examinanda, & ex 984.  
hac consequentiæ deducendæ sunt, ut nova  
Phænomena detegantur; & explorandum,  
an hæc reverà locum habeant.*

V

Hy:

985. Hypothesis de annulo Saturni non tantum explicabat Phœnomena jam observata, & cum minimis circumstantiis conveniebat; sed Phœnomena, ex hac ipsâ Hypothesi deducta, in cœlis postea fuisse observata; ita ut Hugenius apparentias Saturni prædixerit, harum singulorum tempora determinaverit, quibus omnibus extra dubium posuit, quæ de annulo ipse primum finxerat.

986. Quando, neque auxilio regulæ ultimæ, numerus Phœnomenorum satis augeri potest, ut omnis scrupulus removeatur, Hypothesis inter incerta aut verisimilia relinquenda erit, prout hujus probabilitas minor aut major est; quod ab ipsis phœnomenis, & ab horum numero pendet.

987. Videmus, ratiocinium Hypotheticum ad certitudinem deducere posse; & illos errare, qui talia omnia ratiocinia ad probabilitatem referunt.

988. Magis autem errant, qui ratiocinium, ex observatis phœnomenis, immediate de-

deductum, ad Hypotheses referunt, ut deindè ipsi tantum probabilitatem concedant.

In hunc errorem multi incidunt, dum 989. loquuntur de Newtonianâ Phœnomenorum cœlestium explicatione; hanc pro Hypotheticâ habent, cum vir ille summus nihil posuerit, quod non, ratiocinio Mathematico, ex indubitatis Phœnomenis fuerit deductum; nullâ admissâ, ne quidem explorandâ, Hypothesi.

Ars ratiocinandi per Hypotheses præ-990. cipuè locum habet, ubi determinare suscipimus, quid homines in Mente habeant, & quid ipsos ad agendum impellat.

Circa quod tamen observandum est, 991. non tale quid tentare debere illum, qui separatus à cœtu hominum vixit, aut qui cum paucis tantum res discutiendas habuit; licet totam vitam, in legendis quæ de factis hominum scripto consignata fuerent, consumserit.

Ad hoc quoque seriò attendendum est, 992. nunquam, nisi ex circumstantiis notis,

## 308 INTRODUCTION

esse ratiocinandum, minimasque sæpè, hisce ratiociniis, maximum lumen affundere. (693.)

## CAPUT XXXV.

*De Occultis Literarum Notis enodandis.*

993. **R**egulæ, præcedenti Capite expositæ, peculiarem usum habent, in legendis quæ, occultis notis, fuere involuta.

Pauca de hac arte hîc memorare non ingratum fore credidi, quia notabilia admodum dat specimina de detegendo Vero, auxilio ratiociniorum in initio admodum incertorum; quæ tamen, nunc unam, tunc alteram Hypothesin fingendo, quasi tentando, Veritatis januam tandem aperiunt.

Regulis, quas in præcedendi Capite dedimus, hæc addenda est:

994. *Ante omnia catalogum notarum esse efficiendum, singulis adscribendo, quoties in scripto enodando reperiantur.*

Sæ-

Sæpè quidem non magnum lumen ex-  
indè deducitur; sed nihil, in negotio ar-  
duo, negligendum est.

Ut regulæ primæ Cap. præcedentis 995.  
(972.) satisfiat, requiritur, 1. ut lingua  
ipsius scripti solvendi nota sit, & ut hanc  
benè intelligamus: affirmare enim non  
dubito, impossibile omninò esse, scrip-  
tum legere, si agatur de Linguâ, quam  
non intelligimus; quamvis Vietam hanc  
artem calluisse, memoriæ proditum sit.

2. Desideratur, ut in scripto pleræ 996.  
que notæ, variis vicibus, repetantur;  
in harum enim situ respectivo, quæ-  
rendæ sunt circumstantiæ examinan-  
dæ.

Breve quidem scriptum enodari po- 997.  
test, si singulæ literæ, unicâ tantum no-  
tâ, exprimantur; præcipuè si verba sint  
separata: ubi autem plures sunt notæ,  
dum duæ aut tres eandem literam expri-  
munt, & literæ duplicatæ, aut quæ sæ-  
pius conjunguntur, etiam peculiari notâ

designantur, quod ad integra quædam verba quoque referri potest; tunc longius desideratur scriptum, & eò magis extensum, quò major est notarum numerus, ut harum singularum significatio extra dubium ponatur.

998. Regulæ secundæ (975.) applicatio fit, observando quæ in situ notarum peculiariora dantur; ubi iidem characteres redeunt, aut in variorum dispositione, convenientia quædam datur.

999. Ut hæc applicatio, secundæ regulæ, clariùs pateat, exemplum proponam, non quidem ex facillimis, sed satis simplex tamen: Lingua est Latina, & mutata literarum significatione, est involutum.

1000. Non autem interest, an literæ ita adhibeantur, an numeri, aut signa quæcunque; ratiocinandi Methodus eadem est.



# AD PHILOSOPHIAM. 311

abcdefghijklmkneghdeihkfb 1001.  
ceeficlahfcgfgoinbhfbhtceikffm  
fpimfhiabceqibebieacgbfbcbgpi  
gbgrbkdghikfsmkhitefm.

Primùm, in catalogum refero literas, 1002.  
& noto quoties singulæ redeant; pri-  
masque pono, quæ sæpiùs reperiun-  
tur.

f. 14.	g. 10.	m. 5.	n. 2.	r. 1.	1003.
i. 14.	c. 9.	a. 4.	p. 2.	f. 1.	
b. 12.	h. 8.	d. 3.	o. 1.	t. 1.	
e. 11.	k. 8.	l. 2.	q. 1.		

Obferuo novemdecim tantùm dari 1004.  
characteres, inter quos quinque femel  
tantùm reperiuntur. Concludo, pro fin-  
gulis literis, unicam tantùm adhiberi no-  
tam.

Ut quæ fequuntur faciliùs intelli-1005.  
gantur, fcriptum hìc exhibeo repeti-  
tum, & in quo majufculis literis loca,  
de quibus in fequentibus fit mentio,  
notantur.

1006.  $\begin{array}{c} \text{A} \quad \text{B} \\ \hline \text{a b c d e f g h i k f: } \text{I m k g n e} \\ \text{h d g e i } \text{h e k f: } \text{b c e e f i c l a h} \\ \hline \text{f e g f g o i n e b } \text{h f b y i c e i k f:} \\ \hline \text{f m f p i m f y i a b c q i b c b i e i e} \\ \hline \text{a e g b f b c b g p i g o g r b h d} \\ \hline \text{g h i k f: } \text{g m k h i t e f m.} \end{array}$

1007. Observo nunc loca notabilia, & quidem pauca præcipua; & detego, quinque literas g h i k f eodem ordine bis reperiri (B.M.). In alio loco, iterum repeti i k f (F.). Tandem percipio, h e k f (C.) cum h i k f (B. M.) relationem habere.

1008. Hæc loca noto; & concludo, probabile esse, in his quatuor locis voces terminari; quod etiam, positis punctis, indicandum est.

1009. Tres ultimæ regulæ promiscuè applicandæ sunt; & conferendo quæ in situ cha-

characterum observamus, cum iis quæ de ordine literarum, in vocibus Latinis, novimus, Hypotheses sunt formandæ; & hæ singulæ, ipsas applicando aliis locis scripti propositi, examinari debent.

Dicam nunc, quibus ratiociniis scriptum præcedens (1001.) à me olim fuerit solutum; sed illa tantum notabo quæ, in enodandis notis occultis, usum habuere, rejectis omnibus quæ inutilia fuere.

Confero h i h f (B. M) cum h e h f (C). 1010. Terminantur voces in his locis (1008). Vulgares autem sunt in Linguâ Latinâ terminationes, in quibus, inter quatuor ultimas literas, solæ penultimæ differunt, quæ in eo casu plerumque sunt vocales. Conjectura hæc, i & e esse vocales, confirmatur, quia characteres hi inter illos reperiuntur, qui frequentius redeunt (1003.).

Ergo, i & e probabiliter sunt vocales. 1011.

Initium vocis habetur in f m f (G. 1012. 1008.); ergo, m aut f est vocalis: sed m quinquies tantum reperitur, & f decies

V f

&

### 314 INTRODUCTION

& quater (1003.); idè major est probabilitas pro hac ultimâ.

1013. Ergò, *f* probabiliter est vocalis, & *m* consonans.

1014. Perpendo locum *g b f b c b g* (K.). *f* est vocalis (1013.); ergò, *b* consonans; quare & *c* vocalis erit.

1015. Noto idè, *c* probabiliter esse vocalem, & *b* consonantem.

1016. In *g b g r b* (L.) tres dantur consonantes, nempe *b/b/* (1015.), & *r/* quia semel tantum in scripto habetur (1003.)

1017. Ergò, *g* probabiliter vocalis est.

1018. Conclusiones has omnes tantum inter probabiles pono, quamvis ultimæ clarè ex præmissis sequantur; sed omnium fundamentum (1012. 1013. 1014.) probabile tantum est.

1019. In *f c g f g* (D.) quinque habemus vocales (1013. 1015. 1017.); sed hoc nunquam contingit eo ordine; quamvis ponamus *v* & *u* eodem charactere designari, ut & *j* & *i*; quod ex numero characterum concludi potest (1004.): falsum ergò,

ergò, est principium (1012) ex quodē-  
duximus *f/c/g*/ esse vocales. Ergò, af-  
firmamus, *f* non esse vocalem, sed mēsse  
talem; & hoc nunc pro certo habemus  
(1012.).

Ponimus nunc, *m* esse vocalem, & *f* 1020.  
consonantem.

Hinc sequitur, *h* esse vocalem (1014). 1021.

In *g b f b c b g* (K) habemus locum no- 1022.  
tabilem, in quo eadem vocalis ter repeti-  
tur, unicā singulis vicibus interpositā li-  
terā. Ita nunc scribo vocales,

. a . a . a .  
. e . e . e .  
. i . i . i .  
. o . o . o .  
. u . u . u .

& supplendo consonantes, quæro an quid  
detegere possim, quod ad Latinam Lin-  
guam pertineat. Statim occurrunt *lege-*  
*re*, *edere*, *emere*, &c. etiam detego *ama-*  
*ra*, *si tibi*; fortè alia reperirem, sed hæc  
nondum quæro; quia percipio, *e* frequen-  
ter admodum ita ter repeti.

Ergò, *h* probabiliter est *e*.

1023.  
Tunc

# 316 INTRODUCTION

1024. Tunc quoque *e* probabiliter est *r*.

1025. Scribo q <sup>e r e</sup> i b c b i e i e (I), notatis  
 characterum significationibus detectis.  
 Ulteriùs i & e sunt vocales (1011.); sed  
 ita disponi hæ non possent, nisi una pro  
 consonante usurparetur, id est, esset *j* aut *v*.  
 Si ponam *j*, nihil detego; si ponam *v*,  
 statim habeo *revivi*.

1026. Ergò, i probabiliter est *v*.

1027. Et *e* probabiliter est *i*.

1028. Eundem locum nunc scribo cum iis,  
 quæ præcedunt, & sequuntur;

<sup>u e r u e r e v i v i</sup>  
 i a b c q i b c b i e i e a c

& lego *uterque revivit*.

1029. Ergò, a est *t*, & q est *q*

1030. Nunc in hoc alio loco, etiam noto si-  
 gnificationes detectas

<sup>e u r i u</sup>  
 h f b h i c e i h f (E. F.)

& lego *esuriunt*.

1031. Ergò, h est *s*, h est *n*, & f est *t*. Sed  
 jam vidimus; a esse *t* (1029); idcir-  
 cò, determinandum ubi major detur  
 pro-

probabilitas. Quater in scripto occurrit *a*, & *f* decies & quater (1003.); inter consonantes autem *t* frequentissime adhibetur, in sermone latino: præterea, *i* & *f* ter reperitur (B. F. M.), & *unt* est usitata terminatio latina.

Ergò, habeo *f* pro *t*; & de novo quærenda erit ipsius *a* significatio, ut & ipsius *q*; interea tamen ad alia transire possumus.

Habuiamus antea, *m* esse vocalem (1033; (1020.); jam detectæ sunt *e*, *i*, *u*;

Ergò, *m* est *a*, aut *o* (1004.). 1034.

Ideò, ita scribo loca G. & H. 1035.

*t a t u a t s u*

*t o t u o t s u*

*f m f p i m f h i*

Manifestum est, legendum esse

*Tot quot su —*

Ergò, *m* est *o*, & *p* est *q*. 1036.

Addo locum in N. 1028. examina- 1037.  
tum, rejectis significationibus ibi detectis (1032.) & habeo

*Tot quot su. er. uere vivi.*,  
& lego *tot quot supersuere vivi p.*

Cor.

# 318 INTRODUCTION

1038. Corrigo nunc errores N. 1028 & 1029.  
jam detectos (1032); & habeo, a est p,  
& q est t.

1039. Initium scripti est

p e r i t s u n t  
a b c d e f g h i k l

clarè patet, legendum esse *perdita sunt*.

1040. Ergò, d est d, & g est a.

1041. Nunc de iis quæ hucusque detecta sunt  
non dubito; & in catalogo notarum, cum  
in finem effecto, ut notis detectas adscri-  
berem significationes, hæc habeo,

a. p	e. i	i. n	n.	r.
b. e	f. t	k. n	o.	g.
c. r	g. a	l.	p. q	t.
d. d	h. s	m. o	q. f	

1042. Facile quæ deficiunt deteguntur, si;  
inter lines scripti propositi, characterum  
detectæ notentur significationes.

1043. *Perdita sunt. o n a. inda ius in te*  
*ab c d e f g h i k l m n o p q r s t u v w x y z*  
*riitur. p s t r a t a. n. i e s t e s u r i u n t o*  
*c e e f i c l a b f c g f g o i n e b h f b h i c e i k f f m*  
*t q u o t s u p e r f u e r e v i v i p r a e t e r e a q u*  
*f p l m f h i a b c q i b e b i e t e a c g b f b c b g p i*  
*a e a. e n d a s u n t. o n s u. i t o*  
*a b g r b k d g h i k f g m k h i t e f m.*

Vi-



Videmus legendum esse, *Perdita sunt* 1044.  
*bona.*

Ergò, *l* est *b*.

Si nunc pro *l* ponatur *b* in alio loco 1045.  
ubi reperitur, habemus *urbp*, debuisset  
esse *urbs*, ut hoc spontè patet.

Facile percipimus, *strata. u. i est*, de- 1046.  
bere legi *strata humi est*.

Ergò, *n* est *m*, & nomen proprium 1047.  
in primâ lineâ est *Mindaius*; ubi quoque  
vitium datur, nam agitur de Mindaro.

Supersunt nunc tantùm *r/s/t*; sed in 1048.  
his detegendis nulla datur difficultas, &  
hæc habemus.

*Perdita sunt bona. Mindarus interiit.* 1049.  
*Urbs strata humi est. Esuriunt tot quot  
superfuere vivi. Præterea quæ agenda  
sunt consulito.*

Exposui exactè viam quam ipse secu- 1050.  
tus sum, in solvendo hocce scripto, reje-  
ctis inutilibus omnibus; circa quæ obser-  
vandum, plura talia necessariò tentari exa-  
mina; quia rarò statim incidimus in lo-  
cum, ex quo, ratiocinando ex jam dete-  
ctis,

ctis, novum lumen elicere possumus. Inter media illa examina fuere prætermiſſa.

1051. Non etiam omnia, quæ ad peculiaria exposita examina pertinent, notavi; affirmavi (1019) nunquam quinque vocales hoc ordine disponi fcgfg: demonstrationem non adjeci; hanc nunc dabo.

1052. Tres primæ literæ determinant ultimas, sed ex quinque vocalibus tres eligi possunt decem modis, & in singulis electæ literæ ordine diverso, sex modis, disponi possunt.

Ergò, sexaginta tantùm dantur vocalium dispositiones, quæ huic literarum ordini fcgfg respondent: examinatis autem hisce sexaginta dispositionibus, in quo difficultas nulla datur, patet non agi in hoc loco de tribus vocalibus.

1053. Sæpè confugere debemus, ad, huic similes, ordinis literarum mutationes; quare illa novisse requiritur, quæ de his apud Mathematicos explicantur.

Su-

Superiùs vidimus, notas multiplicari 1054.  
 posse (997.); tunc in enodando scripto  
 major est difficultas, præcipuè si plures  
 sint notæ diversæ, quibus literæ, quæ  
 frequentiùs occurrunt, designantur; alia  
 etiam peculiaria artificia adhiberi possunt,  
 ut difficultas augeatur, quibus omnibus  
 examina inutilia admodum multiplican-  
 tur; sed vix possibile est, in longiori  
 scripto non tale quid reperiri, ex quo,  
 conferendo inter se varia loca, aliquid  
 deduci queat, quod notarum significatio-  
 nem spectat; & minimum quid plerum-  
 que sufficit, ad integrum arcanum dete-  
 gendum.

In tertio Tomo Operum Wallisi 1055.  
 exempla scriptorum talium exhibentur,  
 adjectis explicationibus; sed solutionum  
 methodi desunt, quas tradere, ubi de diffi-  
 cilibus scriptis agitur, possibile vix est.

Ars hæc usum peculiarem habere po- 1056.  
 test; cùm hujus praxis ad eundem finem  
 deducat, quem antea indicavi (871.), &  
 ad quem Algebræ studium commendavi  
 X (874.).

(874.). Hicque hodiè solus ipfius ufus effe poteft, cùm varii fcribendi modi dentur, nullâ arte humanâ folvendi, ab iis qui *clavem*, ut vocant, non habent.

## C A P U T   X X X V I.

*De Methodo Synthetica.*

1057. **S**YNthetica Methodus ufu venit, quoties aliis quæ in Mente habemus explicare fufcipimus.

1058. Vulgo notum eft, quantum ejufdem rei explicationes variæ diverfè auditores, aut lectores, afficiant; cùm clarè unam percipiant, & aliam non intelligant; quamvis iifdem nominibus res eadem defignentur, & nihil in unâ detur, quod non in aliâ reperiatur. Differentia in folâ Methodo quærenda eft.

## R E G U L A   P R I M A.

1059. *Verba in quibus obfcuritas, quantumvis exigua, datur, ante omnia explicanda funt.*  
Inu-

Inutiliter enim quis res aliis explicat, 1060  
 si hi verba, quibus illæ exponuntur, non  
 intelligant.

Quid sit Definitio superiùs habuimus 1061.  
 (329.). Definitio alia est nominis, alia  
 rei. Quo sensu prima arbitraria sit, etiam  
 habuimus (330.).

In utraque Definitione, agitur de ideâ 1062.  
 determinandâ; siue hæc sit idea, quam  
 nos voce peculiari exprimere decrevimus,  
 ut in Definitione nominis; siue agatur  
 de ideâ rei determinatæ, quod in Defini-  
 tione rei desideratur.

Idea hæc ita determinanda est, ut ab 1063.  
 omni aliâ distinguatur; hic enim est  
 Definitionis scopus, quæ nihil præterea  
 continere debet, ne in confusionem in-  
 cidamus.

Cavendum autem ne, in ipsis Defini- 1064.  
 tionibus, utamur verbis obscuris; si hoc  
 evitari non possit, horum verborum De-  
 finitiones præmittendæ sunt.

Definitiones non spectant ideas simpli- 1065.  
 ces (327.). Quæ ad has pertinent non

possunt illis explicari qui ipsas non aliundè habent.

1066. Verborum explicationes præcipuè necessariæ sunt, ubi agitur de rebus, aut verbis usitatis, sed quorum notiones non satis determinatæ sunt; quamvis, in hoc casu, Definitiones plerumque negligantur. *Ens, Nihil, Perfectio, Voluntas, Libertas, Inertia, &c.* non ab omnibus, eodem sensu, intelliguntur.
1067. Ubi Definitio proposita est, non alio sensu in ratiociniis adhiberi debet verbum definitum; ita ut nullibi sensus mutetur, quando Definitio ipsi definito substituitur.
1068. Non necessariò Definitiones omnes ante omnia alia proponendæ sunt; satis est si verba explicentur antequàm ipsis utamur, si modò observemus, ratiocinium Definitione nunquam esse interrompendum.
1069. Explicatis vocibus observandum, ratiocinium nullum dari posse; in quo non ad minimum duæ Propositiones consideren-

rentur (697.), & quidem ita, ut ratiocinii Veritas à Veritate propositionum pendeat (708.).

Clarum ergò est, nihil aliis posse ratiocinando persuaderi, nisi ipsis de Veritate quarundam propositionum constet. Sed, ut circa has difficultas nulla detur, eligendæ sunt propositiones, in quibus subjectum cum attributo immediatè conferri possint; tunc nemo, qui verba intelligit, per momentum temporis circa has in dubio hærerere potest (400. 460.).

Talis propositio vocatur *Axioma*. Ex. 1071.  
Gr. *Pars est minor toto.*

## REGULA SECUNDA.

*Post Definitiones Axiomata, ex quibus ratiocinia deducenda sunt, clarè proponi debent.* 1072.

Dantur propositiones, quæ Axiomata non sunt, sed pro his usurpantur; quod in pluribus occasionibus necessarium est: vocare illas possumus *Axiomata respectiva*, quæ sunt propositiones, non quidem

dem per se ipsas manifestæ, sed iis quibus ratiocinia nostra proponimus plenissimè notæ; ita ut inutile foret has demonstrare.

1074. Non semper omnia ex primis principiis deduci possunt; scientiæ quædam alias pro fundamento habent, quas notas ponimus omnibus, qui prioribus animum applicare cupiunt.

1075. Non autem interest, utrùm ratiocinium deducatur ex Axiomatibus absolutis, id est, quorum veritas immediatè patet, an ex respectivis; nam in utroque casu, si ratiocinium benè sit deductum, circa conclusionem dubium dari non potest (708.).

1076. Si illa quæ explicanda habemus praxin spectent, requiritur, ut ille, quem hanc docere suscipimus, aliquid agere possit. Quis scribendi artem illum docebit, qui digitos flectere non potest?

1077. Docere praxin est explicare, quomodo actiones dirigendæ sint; sed actiones quæ dirigendæ sunt in antecessum determinari debent.

Hæc



Hæc ipsa determinatio vocatur *Postu-* 1078;  
*latum*. Ab eo, quem numerorum mul-  
 tiplicationem docere fuscipio, postulo,  
 ut numeros uno caractere expressos  
 multiplicare possit; id est, horum pro-  
 ducta memoriæ impressa habeat. Ab eo,  
 quem praxin Geometriæ docere debeo,  
 postulo, ut lineas ducere, & circulos  
 formare possit.

### REGULA TERTIA.

*Si de Praxi agatur, Postulata post A-* 1079.  
*xiomata proponenda sunt.*

Hæc tamen regula cum præcedenti ita 1080.  
 intelligi debet, ut non semper Axiomata  
 & Postulata, ante omnia ratiocinia, e-  
 nuntianda sint; satis est, ut hoc de De-  
 finitionibus monuimus, si hæc exponan-  
 tur in ipsâ serie ratiociniorum; sed ante-  
 quàm ipsis utamur, & ita, ut sine ratio-  
 ciniorum interruptione, hoc fiat.

Definitionibus, Axiomatibus, & Po- 1081.  
 stulatis, Hypotheses sæpè adduntur. Lo-  
 cum hoc habet, quando illud explicare

## 328 INTRODUCTION

fufcipimus, quod, ex circumftantiis peculiaribus pofitis, fequitur. Ratiocinium in hoc cafu eft Hypotheticum, & circumftantiæ in antecellum exponendæ funt.

Hifce præmiſſis, tranſeundum ad tractationem ipſius Subjecti propoſiti, quod per partes fieri debet.

Circa ſubjecti Divisionem, ante omnes alias, regula hæc obſervanda eſt.

### REGULA QUARTA.

1082. *Subjecti propoſiti Diviſio ita inſtituenda eſt, ut partes ſeparatim tractari poſſint.*

1083. Hoc ita intelligendum eſt, unam inter partes deſiderari, quæ ſine conſideratione reliquarum explicari poſſit: & hæc erit prima. Ex reliquis ſecunda eodem modo eligitur ita, ut ſine ſuperſtitibus tractari poſſit; & ſic de reliquis.

### REGULA QUINTA.

1084. *Diviſio quam natura Subjecti indicat, aliis*

*aliis anteponenda est; & partes hujus simpliciores, ante magis compositas, exponi debent.*

Regula hæc præcedenti subordinata 1085. est; id est, locum tantum habet, quousque cum illâ non pugnat.

Si Geometriæ elementa docere suscipiam, juxta ultimam regulam, hæc erit Divisio, & hic Ordo. Primum agendum erit de Lineis, tunc de Triangulis, & aliis Figuris rectilineis, postea de Circulis, &c; sed imperfecta admodum esset tractatio. Quæ Lineas parallelas & perpendiculares spectant, ex demonstratis de Triangulis deduci debent, &c; quare hæc Divisio, quantumvis cum naturâ Subjecti convenire videatur, rejicienda est.

Servandam tamen illam dicimus, quousque cum regulâ quartâ convenire potest. Si quæ ad Fluida, generaliter considerata, pertinent, explicare debeam; primum de Fluidis quiescentibus, postea de horum motibus, agendum erit; &

natura Subjecti hanc Divisionem & Ordinem, indicat. Sed difficultas datur; resistentia quam corpus per Fluidum motum patitur est pressio, quæ in Fluido quiescente locum habet & quæ tractari non potest, nisi explicatis primùm variis de Fluidorum motibus. Ideò, respectu hujus resistentiæ, & quidem hujus solius, à quintâ regulâ recedendum erit, ut quartam sequamur.

1088. In quibusdam occasionibus, quintam debemus sequi regulam, neglectâ quartâ; quod in eo solo casu locum habet, in quo subjectum non admittit Divisionem, quæ cum quartâ regulâ congruit. Tunc in initio quædam ponendâ sunt, quæ postea tantùm demonstrari possunt, ut hoc monuimus (581.), occasione fundamentorum Evidentiæ Moralis, quæ in præsentī casu exemplum suppeditant.

1089. Circa Divisionem ulteriùs observandum, partes, ubi hæ à nostro arbitrio pendent, quantum potest, æquales eligendas esse; in omni alio casu, ad harum  
in-

inæqualitatem, quantumvis magnam, non attendimus.

Huc quoque debemus referre quæ supra (944. 945.), occasione Divisionis, in Capite de Analyfi, observavimus.

Post expositam subjecti Divisionem, 1091. singulæ hujus partes tractandæ sunt; convenienti Ordine exponendo Propositiones, & illas demonstrando, quarum Veritas non immediatè apparet, aut non jam pro cognitâ habetur.

Omnis Conclusio, ex duabus præmissis Propositionibus, deducitur; à quarum Veritate Conclusionis Veritas pendet (708.).

### REGULA SEXTA.

*In ratiociniis Conclusiones tantum deducendæ sunt ex Definitionibus, Axiomatibus, Postulatis, Hypothesibus, & Propositionibus jam probatis.* 1093.

Nulla autem Propositio admittenda, 1094. quæ non ita probari possit; excepto solo casu in N. 1088. memorato, in quo satis est,

## 332 INTRODUCTION

est, si Propositio, sine demonstratione, admissa, postea probetur.

1095. Cavendum quoque, si Hypothesis adhibita fuerit, ne Conclusionem, quæ hypotheticè tantum vera est, pro absolute verâ habeamus.

### REGULA SEPTIMA.

1096. *Omnes Propositiones rejiciendæ sunt, quæ ad Subjectum quod tractatur non pertinent, aut quæ ad tales demonstrandas, aut saltem illustrandas, non inserviunt.*

Confusionem nunquam ab iis evitari, qui hanc regulam negligunt, experientia satis docet.

### REGULA OCTAVA.

1097. *Propositiones, quæ aliis demonstrandis inserviunt, his ultimis præmittendæ sunt.*

### REGULA NONA.

1098. *Propositiones simplices præcedere debent compositas; Et generales ante particulares tractari debent.*

Hæ

Hæ regulæ sæpè simul observari non possunt, cum frequenter contingat simplicem Propositionem ex compositâ tantum deduci posse, & Propositionem generalem, nisi demonstrato primùm hujus casu peculiari, explicari non posse; in his circumstantiis, neglectâ regulâ ultimâ, præcedentem sequi debemus.

Plura exempla in Euclide habemus; quod à quibusdam, ut defectus in Ordine, ipsi fuit exprobratum: sed hi ad subordinationem Regularum, quæ in Ordine observandæ sunt, non attenderunt.

#### REGULA DECIMA.

*Post singulas Propositiones, illæ primùm demonstrandæ sunt, quæ ex his sequuntur; postea quæ cum his relationem habent, & quidem ita, ut præcedant illæ, quarum relatio magis arcta est.*

Hujus Regulæ pars secunda ita intelligenda est, ut tantum locum habere possit, si non cum duabus præcedentibus regulis pugnet: Euclides optimo jure separavit

paravit 16. & 32. Prop. 1. Lib. Elem.; quamvis in utrâque agatur de Trianguli externo angulo.

1103. Difficultas non magna datur in observatione harum regularum; in initio tamen, antequàm hisce benè adfueti simus, harum praxis adjuvari poterit sequentibus adminiculis.
1104. Primùm debemus notare & benè determinare illud, quod explicare suscipimus, Catalogum efficiendo, qui contineat omnes Propositiones demonstrandas, breviter expressas, aut potiùs, simpliciter indicatas.
1105. Postea debemus inquirere in argumenta, quibus, nostro iudicio, omnium facillimè, & brevissimè, Propositiones hæ probari possint. Hæc argumenta continent novas Propositiones, prioribus in Catalogo addendas.
1106. Deinde Principia, ex quibus hæ ultimæ Propositiones, sive immedatè, sive per seriem Propositionum, jam Catalogo comprehensarum, deducuntur, etiam notari debent.

TAA



Tandem Verba obscura definienda <sup>1107.</sup>  
quoque indicanda sunt; ut & Postulata,  
& Hypotheses, si de his agatur (1079.  
1081.)

Omnia, quæ ita indicata sunt, nunc <sup>1108.</sup>  
observatis Regulis, in ordinem redigenda  
sunt; & quidem ita, ut pro singulis ratio-  
nem percipiamus, quare potius ad hunc,  
quàm ad alium locum, hoc ipsum refe-  
ramus.

Rebus ita dispositis, tantùm explican- <sup>1109.</sup>  
da erunt, quæ simpliciter indicata habentur;  
quod, aut perpetuâ, aut, Mathematicorum  
more, interruptâ, oratione fieri poterit.

## CAPUT XXVII.

*De Methodo discendi.*

**N**on duos dari homines, qui exactè <sup>1110.</sup>  
easdem ideas habeant, extra omne  
dubium est: si darentur, de omnibus eodem  
modo sentirent.

Nemo

Nemo inter Ideas, quas ipse habet, illas determinare potest, quæ alii homini deficiunt.

1111. De his tamen judicare debet, qui rem aliis explicare suscipit. Non enim ille omnes ideas potest memorare, ad quas attendit; innumeræ vulgares sunt, quas ideò ponit aliis quoque præsentem fieri, ubi occasio datur; sed facilè circa has error dari potest, quia frequenter homines sibi persuadent, alios non ignorare quæ ipsis quotidiana sunt.
1112. Hæc est causa quare illa quæ expontur, quamvis hoc clarè & distinctè fiat, non semper eodem sensu quo traduntur, accipiuntur ab iis quibus explicantur; ideò hi non semper integram vim argumentorum percipiunt: & quis determinabit ubi defectus detur?
1113. Hac de causâ sæpiùs cognitionem rei tantùm acquirimus, repetitis examini-  
bus; & inter se conferendo variorum auctorum, sive concurrentium, sive dissentientium, opiniones. Singuli quidem

dem quasdam ideas negligunt, quas notas ponunt; sed non easdem omnes negligunt, ita ut, tali collatione, tandem acquiramus omnes ideas, quæ ad perfectam subjecti intelligentiam necessariæ sunt.

Non autem satis est, quæ ab aliis nobis explicantur, intellexisse; proposita argumenta meditatione nobis quasi propria fieri debent; ut, quas acquirimus, cognitiones cum iis, quæ nobis aliundè nota sunt, cohæreant. 1114.

Propositio mihi proponitur, argumenta mihi valida apparent, ipsam admitto; sed non percipio, hanc cum aliâ pugnare, quam pro verâ habeo. Novam tamen admittere non possum, nisi antiqua, cum omnibus cohærentibus, iterum examinata fuerit. Error datur; sed ubi? hoc determinandum, aut in dubio herendum est. (666.) 1115.

Si ad hæc homines attenderent, non tot opiniones inter se pugnantes admitterent.

Y

Multi

1116. *Multi memoriæ tantum imprimunt, quæ audiunt, aut legunt. Argumentis sæpius utuntur, quorum debilitatem in aliis occasionibus agnoscunt, dum argumenta omnino similia, sed alii subjecto applicata, rejiciunt.*

Sequentes autem regulæ illum adjuvare poterunt, qui veram rerum cognitionem acquirere ferò sibi proponit.

R E G U L A   P R I M A.

1117. *Ubi primum Scientiæ animum applicamus, laborare debemus ut acquiramus ideas, quæ ad hanc pertinent, & quidem quo possumus meliori ordine dispositas, ita ut generalem quandam ideam totius Scientiæ habeamus.*

1118. *Hæc prima cognitio propriè memoriam spectat; de ratiociniorum firmitate nondum agitur. Lectione hanc cognitionem acquirimus, aut audiendo Magistrum, & quamvis hæc tantum historica sit, ferò nihilominus conari debemus ut mentem assequamur illius, qui Scientiam*

tiam nobis explicat: nullam autem veram possumus sperare scientiam, antequàm tale generale Systema memoriæ impressum sit. Qui ædificium exstruere sibi proponit, in antecessum materiam paratam habere debet.

## REGULA SECUNDA.

*Post indicatum primum, secundum 1119.*  
*Scientiæ incundum est examen, ipsius fundamenta perpendendo, & vim argumentorum examinando; aliundè quærendo quid his opponi possit, & quo ipsis major vis communicetur; nullumque in hoc secundo examine admittendum argumentum, cujus vis non clarè percipiatur.*

Qui has adhibet cautelas, nunquam argumentum in uno casu admittit, cujus simile in alio rejicit. 1120.

## REGULA TERTIA.

*Ubi jam quis certas, quæ ad propositionem 1121.*  
*tam Scientiam pertinent, acquisivit Ideas, ad harum relationes, & ad Propositionum*

*connexiones, peculiari modo attendere debet, ut ordine hæc omnia disponat, & sibi, quasi proprium, efficiat Scientiæ Systema.*

1122. In hac ordinatione, regulæ in Capite præcedenti explicatæ magnum usum habent.

1123. Qui hanc tertiam Regulam sequetur, facilè determinabit, quid certum, quid incertum in Scientiâ detur; quod clarum est facilè separabit ab obscuro.

1124. Qui eâ cum curâ studio literarum mentem tradit, facilè diversarum Scientiarum relationes percipit; & omnia, quæ ipse novit, cohærent inter se.

#### REGULA QUARTA.

1125. *Quando quis postea novas acquirit, circa hanc ipsam Scientiam, ideas, has referre debet ad illas, cum quibus relationem habent.*

Non satis est novas acquirere ideas, quæ ad Scientiam, cui animum applicavimus, pertinent; cavere debemus, ne

ex

ex his confusio oriatur, dum iis quas ante acquisivimus junguntur.

Ad Systema, quod jam in mente habemus, novæ ideæ referri debent, & singulis proprius quasi locus est assignandus; quod attentâ meditatione fieri debet, quâ ipsâ frequenter alia nova deteguntur.

### REGULA QUINTA.

*Paratus, ad corrigendos errores, animus servandus est.* 1127.

Quâcunque cum curâ rerum examini animum applicemus, ubi agitur de integrâ Scientiâ, vix possibile est omnia, eâdem attentione, perpendere; & errores omninò omnes effugere, suprafhumanum est.

Continua ideò, ad corrigendos errores, desideratur attentio. Nunquam examen illorum declinare debemus, quæ, ad evertendas opiniones nostras, aut contrarias defendendas, proponuntur.

Nunquam, quando contrariam sen-

tentiam perpendimus, Propositionem rejicere debemus, hac solâ de causâ, quia cum nostro Systemate non congruit; sed ipsa Systematis contrarii fundamenta examinanda sunt: si enim valida essent, & nostri Systematis debilitatem demonstrarent, hoc ipsum rejiciendum foret.


*Libri Secundi Finis.*





n re-  
quia  
ruit;  
amen-  
da ef-  
tracem  
ndum

A P P E N D I X  
D E A R T E  
A R G U M E N T A N D I.



# A P P E N D I X D E A R T E A R G U M E N T A N D I.



## C A P U T I.

*Generalia de Syllogismo, hujusque Propositionibus & Terminis.*



**I**N Capite XX. Logices de Ra- 1131  
tiorcinio quædam habuimus;  
& vidimus hoc locum habere,  
quando duæ ideæ, auxilio  
ideæ mediæ, conferuntur; hacque  
collatione formari Argumentum, diximus.

Quando, hoc fit modo omnium simplicissimo, quem in N. 697. exposuimus, Argumentum vocatur *Syllogismus simplex, & perfectus*. 1132.

Y 5

Dixi.

Diximus, peculiarem dari, de formandis Argumentis, & de horum validitate judicandi, Artem; hujusque brevem promissimus explicationem (711.). hanc nunc dabimus.

1133. De *Syllogismo perfecto* primum agendum nobis erit, postea de aliis Argumentorum speciebus, aut *Syllogismis imperfectis*.

1134. In Syllogismo tres dantur *Termini*, *Major*, *Minor*, & *Medius*. *Terminus major* dicitur etiam *Majus extremum*; sequens *Minus extremum* est; & *Medius* simpliciter *Medium* vocatur.

1135. In Syllogismo tres quoque sunt *Propositiones*; *Major*, quæ etiam simpliciter *Propositio* vocatur; *Minor*, quæ *Assumptio* dicitur; hæ duæ sunt Præmissæ; tertia est *Conclusio*. De his omnibus vide supra (697--701.).

Ut illa explicemus quæ ad Propositiones Argumentorum spectant, iis, quæ in Logicâ de Propositionibus habuimus, quædam alia nunc addenda erunt.

Atten-

Attendendo ad quantitatem & qualita- 1136.  
tem Propositionum, has in quatuor clas- 3  
ses dividi, antea vidimus (419.). Hæ qua-  
tuor hisce literis designantur A, E, I, O.

A, indicat Propositionem Universalem 1137.  
affirmantem.

E, Universalem negantem.

I, Particularem affirmantem.

O, Particularem negantem.

*Propositio Universalis continet particu-* 1138.  
*larem ejusdem naturæ:* in omnibus homi-  
nibus quidam continentur. A continet  
I, & E continet O.

Regula hæc, si affirmativis Proposi- 1139.  
tionibus applicetur, vocatur *Regula*, aut  
*Dictum, de Omni*. Si de negativis Pro-  
positionibus agatur, est *Regula*, aut *Di-*  
*ctum, de Nullo*.

Ab universalitate, aut particularitate 1140.  
Subjecti, pendere universalitatem aut  
particularitatem Propositionis, ex ante-  
dictis (414. 415.) sequitur.

Ergo, *Subjctum Propositionis univer-* 1141.  
*salis universale est; & Subjctum Propo-*  
*sitionis*

*sitionis particularis particulare est.*

1142. Præterea, *Attributum Propositionis affirmantis est particulare*; quia affirmatio nunquam nisi partem Attributi spectat. *Omnis homo vivit*; non de omni vitâ hîc agitur.

1143. *Attributum Propositionis negativæ semper universale est*; quia ab Attributo, quantum potest extenso, separatur Subjectum. *Quidam homo non est albus*; agitur hîc de omni albedine.

Ex hisce sequentes deducuntur conclusiones.

1144. *Propositio universalis negativa, & quidem hæc sola, ambos Terminos universales habet (1141. 1142.).*

1145. *Propositio particularis affirmans, & hæc sola, Terminos ambos particulares habet (1141. 1142.).*

1146. *Propositio universalis affirmans, aut particularis negans, unum, & unum tantum, Terminum universalem habet, Terminos enim ambos, neque universales (1144.) neque particulares (1145.) habet.*  
E

*Et Propositio affirmans, quæ unum Ter- 1147.  
minum universalem habet, est universalis  
(1141. 1142.)*

*Propositio negans, quæ unum tantum 1148.  
Terminum universalem habet, est particu-  
laris (1141. 1143.).*

Ex hisce Propositionibus deducimus  
Regulas, quibus determinamus, an Con-  
clusio Syllogismi ex Præmissis sequatur;  
& quæ ipsæ nos docent, quid in Syllogis-  
mi constructione observandum sit.

## CAPUT II.

### *De Syllogismorum Regulis.*

**I**N Syllogismi Conclusionem, Majus 1149.  
Extremum ad Minus Extremum re-  
fertur: ut hoc autem fiat, in Majori Pro-  
positione, cum Majori Extremo confer-  
tur Medium; quod ipsum, in Minori  
Propositione, etiam confertur cum  
Minori Extremo (697.).

Hæ sunt de hisce collationibus Re-  
gulæ.

#### I. In

1150. I. *In omni Syllogismo, tres dantur Termini, & tres tantum; qui singuli bis, & tantum bis, adhibentur (713. 1149).*

Ita ut, in tribus Propositionibus tamen, habeamus sex Terminos.

1151. II. *Medium nunquam, neque in totum, neque pro parte, ingreditur Conclusionem (697.).*

1152. III. *Mediam, ad minimum, semel universaliter sumi debet (714.).*

1153. IV. *Termini Conclusionis in hac ipsa non magis extendendi sunt, quam in Præmissis.*

Id est, Terminum qui in Præmissis particularis est, non universaliter in Conclusionem sumi posse: hæc enim illud tantum continere potest, quod in Præmissis cum Medio fuit collatum (708.).

1154. Observandum autem, si Terminus minor Conclusionis, in ipsa Minore, universalis sit, quodcumque de eo probatur, non potius ad unam, quam ad aliam hujus partem, referri debere; ergò, cum sit Subjectum Conclusionis, ad quod affir-



affirmatio, aut negatio refertur, in Conclusionem etiam Universalis erit, & huic Universalitatem communicabit (1141.).

V. *Ex duabus Negantibus nihil concluditur.* 1155.

Medium in Præmissis ab utroque Extremo separatur; unde non sequitur, inter se conjungi, aut separari, hæc Extrema.

VI. *Ex duabus Propositionibus Affirmativis non deducitur Conclusio Negativa.* 1156.

Duos Terminos separari nunquam patet ex eo, quòd cum Medio ambo cohæreant.

VII. *Conclusio semper sequitur deteriore rem partem.* 1157.

In Qualitate Negatio, in Quantitate Particularitas, est pars deterior.

Conclusionem Affirmativam esse, id est, hujus Terminos cohærere, Medium demonstrare nunquam poterit, si hoc ab alterutro separaretur; quare Conclusio talis cum alterutrâ Præmissarum Negativa subsistere non potest.

Conclusionem esse particularem, si una

una ex Præmissis talis sit, quoque demonstramus.

Aut ambæ Præmissæ sunt affirmativæ, aut una negativa est (1155.).

In primo casu, cum una particularis sit, ad minimum, habemus tres Terminos particulares, inter quatuor Terminos Præmissarum (1145. 1146.); & unus tantum universalis est; sed Medium semel, ad minimum, universaliter sumitur (1152.); ergo, ambo Termini Conclusionis particulariter sumuntur; quare & hæc particularis est (1153.).

In secundo casu, propter Propositionem unam particularem, in Præmissis duo tantum dantur Termini universales; sive ponamus Particularem esse affirmatam, & Universalem negatam (1144. 1145.); sive negata sit Particularis, & Universalis affirmata (1146.); Medium semel Universaliter ponitur: ergo, in Conclusionem unicus tantum est Terminus Universalis; Conclusio autem negata est (1158.) & idcirco, particularis (1144.).

VIII.

VIII. *Ex duabus Propositionibus Particularibus nihil concluditur.*

Si ambæ affirmativæ sint, omnes Termini particulares sunt (1145.) & Medium non semel universaliter sumitur; ergò, Conclusio non procedit (1152.).

Si ambæ Præmissæ negativæ sint, nihil quoque concluditur (1155.).

Sed si una negativa, altera affirmativa sit, unicum habent Terminum Universalem (1145. 1146.)

Sed hic est Terminus Medius (1152.); & ambo Conclusionis Termini sunt Particulares: quod fieri non potest (1145.); quia Conclusio negativa est (1157.).

### C A P U T III.

*De Syllogismorum Modis, & Figuris.*

**A**ptam Propositionum, Terminorum-que in his, dispositionem, ut Conclusio legitimè procedat, Formam Syllogismi determinare diximus. (708.).

Z

Ad

1163. Ad Formam duo requiruntur, Modus & Figura.

1164. Modus est Propositionum dispositio, attendendo ad Quantitatem & Qualitatem.

1165. Figura spectat collationem Medii cum Terminis Conclusionis in Præmissis.

De Modis primùm agendum.

1166. Omnis Propositio respondet uni ex literis A, E, I, O, (1137.); Ergò, tres Propositiones Syllogismi respondent tribus literis, quæ Modum determinant. Prima respondet Majori, secunda Minori, tertia Conclusioni. Sic E, I, O, designat Syllogismum, cujus Major est Universalis negans, Minor Particularis affirmans, & Conclusio Particularis negans.

1167. Non omnes Modi possibiles in Syllogismis admittuntur; tres literæ, quæ ex quatuor eliguntur, sexaginta quatuor modis variari possunt: sed quinquaginta quatuor, applicatis Regulis, Capite præcedenti explicatis, rejiciuntur; ita ut decem tantùm supersint.

Sed aliâ methodo faciliùs demonstramus,

mus, tantùm decem dari utiles Modos;  
considerando primùm solas Præmissas,  
deinde ad Conclusionem attendendo.

Quatuor literæ A, E, I, O, sedecim tan- 1168:  
tùm dant Præmissarum dispositiones, ut  
ipse harum ordo hic demonstrat.

AA, AE, AI, AO, EA, IA, OA,

EE, EI, EO, IE, OE

II, IO OI

OO,

Ex his rejicimus EE, EO, OE, II,  
IO, OI, OO (1155. 1160.).

IE, quoque rejicitur, nam Conclusio  
esset negativa (1157.); & ideò major  
Terminus Universalis (1143.); qui etiam  
ita in Majore sese habere deberet (1153.),  
quod in I non potest (1145.).

Hæ ergò octo Præmissarum dispositio- 1169:  
nes tantùm supersunt,

AA, AE, AI, AO, EA, IA, OA, EI 1170:

Ex AA tantùm possumus concludere  
in A aut I (1156.).

Ex AE tantùm concludimus in E  
(1157.); Conclusio quidem in O proce-

dit; sed hæc nunquam consideratur; quando magis generalis haberi potest, ut in hoc casu semper, (1154.); quia Terminus minor, in Minore, Universalis est (1144.).

Ex AI. & IA, concluditur tantum in I (1156. 1157.).

Ex AO, OA, & EI, tantum in O (1157.).

Ex EA, tantum in E aut O (1157.).

1171. Et hos nunc habemus Syllogismorum Modos possibiles,  
AAA, AAI, AII, IAI, Affirmativos,  
AEE, AOO, OAO, EIO, EAE,  
EAO, Negativos.

1172. In sex ultimis Conclusio negativa est, & quatuor tantum sunt affirmativi; ad quos & reliqui reduci possent; quia omnis negatio coincidit cum affirmatione contrarii: sed sæpè minus naturalis esset talis mutatio.

1173. In Judicio de Syllogismis, ad Figuram quoque attendendum, quam ad illorum Formam etiam pertinere diximus (1163.).

Qua-

Quatuor tantum Figuras dari posse, ex 1174.  
harum consideratione, statim liquet.

In primâ Figurâ, Medium est Subje- 1175.  
ctum in Majore, Prædicatum in Mino-  
re.

In secundâ, Medium est Prædicatum, 1176.  
in utrâque Præmissarum.

In tertiâ, est utriusque Subjectum, 1177.

Tandem in quartâ, Medium est Præ- 1178.  
dicatum Majoris, & Minoris Subjectum.  
Et est Figura distincta, quæ non in Pri-  
mam simplici Præmissarum transpositio-  
ne mutatur; non enim ab ordine Propo-  
sitionum Majoris & Minoris determina-  
tio pendet (699. 700.)

Hæc tamen quarta Figura plerum- 1179.  
que negligitur, quia Conclusiones in hac  
minùs naturales sunt; ita ut omne quod  
in hac concluditur, magis naturaliter in  
aliâ, ex iisdem Præmissis, aliter tantum  
expressis, concludi possit.

## CAPUT IV.

*De Prīmâ Figurâ.*

1180. **I**n hac Figurâ, *Major est Universalis, & Minor affirmans.*

1181. Si Minor esset negativa, Major esset affirmans (1155.), & hujus Prædicatum, quod est Prædicatum Conclusionis, esset Particulare (1142.); & ita in Conclusionem sese haberet (1153.): sed Conclusio esset negativa (1157.); & particulare Prædicatum habere non posset (1143.): ergo, Minor non est negativa.

1182. Medium est Prædicatum Minoris affirmatæ; ergo particulariter sumitur (1142.), & in Majore, universaliter se habet (1152.); sed est hujus Subjectum (1175.): ergo, & hæc universalis est (1140.).

1183. Ex decem Modis, antea determinatis, (1171.), quatuor tantum huic Figuræ conveniunt,

AAA, EAE, AII, EIO,

reli-



reliqui rejiciuntur, AEE, IAI, AOO,  
& OAO, per Regulam præcedentem  
(1180.):

AAI & EAO; quia in hac Figurâ,  
cùm Subjectum Conclusionis sit Subje-  
ctum Minoris (1175.), quando Minor  
Universalis est, semper Conclusio etiam  
talis est (1154.).

Quatuor Modi hujus Figuræ hisce 1184.  
verbis exprimuntur, *Barbara, Celarent,*  
*Darii, Ferio.*

*Bar* Omne creatum est dependens;

*ba* Omnis homo est creatus,

*ra* Ergò, omnis homo est dependens.

*Ce* Nullus, qui plura quàm possidet  
desiderat, est contentus,

*la* Omnis avarus plura quàm possidet  
desiderat,

*rent* Ergò, nullus avarus est contentus.

*Da* Omne corpus est impenetrabile,

*ri* Quoddam Extensum est corpus,

*i* Ergò, quoddam Extensum est im-  
penetrabile.

- Fe* Nullum turpe est expetendum;  
*ri* Aliquod lucrum est turpe,  
*o.* Ergò, aliquod lucrum non est expetendum.

## CAPUT V.

*De secundâ Figurâ.*

1185. **I**n secundâ Figurâ, *Major est Universalis*; & una aut altera *Præmissarum negans*.  
 1186. Medium est Prædicatum in utràque Præmissarum (1176.), semel universaliter sumi debet (1152.); & hoc fieri non poterit, nisi alterutra illarum sit negativa (1142. 1143.).  
 1187. Sed in hoc casu, Conclusio etiam talis est (1157.), & hujus Attributum universale (1143.); quod tale ergò quoque est in Majore (1153.); cujus cum sit Subjectum (1176.), hæc ipsa Universalis est (1140.).  
 1188. In hac Figurâ etiam quatuor tantum sunt Modi.

EAE,

EAE, AEE, EIO, AOO.

Quatuor Modi affirmativi rejiciuntur, propter Conclusionem in hac Figurâ Negativam (1157. 1185.): OAO non habet Majorem universalem; & EAO, ut ex primâ, sic ex hac Figurâ, excluditur: eadem enim est ratio (1183.).

Modi hujus Figuræ his verbis exprimuntur, *Cesare*, *Camestres*, *Festino*, *Baroco*.

*Ce* Nulla Figura est indivisibilis.

*sa* Omnis Cogitatio est indivisibilis.

*re* Ergò, nulla Cogitatio est Figura.

*Ca* Omne quod hominum malitiam excitat, est culpandum.

*mes* Nulla virtus est culpanda.

*tres* Ergò, nulla Virtus hominum malitiam excitat.

*Fest* Nulla Virtus hominum malitiam excitat.

*ti* Quædam indulgentia hominum malitiam excitat

*no* Ergò, quædam indulgentia non est Virtus.

Z s

Ba

- Ba* Omnis vera Scientia est utilis.  
*ro* Multæ Philosophorum subtilitates  
 non sunt utiles.  
*co* Ergò, multæ Philosophorum subti-  
 litates ad veram non pertinent Scien-  
 tiam.

## CAPUT VI.

*De Tertiâ Figurâ.*

- i 190. **I**n hac Figurâ, *Minor est affirmans, &*  
*Conclusio particularis.*  
 i 191. Minorem esse affirmantem demonstra-  
 tur, ut in Figurâ primâ (1181.).  
 i 192. Attributum Minoris affirmativæ est  
 particulare (1142.); hoc autem est Sub-  
 jectum Conclusionis (1177.); ergò, hæc  
 est particularis (1140.).  
 i 193. In hac Figurâ, sex dantur Modi,  
 AAI, EAO, IAI, AII, OAO, EIO.  
 Reliqui quatuor Modi AAA, AEE,  
 EAE, AOO, per præcedentem Regu-  
 lam, excluduntur (1190.).  
 i 194. Verba Modis hujus Figuræ respon-  
 den-

dentia sunt, *Darapti*, *Felapton*, *Disamis*, *Datifi*, *Bocardo*, *Ferifon*.

*Da* Omnis homo habet corpus.

*rap* Omnis homo cogitat.

*ti* Ergò, quoddam cogitans habet corpus.

*Fe* Nullus homo est Angelus.

*lap* Omnis homo intelligit.

*ton* Ergò, quoddam intelligens non est Angelus.

*Di* Quidam avarus est dives.

*sa* Omnis avarus est egenus.

*mis* Ergò, quidam egenus est dives.

*Da* Omnes Christiani se dicunt Christi discipulos.

*ti* Quidam Christiani sunt avari.

*fi* Ergò, quidam avari se dicunt Christi discipulos.

*Bo* Quidam Christiani non sequuntur legem Christi.

*car* Omnes Christiani se dicunt Christi discipulos.

*do* Ergò, quidam qui se discipulos dicunt

dicunt Christi, hujus legem non sequuntur.

*Fe* Nullum penetrabile est corpus.  
*ri* Quoddam penetrabile est extensum.  
*son.* Ergò, quoddam extensum non est corpus.

Quare quartam Figuram negligamus, superiùs diximus (1179.).

## C A P U T VII.

*De Figurarum Comparatione, &  
 Reductione Argumentorum  
 ad Figuras.*

1195. **N**on omnes Figuras æquè perfectas esse, inter omnes convenit; unam hac de causâ rejici vidimus (1179.); inter tres quæ supersunt, prima communi consensu pro perfectissimâ habetur.

1196. **I.** Quia ratio consequentiæ meliùs in hac, quàm in aliis, percipitur, cùm Termini Conclusionis eodem modo sese habeant in Præmissis, ut in Conclusionem; Subjectum Conclusionis est Subjectum in Mi-

Minore; quod in tertiâ Figurâ non obtinet: Prædicatum Conclusionis est Prædicatum in Majore, quod in secundâ Figurâ locum non habet.

2. In primâ Figurâ, concludimus in 1197. A, E, I, & O; in secundâ, tantum in E, O; in tertiâ, tantum in I & O.

Quidam hanc Figuram generalius considerant, & dicunt ad hanc pertinere omnes Syllogismos, in quibus Medium est Attributum in unâ Præmissarum, & Subjectum in alterâ: tunc quarta Figura fit pars primæ (1178.); sed in hoc casu, distinguunt primæ Figuræ Modos in Directos & Indirectos. *Directi* sunt, quos superius habuimus (1184.); *Indirectos* vocant Modos, qui vulgò ad quartam Figuram referuntur, & quos negleximus.

Ipse autem relatio, Argumenti propositi, ad Figuram, & Modum suum, aliquando difficultatem habet; ante omnia tamen necessarium est, Argumentum ad determinatum Modum, in Figurâ determinatâ, referre, si velimus de validita-

te Argumenti, per Regulas ultimùm traditas, judicare.

1200. Ut difficultas tollatur, primùm debemus Terminos distinguere. Ex. gr.

*Planetarum Lumen non est ipsis proprium.*

*Saturnus est Planeta.*

*Ergò, Lumen Saturni non est ipsi proprium.*

1201. Ad Conclusionem attendendo, hujus Subjectum esse videtur *Lumen Saturni*, & Attributum quod de Subjecto negatur, erit *ipsi proprium*.

1202. Sed Præmissas considerando, hæc ita se non habere videmus. In Minore patet, *Saturnum* solum esse Conclusionis Subjectum, & reliquum Conclusionis est hujus major Terminus; hac de causâ, ut confusionem evitemus, aliter Argumentum debemus exprimere.

1203. *Planetae non proprio Lumine lucent. Saturnus Planeta est.*

*Ergò, Saturnus non proprio Lumine lucet.*

Ar-



Argumentum hoc est in *Celarent* ; quia Propositiones singulares ad universales referuntur (417.).

Alia, circa Terminos, difficultas dari potest ; nam Attributum aliquando exprimitur quasi esset Subiectum ; quæ confusio removetur, si consideremus, Propositionis affirmativæ Attributum nunquam esse Terminum universalem, (1142.) & negativæ Propositionis Attributum nunquam esse particulare (1143.) *Lex lata est contra fures.* Subiectum hujus Propositionis est *fures*.

Secundò, considerandum est, an in ordine proprio Propositionis dispositæ sint ; id est, an Major primum occupet locum, & Conclusio ultimum (1166.).

Tandem, cui ex literis A, E, I, O, singulæ Propositiones respondeant, determinandum erit ; quod aliquando obscurum est : sed ad sequentia attendendo, difficultas removeri poterit.

1. Propositio, cujus ambo Termini sunt universales, est negativa (1144.):

A a 2 ut,

ut, *Solum corpus est extensum*, significat  
*Extra corpus non datur extensum.*

1208. 2. Propositio, cujus ambo Termini  
 sunt particulares, est affirmativa (1145.):  
 ut, *Pauci homines non sunt superbi*, signi-  
 ficat *Multi homines sunt superbi.*

1209. 3. Exclusio negationis locum tenet:  
 ut, *Pauci sunt boni*, significat *Dari mul-  
 tos qui non sunt boni.*

1210. 4. Negatio & Affirmatio Propositio-  
 nis sæpè pendet à determinatione Attri-  
 buti; si enim Attributum sit negativum,  
 Propositio affirmativa negativæ speciem  
 habet: ut, *Lapis non sentit*, si *sentire*  
 sit Attributum, Propositio negativa est;  
 nam de Subiecto negatur hoc: sed si At-  
 tributum sit *non sentire*, affirmativa est;  
 nam hoc de Subiecto affirmatur.

1211. In Præmissis Argumenti distinguendo  
 Terminos Conclusionis (1200.), deter-  
 minatur Medium; & tunc, circa Attri-  
 butorum determinationem, difficultas su-  
 peresse non potest.

EXEMPLA.

*Quod non sentit non cogitat.* 1212.

*Lapis non sentit.*

*Ergò, Lapis non cogitat.*

Ad primam Figuram pertinet hoc Argumentum (1175.), & rejiciendum videtur, propter Minorem negativam (1180.); ut & propter ambas Præmissas negativas (1155.). Sed determinatis Terminis patet, Medium esse *non sentit*; quod est ergò, Attributum Minoris (1175.); quæ idcirco, est affirmativa (1210.).

*Sola Virtus est laudanda.* 1214.

*Temeritas non est virtus.*

*Ergò, Temeritas non est laudanda.*

Iterum Figura est prima, & Argumentum, propter negativam Minorem, rejiciendum videtur (1180.).

Sed Major non est affirmativa (1207.); & ita exprimi debet, *Extra Virtutem nihil est laudandum.*

Tunc Minor est *Temeritas est extra Virtutem*; & est affirmativa.

## CAPUT VIII.

*De Syllogismis Hypotheticis & Disjunctivis.*

1216. **S**eptem, præter Syllogismum perfectum, dantur aliæ Argumentorum species: vocantur Syllogismi imperfecti, & sunt *Syllogismus Hypotheticus*, *Syllogismus Disjunctivus*, *Enthymema*, *Dilemma*, *Inductio*, *Exemplum*, *Sorites*. De Duabus primis hoc Capite, de reliquis in sequenti, agam.

1217. *Syllogismus hypotheticus est, cujus Major est hypothetica, & integram Conclusionem continet.*

## E X E M P L A.

1218. *Si Turcæ sunt Mohammedani, sunt infideles,  
Sed sunt Mohammedani,  
Ergò, sunt infideles.*

1219. *Si Mens est corporea, datur Cogitans extensum,  
Sed non datur Cogitans extensum,  
Ergò, Mens non est corporea.*

Re-

Regula in his Syllogismis observanda 1220.  
est hæc: *Posito antecedente, ponitur con-*  
*sequens; negato consequente, negatur an-*  
*tecedens.*

Ponere in hisce est servare; ideò, si an- 1221.  
tecedens, aut consequens, sit negativum,  
dum ponitur, negatio servatur; tollitur au-  
tem hæc, si negetur Terminus negativus.

*Si atomus est indivisibilis, non est* 1222.  
*extensa,*

*Sed est extensa,*

*Ergò, non indivisibilis.*

Minor propriè est *Sed non est non ex-*  
*tensa.*

Cavendum in hisce Argumentis, ne ne- 1223.  
gato antecedente, negetur consequens;  
aut posito hoc, ponatur antecedens.

*Syllogismus disjunctivus est cujus Major* 1224.  
*est disjunctiva; id est, divisa in duo aut*  
*plura membra.*

Conclusio huic legi subjicitur; *Nega-* 1225.  
*tione omnium membrorum, excepto uno, hoc*  
*ipsum affirmatur; aut affirmatione unius,*  
*reliqua negantur.*

*Auf*

## E X E M P L U M.

1226. *Aut est Ver, aut Æstas, aut Autum-  
nus, Aut Hyems,  
Sed neque est Ver, neque Æstas, neque  
Autumnus,  
Ergò, est Hyems.*

*Aut*

*Sed est Hyems;  
Ergò, non est Ver, neque Æstas,  
neque Autumnus.*

1227. Non procedit tale Argumentum,  
quando divisio in Majore non est com-  
pleta; si enim pars una deficiat, Conclu-  
sio nulla est.

Veritas assertionis in Minore necessaria  
quidem est; sed ad Formam Argumenti  
non pertinet.

## C A P U T IX.

*De reliquis Syllogismis imperfectis.*

1228. **H**orum Syllogismorum enumeratio-  
nem superius dedimus (1216.).

*En-*

*Enthymema est Syllogismus truncatus.* 1229.  
De hoc ipso vide supra (706. 707.).

*Dilemma est Argumentum in quo, di-* 1230.  
*viso toto in duas partes, hæ ambæ reji-*  
*ciuntur, ut illud rejiciatur.*

E X E M P L U M.

*De omnibus dubitandum esse, est aut* 1231.  
*verum, aut falsum.*

*Si veram, de hoc ipso non est dubitan-*  
*dum;*

*Si falsum, de omnibus non est dubi-*  
*tandum*

*Universale dubium ergò, est absurdum.*

Ut Dilemma procedat desideratur, ut 1232.  
præter ambas partes, tertia non detur, &  
ut singulæ, validâ de causâ, rejiciantur.  
Sequens notissimum Exemplum ambo-  
bus defectibus laborat.

*Si Uxor ducenda sit, aut ducenda est* 1233.  
*pulchra, aut deformis.*

*Si sit pulchra, erit sollicitudini,*

*Si deformis, fastidio,*

*Ergò, non ducenda.*

Bb

Vi-

1234. Vitiosum Dilemma sæpè retorqueri potest, ut hoc;

*Si rem publicam benè administraveris, offendes homines;*

*Si malè, offendes Deum;*

*Ergò, non administranda est.*

Retortum Argumentum est;

*Si benè, placebis Deo;*

*Si malè, hominibus;*

*Ergò, administranda est.*

1235. *Inductio est Argumentatio in quâ de toto concluditur, quod de singulis partibus fuit demonstratum; validam esse Conclusionem patet, si nulla pars fuerit prætermissa; invalidam, si una deficiat.*

1236. *Exemplum est Inductio imperfecta, in quâ, ex uno singulari, Conclusio deducitur universalis.*

1237. Ad illustrandum, non ad probandum, Argumentatio hæc usu venire potest.

1238. *Scriptes est Argumentatio constans variis Propositionibus, ita dispositis, ut Prædicatum*



*catum præcedentis fiat Subjectum sequen-*  
*tis.*

De hac Argumentatione antea egimus  
(727. & seq.).

*Artis Argumentandi.*  
*Finis.*



k75-2

